

گلشن ولایت

مع و مرانی
سیمه زنی در بزم زنی

احمد
محمّدی (پشتون)
مفتی، (نظمی)

گلشن ولایت

مدح و مرثی
سینه زنی و زنجیر زنی

اثر پنجم :

حاج میرزا محسن محمدی « هشترودی »

متخلص به : « ناطقی »

محمّدی، محسن، ۱۳۲۶ -
گلشن ولایت: مدح و مراشی، سینه زنی و زنجیر
زنی/ اثر محسن محمّدی (هشترودی) منظم به
"نامقی". - تهران: احمدی، ۱۳۸۱.
۴۸ ص.

ISBN 964-6797-23-7: ۲۰۰۰ ریال

فهرست نویسی بر اساس اطلاعات فیپا.
۱. شعر مذهبی ترکی -- قرن ۱۴. ۲. شعر ترکی --
ایران -- قرن ۱۴. الف. عنوان: مدح و مراشی سینه
زنی و زنجیر زنی. ب. عنوان.

۸۹۴/۳۶۱

PL۳۱۴/م۲۶۸۱

۸۱-۱۷۵۳۵

کتابخانه ملی ایران

شابک
۷-۲۳-۶۷۹۷-۹۶۴
ISBN 964-6797-23-7

نام کتاب: گلشن ولایت
مؤلف: حاج میرزا محسن محمّدی
نوبت چاپ: اول - سال ۱۳۸۱
چاپ: پیام
تیراژ: ۲۰۰۰ جلد
حروفچینی: انتشارات احمدی

ناشر: انتشارات احمدی تلفن: ۳۹۰۸۹۹۶ - ۳۹۳۴۱۱۶

آدرس: تهران - خیابان ناصر خسرو - کوچه حاج نایب

پاساژ ۱۱۰ - طبقه چهارم - پلاک ۷۴

السلام علیک یا مولای یا ابا عبدالله

ثبت اولا نامه اعماله گوژلدور حسنات
رفع ائدر درد و بلانی وئریله گر صدقات
ایکی دنیاده آغزلار شیرین اولسون حضرات
گل رُخسار دل آرای محمد صلوات



گیدوب عمرمون صفاسی قوتاروب بهار حسین جان
وئرن عمرنی فنایه اولی شرمسار حسین جان
قابووا گلن گدانی قوآسان سنه یاراشماز
باشیم ئوسته گل ئولنده ائدیم افتخار حسین جان

بِسْمِ اللَّهِ الرَّحْمَنِ الرَّحِيمِ

این تحفه ناقابل دربارۀ عبرتنامه قصاید مراثنی
در مصائب آل محمد علیهم السلام و غیره مشتمل بر
آهنگهای جدید سینه زنی، زنجیرزنی، جوشی و
انقلابی می باشد.

مؤلف

الهی حضرت زهرا یه خاطر
شفیع محشر گُبرایه خاطر
آلِمدن دوت پناه سیزلار پناهی
عنایت ائتگن مولایه خاطر
ذلیلیم مُذَنبیم بار خدایا
گذشت ائت عترت طاهایه خاطر

شماره تلفن مؤلف: ۰۴۲۳۶۲۲/۳۳۲۵

حق طبع محفوظ و مخصوص مؤلف است

هو الواقف

اولسون سلام جاه و جلال محمد ﷺ
 اولسون سلام حُسن کمال محمد ﷺ
 اولسون سلام مطلع انوار عالمه
 صلوات اوخی محمد آل محمد ﷺ

گوزلدی ذکر اولونا ابتداده بسم الله
 سالار حقایقی واضحدی یاده بسم الله
 مقام آیه نی درک ایله اسم اعظم دور
 وئرنندی اهل دله استفاده بسم الله
 اوخی آرینمه ازلده دعای تمجیدی
 آچار ضمایری کُلّا دعاده بسم الله
 خلوص نیتلن گر عقیده پاک اولسا
 نتیجه بخشدی بس فوق العاده بسم الله

إِيَّاكَ نَعْبُدُ وَ إِيَّاكَ نَسْتَعِينُ

قدرت یوخوندی قدرتی مؤلادن آل قلم
دارین پناهی خالق یکتادان آل قلم

مسجوده بس نشانگر عبادتده دهریده
اخلاص ئوزیله ربّی الاعلادن آل قلم
بیر لحظه گیتمه ساق صولا هر نه وار اوندادور
یوخدور مثالی عزّتی بیتادن آل قلم
خلاق لامکانه توکل سزادی بس
روحین غذاسی درده مُداوادن آل قلم
مأیوس اولما خلق ایلین بهره مند ائدر
توفیق ایسته حیّ توانادن آل قلم
مردان روزگار بیزه یول نشان وئروب
عشق عالمینده حضرت زهرادن آل قلم

یا غفار الذُّنوب

گر اولماسا اللهی سندن بیزه عنایت
 هاردان اولار یازیلسون اشعار با حلاوت

ما فی الضمیره مولا آگاه سن مُسلّم
 بس ائتمه سن تقبّل اولماز قبول عبادت
 دفتر قلم آیمده طبعیم اولوب مُهیّا
 وئرسه اگر سفیرون بو باره ده رضایت
 اوضاع کربلادن ثبت ایلیوم کتابه
 بو شرطیله ئوزوندن بس ایستورم عنایت
 صیّاد مرگ هر آن تعقیب ائدور خدایا
 ئوللم نشانه قالسون بو گلشن ولایت
 مشتاق کربلایوخ احسان ائله اللهی
 اخلاصیله حسینون قبرون ائداخ زیارت

ای عاشقان مؤلاً واردور سیزه سلامیم
 محشر گونونده نیلر انسان کم بضاعت
 هر کیم قدم گوتورسه پروردگاره خاطر
 دارینده اونوندور عزّ و شرف سیادت
 یا رب بحقّ زهرا سالما ئوزون نظردن
 لطف ائت اوزاقه دوشسون بی شرمی و قباح
 بس « ناطقا » منیت خوار ایلر هر کس اولسا
 کبر غروری سیندیر درک ائتمه سون ذلالت

قطعه

تکبر اولما عزیزیم بو فانی دنیاده
 نه ایستوسن گوزلیم خاکسار اول اُفتاده
 جمالین آفتی کبر و من و منیتدور
 نتیجه سین گورر انسان مُسلم عُباده

اظهار ارادت به چهارده گل

واقف اسرار سن یا رب عطا مشتاقیم
سوَدیگون اون دورد گُلده وار صفا مشتاقیم

قیل عنایتلن نظر ای خالق حیّ ودود
صاحب قرآن رئیس انبیاء مشتاقیم
دستیار ختم مُرسل پیشوای راستین
شهریار مُلک ایمان مُرتضا مشتاقیم
باعث ایجاد عالم مام سبطین الرّسول
گوهر کنز حیاء خیر النّساء مشتاقیم
سبط اکبر خواجه رضوان امام مُمتَحَن
قُرّة العین محمّد ﷺ مُجتبا مشتاقیم
روح بخش عاشقان و رهروان معرفت
خامس آل عبا کرب و بلا مشتاقیم
دکتر آل محمّد ﷺ دور حسین بن علی
زاده خیر الوری زین العبا مشتاقیم

باقر بحر العلوم اُستاد دانشگاه دین
 مکتب الزّهرا عزیزی ، جان فدا مشتاقیم
 حضرت صادق رئیس مذهب اثنی عشر
 مُجری قانون حق بَدْر الدُّجاء مشتاقیم
 حضرت موسی بن جعفر سالک و صالح لقب
 مُطلقاً بابُ الحوائج دور عطا مشتاقیم
 عالم آل محمّد ﷺ قبلگاه عارفان
 زُمره عُشّاقده موسی الرضا مشتاقیم
 حضرت مولا ابو جعفر مُلقب بالتّقی
 صحنه آفاقده مُشکل گشا مشتاقیم
 آد علی طَیّب لقب محبوب حَیّ لَامکان
 سینّه سیناده کی نور خدا مشتاقیم
 افتخار کَوْن و امکان دور امام عسکری
 معدن جود و کرم درده دوا مشتاقیم
 مهدی موعوده یا رب اذن و ثرائسون ظهور
 صاحب قسط و عدالت مُطلقاً مشتاقیم
 « ناطقا » توفیق ایسته خالق مَنّاندن
 عاجزانه عرض ائله روحی غذا مشتاقیم

السلام عليك يا مولاي يا ابا عبدالله

سلام اولاً سنه ای کربلا غریبی حسین
 خدای لَمْ یَزَلین سوگلی حبیبی حسین
 شفا قرار و ثروب تُپراقوندا حی و دود
 علاج سیز مرضین واقعی طبیبی حسین
 زهرا عزیزى باب تولایه گلمشم
 سرماییم آزدور آماقا سرماییه گلمشم

بوشدور آلیم قرادی یوزوم یابُن مرتضی
 سندن بَرَات آماقا عَقْبایه گلمشم
 عمروم گیدوب فنایه آلیمدن یاپوشگلان
 احسان آلله سال باشما سایه گلمشم
 دین عشقنه سوسوز یارالی جان و ثرن آقا
 شَهرلر گدانی رَدّ ایلهمز پایه گلمشم
 ای کربلانی روضه رضوانه دوندَرَن
 احسان ئوزیله لُطف ائله ایمایه گلمشم

آچماز آلین گدا کیمی مَدّاحون ئوزگیه
 اظهار دردی ائتمگه مولایه گلشم
 بحر کرم سن ای وئرن اسلامه رونقی
 کشکول آیمده ویرماقا دریایه گلشم
 سن بیل وفالی قارداشوون قانلو گوزلری
 نوکرلقا قبول ائله امضایه گلشم
 آگاه سن تمام رُموزات عرضیمه
 دارین پناهی درده مُداوایه گلشم
 وار آرزو ئورکده ولی ئولمیش گورم
 بیر گون بو ملّتیه او مأوایه گلشم
 ای رادمرد « ناطقی » مَدّاحون عرض ائدور
 فخریم بودور که مکتب زهرايه گلشم

*

رُبَاعِیَات

اوّلده سلام عرض ائدورم اهل عزایه
 سرمایهدی بو مجلس غمدار بقایه
 صدقیله دوتاخ شاه شهیدان آتگیندن
 دعوت ائده بو جمعی گداخ کرب و بلایه

آحسن سیزه ای باب تولایه گلنلر
 فخریله گلون مکتب زهرایه گلنلر
 بیگانیه قسمت اولای بیلمز بو سعادت
 اخلاصیله ای آلماقا سرمایه گلنلر

مأجور اولاسوز خالق آلیله ایکی دُنیا
 تأیید ائله سون خدمت آئینوزی زهرا
 اظهار ارادت یتورک جانِ جهانِه
 البتّه ائدر اوغلی حسین درده مُداوا

سرمایه عزّت یکی دنیاده حسیندور
 آلدن یاپوشان فخرئیلہ عقباده حسیندور
 جانانینہ جان بذل ایلوب کرب و بلاده
 لب تشنه وئرن جان لب دریاده حسیندور

اثنی عشرون واضحی مولاسی حسیندور
 فرمانده ائدن لشگرہ عباسی حسیندور
 قربانلارینی چکدی غرض مسلخ عشقنه
 دین ئوسته سوسوز دوغراناں اعضاسی حسیندور

باجادی دیاخ نیت افکاریوه قربان
 دورنده اولان یار و مددکاریوه قربان
 دعوت ائله بو جمعی گلہ کرب و بلایه
 شرمندہ یاتان قولسوز عملدارؤه قربان

زیبنده اولار اوردا دیاخ اصغرہ قربان
 دین عشقنه اهدا اولونان اکبرہ قربان
 سن اولما رضا حسره تمیز قلیدہ قالسون
 قرآن کیمی اوراق اولونان پیکرہ قربان

شاه شهیدان دادی وار

لفظ بسمِ اَهلن باشلانا عنوان دادی وار
اوخونا مجلس عرفانده قرآن دادی وار

مکتب معرفته ئوز قویان عاشق خوش اولار
لحظه به لحظه آچا منظره ایمان دادی وار
هر کس ئوز معرفتی قَدْرِجه توفیق تاپار
قدم آتدوقجا یتر مقصده هر آن دادی وار
معنویّته سعادت گورونور دَقّت ائله
بشره قسمت اولار روضه رضوان دادی وار
کسب اولونموش عملون زحمتنون اُجرتی وار
عبد صالحده اولار خدمتِ شایان دادی وار
سوزی کوتاه ایلوم خالق مَنان قدیم
ذَرّجه شیعلره ایلیه احسان دادی وار

کربلا یولّا رینی ایلیه آزاد بیزه
 ئوز قویاخ گیتمگه شوقیله شتابان دادی وار
 عُرْفا مَسْکِنْدور کرب و بلا کعبه عشق
 اوردا اخلاصیله هر کیم اولا مهمان دادی وار
 لاعلاج اولسا بیر دویسون حسینون قاپوسین
 تُرْبَتی عالی شفا درتله درمان دادی وار
 عُمّی مطلبده تفکّر ائله معناسینه باخ
 بیر حسینیکه سویر خالق مّتان دادی وار
 مَسْلَخ عشقده جانانینه جان بذل ایلوب
 دوره سینده نچه برجسته فِتیان دادی وار
 آقا دور نوکرنی « ناطقی » مایوس ایلمز
 جان وئرن وقته گلر شاه شهیدان دادی وار

**

کشنون ادبی قزلدان باشدور
مین کلام حضرت امام علی علیه السلام

عزیزیم عزت دنیا ادبدی
مؤدب اول گلان دارا ادبدی

ادب محبوب ائدر اهل ولانی
ادبدی کلید جنة المأوا ادبدی

ادب آئینه عقل بشردور
ادبدی مُسلم رُتبه والا ادبدی

بقا مُلکین اشقلاندير گوررسن
ادبدی بلی سرمایه عُقا ادبدی

مباهات ائلمه زیبا وجوده
ادبدی گوزل لردن گوزل مؤلا ادبدی

نقدر زُلف شب رنگ اولسا واضح
ادبدی ثمر یوخ طُره طَرا ادبدی

گوز اولسا واقعاً آهو باخشلی
ادبدی همانا دیده شهلا ادبدی

جمال اولسا اگر ماهِ مُنَوّر
 مشخّص‌دور گوزل سیما ادبدی
 اماندور بیر کسی تحقیر سانما
 تکبر اولما بس : کبریٰ ادبدی
 کمال و معرفت هر کیمده اولسا
 گورلر سعی ائله جویا ادبدی
 همانا علم و دانش اوج‌لنسه
 گنه با اینهمه دانا ادبدی
 رضای کردگاری دوت نظرده
 تقرّب حقّ چون بینا ادبدی
 اگر موسی ابن عمران طوره گیتسه
 دمامد سینّه سینا ادبدی
 خلاصه اهل تقویٰ محترم‌دور
 سعادت اخذ ائله اعلا ادبدی
 ادبدور « ناطقی » انسانه زینت
 قزلدان باشدی بی‌همتا ادبدی

رُبَاعِیَات

علی فرمایشتاین دوت نظرده
 ادب سرمایه‌دور هر رهگذره
 عزیز ایلر ادب انسانی سوز یوخ
 چخار اولماز بو نوعی ناب زرده

ادب تکمیل ائدر نام و نشانی
 ادب غوغا یارالداندور نهانی
 ادب تحقیق اولونسا حق نُمادور
 بشر اوندا گورر صاحب زمانی

ادب روحه غذا درده دوادور
 وجود خاکده عالی بنادور

ادب روحه غذا درده دوا دور
 وجود خاکده عالی بنادور
 وئرر عزّت چکر سمت جنانه
 ادب سیز زندگی کُلاّ فنادور

سوزون وار ابتدا و انتهای
 هر ایشده گر اولّا الله رضاسی
 نتیجه بخش اولار گیتمز فنایه
 ادب دور کیمیا لر کیمیا سی

ادب هر کیمده اولسا بی بدل دور
 دانشسا سوزلری شهد و عسل دور
 آچار یئر قلبلرده هر زماندا
 ادبلی هر گوزل لردن گوزل دور

ادب عبّاسی چکدی شاه‌راهه
 یتیشدی جاویدانی خوش رفاهه
 اجازه ایستدی فرمانروادن
 آچوپ پرچم ووروبدور وعده‌گاهه

دوتوپ ئوز لشگر کُفّاره عبّاس
 آچوب دل سویملی گفتاره عبّاس
 ایا ای شیعیان آل سفیان
 گلوب آگاه اولون پیکاره عبّاس

بو صحرا ده حسینّه جان‌نثارم
 امام عصریدور خدمت‌گزارم
 رضایم جان وئرم جانان یولوندا
 علی المرتضادن یادگارم

باشیمدا تاج کرّما حسیندور
 تمامی عالمہ مؤلا حسیندور
 رسول اکرمون آرام جانی
 عزیز حضرت زہرا حسیندور

حسیندور زینت عرش الہی
 واریمدور آلدہ زینندہ گواہی
 گئدوبدور عرشہ قنذاقی اولان گون
 مقامی اوج اعلا پایگاہی

خلاصہ پوزدی یکسر تشکیلاتی
 آلوب عبّاس نام آور فُراتی
 حسین سیز ایچمدی دریا سویوندان
 تماشالیدی نفسیندہ ثباتی

اُندو بدور نفسِنی توبیخ او سرور
 کناره نهردن چخدی مظفر
 ویرو بدور مرکب رهواره مهمیز
 سوسوز دور خیمده اولاد حیدر

سلام اولسون گل و گلزار دینه
 سلام اولسون ابوالفضل امینه
 اوغول داغی چتیندور هر ثورکده
 سلام اولسون خانم اُمّ البنینه

قیتدی مرد میدان وعده گاهه
 آپاردی حمله لشگر بی پناهه
 نکر اولدی دئمه (ناطق) او لحظه
 ابوالفضل دوشدی آتدان قتلگاهه

عبرتنامه

یازیلسا نامه اعماله یاخشیدور حَسَنات
صفا سی وار بوش الیله وئریلسه گر صدقات

بلانی رفع ائدر اوّل چوخالدار اموالی
نتیجه بخش اولار البتّه دوز اولا خیرات
وئروبدی نعمت وافر خدای بی همتا
سزادی خالق متّانه شُکر اولا دفعات
اماندی نفسوی قویما دولانسون ئوز باشنا
قاباخدا واردی مُسَلَّم منازلِ خطرات
اوزاخدی یول بو فنا روزگاره تولانما
تهیّه ائتمه لیوخ روز حشر اوچون سوغات
وسیله اولماسا آله جواب وئرمزله
قیامتین گونی روشندی مسئله حضرات

چکیلسه واضح اگر آل یتیم‌لر باشنا
 خبرده واردی یئتر داده شافع عرصات
 رسول اکرمون هر یئرده ذکر اولونسا آدی
 کمال عالیه‌سی عالیدور دیاخ صلوات
 سوز اختصار اولاً بس (ناطقاً) مُسَلِّمَدور
 ئورکلر اینجمز هر وقته ذکر اولاً کلمات

قطعه

اولسون سلام قائد الاخیاره دمبدم
 اولسون سلام احمد مختاره دمبدم
 اولسون سلام همسر زهراى اطهره
 اولسون سلام حیدر کزّاره دمبدم

عبرتنامه
و اشاره به شهادت مولا علی علیه السلام

همیشه‌لیک گوزلیم گل آچوپ بهار اولماز
خطرده واقع اولار عیش کامکار اولماز

عجیبه مرحله‌لر وار قاباخدا باد خزان
وئرر فنایه گلستانی لاله‌زار اولماز
نقدر گللر اولا گلشن ایچره زیبا فر
علاقه باغلاما واضحدی پایدار اولماز
یاواش یاواش گوروسن گلشنون طراوتینی
سولور دوشور یخلان گلده اقتدار اولماز
یئتیشسه ریشیه صدمه نُمُودن قالاجاخ
سارالسا غنچه مُسَلَّمَدی تاجدار اولماز
گل و گیاهده تکلیف یوخ فنا اولاجاخ
بشر بو نوعی دگل عارف اول تبار اولماز
عبث یارانمیوب انسان آغیردی تکلیفی
مُفاد لَم یزلی درک ائدن خُمار اولماز

تمام ما خلق اللّٰهده خدای علیم
 عزیز ائدوب بشری بیلہ افتخار اولماز
 ولی بو شرطله آگاه اولا وظیفه سینه
 اسیر نفس اولان عالمده هوشیار اولماز
 اماندی دامنوی لوئدن کنار ایلہ
 بشرده تزکیه نفس اولسا لکّدار اولماز
 ریادن ایلہ حذر خلق ایچینده ذکر دئمه
 نظرده حقّی دوتاخ ، رذل با وقار اولماز
 کیم ئوز حیاتی بیجا سووا بو دنیاده
 دوشر فشاره قیامته دستیار اولماز
 علی و آل علیدن نقدر دم ویراسان
 نماز قیلیمانا حامی هشت و چار اولماز
 علینی کیم تانیا معرفتله دنیاده
 قیامتین گونی وَاللّٰهی شرمسار اولماز
 ریاء عملده اگر اولماسا سعادتدور
 اجل سُراغه گلنده گولر نهار اولماز

قالانلار عبرت ائده واقعاؑ ئولنلردن
 ئولوم آتین مینه جاخ مُشکله دُچار اولماز
 تکبُرانه دولانما غروروی سیندیر
 دئمه جوانم هله عُمره اعتبار اولماز
 گلر سُراغه ئولوم غفلتاؑ امان وئرمز
 جواب وئرمگه بیر لحظه اختیار اولماز
 آجل تری بُروینده سولار جمال جمیل
 قوتارماقا تله سر مرگ سازگار اولماز
 نفس شماریه دوشدوقجا تنگ اولار سینه
 چکله قرمزی خطّ عمرده چیخار اولماز
 آلونکه چیخدی بوشا لا إِلَهَ إِلَّا اللَّهُ
 ئوزی باغشلاماسا کیمسه رستگار اولماز
 قویاندا قبره همان دَم وجودی انسانلار
 غم اوسته غم یارادار ایله بیر دیار اولماز
 غریب اولکه گئندلر گلر قالارسان تک
 به غیر از ئوز عملون آیری همجوار اولماز
 کیمه پناه آپاراخ یا کریم و یا غفار
 عنایت ایلمه سن ئوزگه لر که یار اولماز

الهی دوت آلمیزدن بحق شاه نجف
 حمایتون اولا گر ذره قبر تار اولماز
 علی بئله بویوروبدور که مَنْ یَمُتْ یَرَنِ^۱
 فدا اولوم آدنا بيله دستیار اولماز
 علی ولایتی سرمایۀ سعادتدور
 علینی ایستین البتّه خوار و زار اولماز
 علی کمین هانی تاریخده اولان مظلوم
 دئیولمسه غم و آلامی آشکار اولماز
 قلیجلانوبدور علینون باشی نماز اوسته
 جمال آنوری تک قانلو گلغذار اولماز
 گورنده زینب کبرا آچوپدی قولارینی
 قزون کیمی دئدی عالمده اشکبار اولماز
 دوباره دن آتاسیزلار پناهسیز قالدی
 پناه عالمیان بيله روزگار اولماز
 مُطَوَّل اولدی سوزون (ناطقاً) کفایتدور
 علینی سسلین امداده انکسار اولماز

۱ - کسی که می میرد مرا می بیند.

زبانحال حضرت زینب علیها السلام

عمر و اولسا دیرم غملره توش اولدی آتام
 یثری ترک ائلدی خانه بدوش اولدی آتام
 قانه دوندی ئورگی دویدوله زهرا آنامی
 کُمگی اولمادی صبر ائتدی خموش اولدی آتام

باغبان ئولسه گُلستانده گُللر سارالی
 توزا تُپراقه باتار رنگی سوسوزدان قرالی
 گنجّه دفن اولماقنون اوخشاری واردور آناما
 سینه دن او یارالیدی بودا باشندان یارالی

محنتیله منی مأنوس ائدوب ایّام بلا
 بویانوب قاننه محرّابده سلطان ولاء
 یانورام اودلانورام کاسه صبریم جالانوب
 آتامی قویدولا تُپراقه گنجّه بشدا یارا

عبرتنامه و اشاره به شهادت امام حسین علیه السلام

افترا بُهتان دئمه خُرد و کُباره شرم ائله
عاقبت رسوا اولار اهل شراره شرم ائله

طوق ذلّت گردنونده طالب ایلوب دشمنه
باخگلان هر دَم مدال افتخاره شرم ائله
بیلموسن آخر هارا مُنجر اولاندور مسئله
ظاهری اعمالوه ایله نظاره شرم ائله
جهل دریاسیندن استغفار ائله گل ساحله
غرق اولارسان آند اولا پروردگاره شرم ائله
چوخ مواظب اول دلوندن بوشلما آفسارینی
ایستیور چکسون بلی دارُ البّواره شرم ائله
بیر قاپی لازیمدی هر بیر ساختمانه قیل نظر
بس دیلون واردور ایکی دربی هماره شرم ائله
اولی دیشدور کلید ویر حبس اولا دَلتمسون
دوُمی باجا دوداقلار سال حصاره شرم ائله
یاخشلوخ گلمور آلوندن نَفَسوی توبیخ قیل
چیخموسان انصافِدن واضح کناره شرم ائله

فانی دُنیاده وفا یوخ چوخلارین خوار ایلویوب
 مایل اولما خلق ایچینده اِشتهاره شرم ائله
 یول اوزاخ منزل قرانلوخ باخگلان اعمالوه
 خواب غفلتدن اویان ائت درده چاره شرم ائله
 اوچی تعقیبینه تیر آله گزور لیل و نهار
 ناگهان بیردن ویرار چیخیش شکاره شرم ائله
 قُدرتون آلدن گئدر وئرمز اجل مُهلت داخی
 رختخواب ایچره گلرسن آه و زاره شرم ائله
 بی غرضدور سوزلریم آند اولسون اکبر جاننه
 وئرمه آلدن فرصتی ائتدیم اشاره شرم ائله
 بیرده آند ایچمه یالاندان کربلا سلطانه
 قلبده وار یارهسی ویرما شراره شرم ائله
 شمره فرمایش ائدوبدور سرور آزادگان
 سینم اوستن دوش یئره سالما فشاره شرم ائله
 چکمه خنجر اولما قاتل خوف ائله قَهّاردن
 ئولمه سمدۀ ئولدورور قلبیمده یاره شرم ائله
 اوندا قورتولدی ایشیم گوردوم جوان اوغولم دوشوب
 تُپراق اوسته ایلویوبسوز پاره پاره شرم ائله

ئولدوروبسوز قافله سالارمی گلگیر بئلم
 قدرتیم یوخدور دورام ظالم دوباره شرم ائله
 ایستدیم سو وئرمدوز آلهه خاطر اصغره
 اوخلادوز قانه بویاندی شیرخواره شرم ائله
 قؤل وئرمیشدیم رُبابه اصغری سالم گوره
 لیک بوش قالدی خیمده گاهواره شرم ائله
 ایلورم اتمام حجت اهل عالم درک ائده
 ذرّه جه یالوارمارام من نایکاره شرم ائله
 جلوه جانانه مُشتاقم تجلیگاهده
 گرچه سینمده یارام گلگیر شماره شرم ائله
 وئرمشم امضاء بو چولده غرق اولام ئوز قانمه
 وئر آمان اظهار درد ایلوم نگاره شرم ائله
 سینمون هر بیر یاراسی حقّی اثبات ایلور
 عاشقم معشوق باخسون خاکساره شرم ائله
 خانه ویران آلرون آلوده ائتمه قانیمه
 من حسینم باخگلان خونین عذاره شرم ائله
 (ناطقاً) زینبده گلدی قتلگاهه خیمدن
 قاتله فرمایش ائتدی گیت کناره شرم ائله

زبانحال حضرت زینب علیها السلام

حیاء ایله یثره دوش کایناتی یانديرما
 عزيز فاطمَنی قاننه بویانديرما
 آیین شل اولسون اوتان کردگار یکتادن
 باجی. یانیندا دوروب ، قارداشی اوتانديرما

یارالیدور یارالار قان وئورور دایان ظالم
 توانی یوخدی دورا جان وئورور دایان ظالم
 اوتان حیا ائله زهرا قزین سزیلداتما
 حضور یاره گیدور امتحان وئورور ظالم

بو حاللن گئوروسن تُپراقا قویوب ئوزونی
 ویروبلا آللنا داش دولدوروبدی قان گوزونی

ئورک تلاطم ائدور باشنی قویوم دیزیمه
سلیم دوداقلارینی درک ائدوم ئورک سوزونی

ئوره گمین قاننا بسدی قاتما گوز یاشمی
اجازه وئرسه حسینیم دو گس منیم باشمی
حسینون عشقی چکوبدور منی بو صحرايه
چوخ ایستورم من ئوزومدن بارالی قارداشمی

بئله خیال ائلمه قلب ائوینده یوخ یاراسی
او یاره تک بونی سالماز فشاره چوخ یاراسی
ایاقدا چکملرون سینه سین آغورلاتما
اوغول یاراسینون ئوسته دگوبدی اوخ یاراسی

عبرتنامه
و اشاره به فرمایشات امام علیه السلام

تفاخرِ ائمه گوگولِ اشتهاره قالمیاجاخ
 باخِ عبرتِ یله گچن روزگاره قالمیاجاخ

وفاسی یوخدی فنادر بقایه توشه گوتور
 علاقه باغلاما بی اعتباره قالمیاجاخ
 وار اشتیاقون اگر قصرلر بنا ائده سن
 خراب اولوب اولاجاخ آشکاره قالمیاجاخ
 نقدرِ فخرِ ائده سن عیش نوش و تفریحه
 صحیح عمل قالاچاخ شادِ خواره قالمیاجاخ
 عزیز عمروی بیجا فنیاه وئرمه گلن
 گلن گئدوب بو جهان کامکاره قالمیاجاخ
 آچویدی منظره قاش ئوسته طرّه طرا
 ملاک عملدی صفا گُلعداره قالمیاجاخ

تفکر ایله بو کهنه رُباطِ خانیه باخ
 جُنون و عادی و هم هوشیاره قالمیاجاخ
 عروس تک بَزنوبدور نشان و ثرور ثوزونی
 قاشین گوزون آتور ایلور اشاره قالمیاجاخ
 اماندی اولماگلان نَفَسوین اسیری گوْگول
 مُسلَّط اولسا داخی یول فراره قالمیاجاخ
 حزین حزین دیوری قوخما توبه‌نین یولی وار
 اِنانما تولیوری بو قراره قالمیاجاخ
 هاچان اجل وئره‌جاخ مهلت اشتباه ائدوسن
 ایشقلی گون دونه‌جاخ لیل و تاره قالمیاجاخ
 بیرین گلین چخادور ایلور بیرین داماد
 حَمَلده گر اولا بُرجی ستاره قالمیاجاخ
 چوخون بوکور کفنه عِدّه‌لر کفن‌سیزدی
 دالیجا نوحه ائدن اشکباره قالمیاجاخ
 اوزاخدی یول گرک آذوقه‌سی فراهم اولا
 کوچن گئدوب بو قالانلار هَماره قالمیاجاخ

قرانلوخ ائو چاغرور صاحبین بساط گتور
 بهانه‌نون یولی بیر اُسگداره قالمیاجاخ
 وظیفه قاصد اوچوندور فقط سوزون یئتوره
 سوزه اطاعت ائدن آه و زاره قالمیاجاخ
 دئمه خزان یلی فصل بهاریده اولماز
 خلاف رأی‌دی توش اولسا خاره قالمیاجاخ
 بهارین عیشی دونه آفتیله بیر لحظه
 طراوت گل و گلشن بهاره قالمیاجاخ
 هوسله باخماگلان زرق و برق دنیایه
 بقاسی یوخدی سحر دور ناهاره قالمیاجاخ
 ئوزون گلیدون اگر بو دیاره گیتمزدون
 محال آمریدی بو اختیاره قالمیاجاخ
 سفر تدارکین آماده ایله عاریه‌سن
 سوزی آچیق دئیورم استعاره قالمیاجاخ
 سؤزون ادامه‌سی چوخدور حسینچیلر یورولار
 مُطوّل اولسا سورا اختصاره قالمیاجاخ

کُوسَلَّه کرب و بلادن آپارماساخ بیر آد
 نتیجه آلمیانا اِثماره قالمیاجاخ
 چکوپدی قافله عشقی کربلایه حسین
 حیات زندگی بیر جائتاره قالمیاجاخ
 او بینش و او صداقت یاراشماز آیری کسه
 بویوردی زینبینه باخ قطاره قالمیاجاخ
 نَقَدَری واردور ابوالفضلمین آئنده عَلم
 دارخما لیک باجی ائت نظاره قالمیاجاخ
 سالالّا قولّاَرینی مَشْکِنه ویرالّاَر اوخ
 نظام قامت او شاهین شکاره قالمیاجاخ
 او ساعتی بوکولر قامتیم سولار رنگیم
 رفاه و زندگی خُرد و کُباره قالمیاجاخ
 بو قاسم و بو علی اکبرون دویونجا گوروش
 اِئدَلَه اکبریمی پاره پاره قالمیاجاخ
 بو چولده یاریله انصارمیز گئدر آلدن
 نه فضل و جعفر و نه شیرخواره قالمیاجاخ

ذبیح اولان قوشا بَنَزَر آلیمه شش ماهه
 آلان تاپولمیاجاخ راه چاره قالمیاجاخ
 هنوز خیمده راحت یاتوپ وقاریلن
 گئدندی غارته بو گاهواره قالمیاجاخ
 منای عشقِمه باخ کربلا خلیلی منم
 حسینون عاشق اولوب کوی یاره قالمیاجاخ
 او قدر نیزه قلج اوخ ویرالاً پیکریمه
 قولومدا قوّه داخی ذوالفقاره قالمیاجاخ
 نَفَس شماریه دوشدوقجا قان وئرر یارالار
 تُرَایین ثوسته توان آه و زاره قالمیاجاخ
 قُشون احاطه ائدر خیمه گاهی یالوارما
 قولاخلاروزدا اولان گوشواره قالمیاجاخ
 همیشه (ناطقنی) دوت نظرده زینب جان
 که بیر گونی گله جاخدور مَزاره قالمیاجاخ

زبانحال امام حسین علیه السلام

وصیت ایلیورم بد شعاره یالوارما

عزیز فاطمه سن اهل ناره یالوارما

امام عصر قالار اود ایچینده زینب جان

شهامتیه آپار تز کناره یالوارما

بو چولده قیزلارمون باشنه دگر قمچی

دوشنده تپراقا هر بیر ستاره یالوارما

سفیر احمد مختار سن آنام جانی

بقایه مشتری اول روزگاره یالوارما

گلن هرایه تاپولماز بو غملی مأواده

نقدّر دوشسه وجودون فشاره یالوارما

کبوتران حرم ئوز قویلا صحرایه

ویراندا قیزلاری هر بیر سواره یالوارما

وثرله کوچ سیزه قتلگاهدن زینب
 گورنده پیکریمی پاره پاره یالوارما
 وورالا سلسله بیمار کربلایه باجی
 تحمّل ایله گلن یوخدی چاره یالوارما
 کسلّه باشمی دالدان بدن قالار باش سیز
 قویان تاپولمیا جاق دور مزاره یالوارما
 داریخما دوش یولا ایله توکل الله
 گوز اشکین آخما گوزدن عذاره یالوارما

*

قبول اولار اوخونا ربّنا اوروجلو قدا

دعا اجابت اولار تائب اوروجلو قدا

توان نقدر وارین ائت دعا اوروجلو قدا

بو آی بیر آیدی یاغور رحمت خدای جهان

تمام عالم آرا وار صفا اوروجلو قدا

خدای لَمْ یَزَلین امر و نَهی واجبدور

اطاعت ایلر اونا آشنا اوروجلو قدا

ریاءسیز اولسا عمل واقعاً سعادتدور

قبول اولار اوخونا ربّنا اوروجلو قدا

زَعیم اُمّت مرحومیه گَلیب قُرآن

تفاخر ایله گِلن وار رجاء اوروجلو قدا

بشر چکیده خلقتدور آفرینشده

سزادی طیب الانفاس اولار اوروجلو قدا

چکر ذلالتله انسانی انحراف اولماخ

علی الخصوص آپارا اشتها اوروجلو قدا

بو یرده ساخلیان انسانی زُهد و تقوادور
 گوزل نتیجه آلا ر آتقیا اوروجلوقدا
 خدا نکرده بیرى روزه سین ائده باطل
 که بیر گونه گلر آتمش قضا اوروجلوقدا
 گتورمه قهره او پروردگار قادر دور
 اراده ائتسه اولارسان فنا اوروجلوقدا
 مریض اولسان اجازه وئورور غذا میل ائت
 چخاتما باخ سوزه آیری ادا اوروجلوقدا
 خلوص تیتلن قوی یوزون تُراب ئوسته
 نه دردین اولسا آلا رسان دوا اوروجلوقدا
 مریض اولمیا بیر کس دیه مریضم من
 علیل ائدر اونی بُلسون خدا اوروجلوقدا
 تَمَرَّد اهلی اینان عاقبت اولار رُسوا
 گل اولما معصیته مُبتلا اوروجلوقدا
 مسافروخ بو فنا روزگارہ تولانما
 بقایه توشه گوتور ای بسا اوروجلوقدا

وئروبدی وعده خداوند قادر متعال
 چاغر جواب وئروم ما مَضا اوروجلوقدا
 قرانلوق ائو چاغرور دمبدم اول آماده
 چراغ گوندر اولا روشنا اوروجلوقدا
 اولار که غیبت ائدور افترا دئیور خلقه
 او گون نلر یارادار افترا اوروجلوقدا
 دوتان تاپولماز آلوندن خدایه آند اولسون
 گوزلدی توبه تحقق تاپا اوروجلوقدا
 چتیندی مسئله پروردگار شاهدور
 تلاش ایله گلن انتفاع اوروجلوقدا
 خزان یئلی آسه بُلْمَز بهار قرآنه
 فضیلتی آبدی مرحبا اوروجلوقدا
 خوشا او شخصه که توفیق حالنه شامل
 اولوب سعادتہ باخ ارتقاء اوروجلوقدا
 مُسَلِّماً بو آیین امتیازی بی تادور
 صفالی منظره وار حَبْذا اوروجلوقدا

اولار که عارف و عاملدی رایگان وئرمز
 عزیز عُمرنی هیچ وقته یا اوروجلوقدا
 کنار اولماگلان عالمان عاملدن
 اولاردی بیزلر اوچون رهنما اوروجلوقدا
 بهشتی آختاروسان تندرستی امنیّت
 گل ئوسته گل یارادار هر غذا اوروجلوقدا
 غذای جسمی و یا روحی ایستیورسن گل
 مریض قلبلره وار شفا اوروجلوقدا
 تمام ملّته واجب ائدوب بو تکلیفی
 خدای عزّوجلّ مطلقا اوروجلوقدا
 بشرده اولسا شرافت ادا ائدر بورجین
 نه اینکه باش وئره اوندان خطا اوروجلوقدا
 سُپردی آتش سوزانه بی‌ریاء اعمال
 او یاندیران اودی ائت انتفاء اوروجلوقدا
 مریض اولوب حسنین روزگار سابقده
 اگرچه نسبتی یوخدور حالا اوروجلوقدا

او آیری گونلریدی ایستدیم اولاخ آگاه
 توجّه ائتمه لیوخ وار رجاء اوروجلوقدا
 دُعا اجابتینه بس امیدوار اولماخ
 قبول اولوب اولاجاخ هر ثنا اوروجلوقدا
 حسینله حسنون والدینی نذر ایلیب
 اولوب دعالری الحق روا اوروجلوقدا
 سوویلا اوچ گونی افطار ائدوبلر آقشاملار
 عجیبه منظره وار حق رضا اوروجلوقدا
 یتیم و سائل و مسکینی ایلیوبلر شاد
 اولاردان اوتری گلیب هَلْ آتی اوروجلوقدا
 جوائزات نفیس ایسته حی یکتادن
 کریمدور ائدر الحق عطا اوروجلوقدا
 بو آیدا گلشن تازه آچوب گل تازه
 قدم جهانہ قویوب مجتبا اوروجلوقدا
 امام حسن آدی بو آیدا انتخاب اولونوب
 آچوپدور عالمه گوز جان فدا اوروجلوقدا

کمال و معرفت و حُسن و خُلق زیبا فر
 گنجہ طلوع ایلوب مه لقاء اوروجلو قد
 مطالب اولدی مُطَوَّل حسینیان عزیز
 علی سسیله دولوبدور فضا اوروجلو قد
 بو آیدا ظلمله رُکن عدالت اولدی خواب
 اوجالدی غم اثریندن نوا اوروجلو قد
 اوجا سسیله دئیوب جبرئیل اولون آگاه
 بویاندی قانه گوزل پیشوا اوروجلو قد
 فضای شهری احاطه ائدوبدی صوت جلی
 بُلوبله قانه باتوب مرتضا اوروجلو قد
 قالوب نه حاله نماز اوسته سیّد الثقلین
 آخوب محاسنه باشند دماء اوروجلو قد
 کسیلدی چاره یتیم لر پناه سیز قالدی
 دوشوبدی مُشکله مُشکل گشا اوروجلو قد
 مُراد ی ظلمی علینون ایشون تمام ائلدی
 آچوب خیانتہ آل بی حیا اوروجلو قد

ستون دینی او گون آشقی الاشقیاء یخدی
 خیانت ائتدی دنی برملا اوروجلو قدا
 او حالیده یخلوب سجده گاهی قان بُردی
 عمامه باشدا اولوبدور دوتا اوروجلو قدا
 بویوردی آند اولا الله راستگار اولدوم
 علی گئدور سفره حیف اولا اوروجلو قدا
 خبر وئروبله خانم زینبه بابان ئولدی
 لباسوی عوض ائت گی قرا اوروجلو قدا
 یارالانان چوخ اولوب جنگلرده یا الله
 علی کیمی گورن اولموب یارا اوروجلو قدا
 اللهی آی سنه مخصوصدور قوناخلارووا
 نُولار نصیب ائده سن کربلا اوروجلو قدا
 اللهی قسمت ائله (ناطقی) اولا زوَار
 بو جمعیله دوتا اوردا عزا اوروجلو قدا

اوروجلوق بايراموز مبارک اولسون

يار و ياوروز عزيزان ايزد تبارک اولسون
گلّنب ریاض جنت بايراموز مبارک اولسون

بارک الله نه گوژل گوندور حلاوت گوژرونور
خبر تازه گليب خلقه بشارت گوژرونور
اهل اسلامه سزاواریدی بو عید سعید
رُتبه رفعته باخ اوج سعادت گوژرونور
دوشنوب سُفره احسان خداوند کریم
کسب فیض ائتگله پاداش عبادت گوژرونور
بو گوژل ملّته باخ بیر بیره تبریک دئیور
جمعدور مسجده بی حدّی جماعت گوژرونور
بیرده هیهات اوروشلوخ قوتولا بایرام اولا
عمرلرده هانی پایندهلوخ آفت گوژرونور
عید فطری گوژه کیم بیرده چتین مسئله دور
یاخشی فرصدی گوتور توشه فراغت گوژرونور
قورتولان آیدور اولان آتش سوزانه سُپر
یول اوزاخدور گوژلیم کمدی بضاعت گوژرونور

گيتدی بير ایل سفره ماه گرانقدر عزیز
 ائله افسوس بو هجرانه ندامت گورونور
 دئمه قورتولدی بو آی گيتدی عبادت ایشینه
 وئرمه عبدیتوی آلدن اطاعت گورونور
 یوخدان ایجاد ایلین خالق متانه کچیل
 واجب ایلوب سوزه باخ رد امانت گورونور
 آجلین اوچسی هر لحظه ده تعقیب ایلور
 بو فنا دهریده وَاللّٰهٖ خسارت گورونور
 هر کیم اللّٰه مُسَلَّمْدی توکل ائلسه
 ایکی دنیاده سعادتدی سیادت گورونور
 بار اِلّٰها سن ئوزون ائله مبارک عملی
 بوش یولا سالما گِلان سنده کرامت گورونور
 عاصی یوخ عفو ائله سلطان شهیدانه بیزی
 ایستروخ لطف ائله آمال زیارت گورونور
 (ناطقی) چوخلی امیدله گلبدور قاپووا
 سَرِ سُفرونده آچا پنجه ضیافت گورونور
 ائو سنون مُلک سنون خالق متان کریم
 بو یاراتدقلارووا سندن عنایت گورونور

مقام شامخ مادر

« فارسی »

گهوارهٔ سعادت آغوش مادران است
 قدرش بدان مُسلم سرمایهٔ جنان است

شُکر بر خلاقِ یکتا ماه آنور یافتم
 چشم بگشادم به دنیا زیب و زیور یافتم
 پرورش دادی مرا مامِ عزیزم در بغل
 شیر همّت را مکیدم مهرِ مادر یافتم
 سینه‌اش مَهْدِ شرافت بود نازم می‌کشید
 بوسه‌ها می زد به رُخسار و لبم بریافتم
 شیرۀ جانش به من داد و مکیدم روز و شب
 هر دو بالش را مُتکا کرد و بستر یافتم
 نازم آن روزی که در بزمِ عزا بهر حسین
 گریه می کرد و همان دمِ حال دیگر یافتم

غیر از این گشتم بسا پیدا کنم دُرّ نفیس
 عاقبت واقع که از هر چیز بهتر یافتم
 داد توفیقم خداوند کریم و لا یزال
 از برای نعتِ مادرِ کلکِ و دفترِ یافتم
 من کیم در وصفِ مادرِ یک رهی پیدا کنم
 عاجزم ، گویم مقامش بس که برتر یافتم
 احترامش کن صفا بین دستهایش را ببوس
 بس بگو مادر تُرا زیبا ز گوهر یافتم
 (ناطقاً) لطفاً صفا دارد به طرز آذری
 بشنویم از جمله مدّاحان مُکرّر یافتم

*

مقام شامخ مادر

احترام ایله گلن زیور و زینت آنادی
 شرف آئینه سیدور کنز فضیلت آنادی
 آنانین حُرمتی واجبدی صمیمانه دانیش
 چک آیین گوزلریوه عشقله جانانه دانیش
 شمع عزّت آنادور اول گلا پروانه دانیش
 دانشاندا ئوزونه باخ ائله دَقّت آنادی
 یارادان قلیده وَاللّٰه۪ی محبّت آنادی

نچه ائیلر قولونی هر گئجه بالش ایلیوب
 سینه سی ئوسته سنه عالی نوازش ایلیوب
 حُرمتیله چکوپ آل باشوه مالش ایلیوب
 وئرماینجیتمه اوتان صاحب حُرمت آنادی
 قوجالیب آلرین ئوپ ائتمه مذمت آنادی

مطلبی درک ایلسون دقت ائله یلر آسور
 دگوری طرّه طرّا دارانور تِلر آسور
 گُل آچوپ صحن و چمن بُلبل اوخور گُلر آسور
 یوزیوه ویرما بَزک بزم رفاقت آنادی
 شاد ائله شاد اولاسان شَهد حلاوت آنادی

آناوی قویماگلان کوچه بوجاقینده قالا
 راضی اولما سنی زهرا آناوی تز قوجالا
 واجب الطّاعه دی خدمت ائله باشین اوجالا
 دوت آلیندن قوجالیب چکمه خجالت آنادی
 یوخودون باعث ایجاد و اصالت آنادی

یئریوی راحت ائدن وقته آچیدور بلییب
 بَشگونده سنه لای لای دئیوب سِلکلییب
 یوزیوه باخدوقجا اشک محبّت آلییب
 بستر نازی ائدن بُل سنه راحت آنادی
 ایلین زحمتی اولدن اجابت آنادی

بالانون تربیتینده آنالاردور چالیشان
 اولا بُلْمز آنا تک محنت غمدن آلیشان
 آنالاردور بالاسیلان گۆزلیم تَز باریشان
 اولمیان راضی گۆره اوغلی مُصیبت آنادی
 جان به کف ایلین اولادینه خدمت آنادی

ساق اولان وقته دَهْنن باشوه مادر دولانیم
 سیخلیم قوش کیمی ساینده آنا دالدالانیم
 اولماسان سن منی اولماز پیری یاده سالانیم
 وئرگن وئرمه لیدور چوخ چوخ همیت آنادی
 بویوروب رهبر دین مایه جنت آنادی

هر کمین وار آناسی صدقّه رفتار ائله سون
 او اوزاخ یولاری طی ائتمگه هموار ائله سون
 آناسی اولمیان ئوز لطفنی اظهار ائله سون
 ائتسون حقّونده نچه سوره تلاوت آنادی
 خوش اولار قبرینی هم ائتسه زیارت آنادی

آنادور پرچم اسلامی سرفراز ایلین
 هامی اولادینی قرآنله دَمَساز ایلین
 آنادور عاطفه سین عشقه ایراز ایلین
 وئرن اولادینه بس شیرۀ همت آنادی
 حقّه کیم یار اولا واقع سببیت آنادی

سفر ائتسه بالاسی تز آله قرآنی آلار
 اولار آماده قاباخدا یولا عزّتله سالار
 دالیدان باخدوقجا اوغلونا قلبی چوبالار
 ایستین خالق متّاندن حاجت آنادی
 دین الله بالامی ایله سلامت آنادی

گیتمگه سعی ائلمه صبر ائت عزیزیم دالی تال
 آلین ئوپ رافتلن قولارووی بوینونا سال
 ئوزووی سینه سینه قوی ننوین گوگلنی آل
 توشه اخذ ایله یول اوستونده بضاعت آنادی
 خوش اولار آتیه چون وئرسه رضایت آنادی

آنانین حرمتی لازیمدی تمامی بشره
 واقعی بیر آنا آیندنی آلسا نظره
 ئوزون اولادلرین سالمیاجاخدور خطره
 ئوله یا زنده قالا روحنه رحمت آنادی
 وئرمگ اولماز ایکی دُنیا اونا قیمت آنادی

آنادور ریشه اسلامی نُموه یئتورن
 خَس و خاشاک آراسیندا آنادور گل بتورن
 آنادور زندگی سیندن آل ئوزوب آل گوتورن
 بَسَلین مهد شرافتده زعامت آنادی
 باشنا تاج قویان تاج کرامت آنادی

آنادور مُجرى قانون شریعت یارادان
 آنانون خدمتی پایندهدی گیتمز آرادان
 باخگلان اُم بَنینه چکیب آل دورت بالادان
 وئرن اوغلانلارینا درس شهامت آنادی
 شاد اولا روحی اوزون قول اوجا قامت آنادی

دورت دانا شیر و پلنگ آفکن و بُرنا بئجروب
 دین اسلامدن ئوتوری یل هیجا بئجروب
 دودمان شه مردانده سقا بئجروب
 آپاران خدمتی آئینده سبقت آنادی
 اجر پاداشده زیبا و مزیت آنادی

حقّی واردور دیه ای قامت رعناسی گؤزل
 خوش سیئوزی خوش باخشی دیده شهلاسی گؤزل
 قدّ اوجا آنی کورک هیکل تقواسی گؤزل
 گل اوزون قولارا قربان ائله رؤیت آنادی
 فرقتونده قوجالان ائلره حسرت آنادی

تیکمشم گوزلریمی باری گلن یولارووا
 یتمسون آفت عزیزیم اوجالان خولارووا
 دئیورم بیرده باخیدیم او اوزون قولارووا
 قوجالیب گل دوت آیین ایله حمایت آنادی
 تنگ اولوب حوصله‌سی یوخ داخی طاقت آنادی

درک ائدن اولسا بُلر شمع سعادت آنادی
 گُل و گلزار بهشتن بیر علامت آنادی
 سُرفاء مخزنیدی اُمّ فقاہت آنادی
 (ناطقاً) باغ جنان ایچره طراوت آنادی
 دُرّ گنجینه حق مام امامت آنادی

**

*

قطعه

بو فانی دهریده چوخ افتخاری وار آنانون
 اوغول بجرمگه صبر و قراری وار آنانون
 تکر گوزون یولونا مُنتظر دورار قاپودا
 اونون محبتینه انتظاری وار آنانون

رونق و صفا آتادی

ایکی دنیاده آلودن یاپوشاندور حسنات
آتاوین روحنه احسان ائله گوندرد صلوات

تمام زندگیده واقعی رجاء آتادی
امید اهل حرم رونق صفا آتادی
امین دور اُمّالر ایچینده یوخ میلی
کفیلدور وکلاردن آشنا آتادی
خیانت ایلمز اولادینه مُسَلّم‌دور
فنای زندگینی گورمین روا آتادی
گئجه گونوز چالشا زندگی امورینده
نهال معرفتی ایلین بنا آتادی
سنون محبتوه عمرنی فهایه وئروب
مقام معرفتین درک قیل بالا آتادی
آلیندن ئوپ گوْزلیم احترام ائله قوجالیب
توانی یوخ دوت آلین اولگلان عصا آتادی
آتان رضا اولالله رضا اولار سندن
بهشتین آج قاپوسین جَنَّةُ الْعُلّا آتادی

آتا سفینه دریای غمدور آگاه اول
 ائدن بالاسینی گردابدن رها آتادی
 بیری دیه عمو جان واردور اوغلووین بورجی
 کمال رافتلن ایلین ادا آتادی
 مسافر اولسا اوغول اوز دوتار گوگ عالینه
 یانا یانا بالاسین ایلین دعا آتادی
 نه ایستسن بئله بیر مهربان عزیز آتادان
 سعادت چکن اولادی مُطلقا آتادی
 چخاتما یادان آماندور گوژی قالب قاپودا
 روا دَکُل قاپودا گوزلری قالا آتادی
 سؤزی بو یرده قویاخ کربلایه زائر اولاخ
 آلی ئورکده قالان شاه کربلا آتادی
 گؤرنده اکبرنون قانلو پیکرون یئرده
 کسیلدی چاره یولی درده مُبتلا آتادی
 سوروندی تُبراقین ئوسته ئوزون قویوب ئوزونه
 گورن وجودینی باشندان باشا یارا آتادی
 بویوردی اکبرینه (ناطقا) امام زمان
 اوغولسوزام بالا دور وئرگن صدا آتادی

موعظه و نصیحت و اشاره به امان نامه
و شجاعت و شهادت حضرت عباس علیه السلام

فانی‌دور دنیا عزیزیم معنویت‌دن دانیش
وار سعادت مُنصفانه گل حقیقت‌دن دانیش

وثرمه آلدن و قروی تا سینمیا شخصیّتون
تاج کرّما سنوندور گیتمه‌سون حیثیّتون
سعی ائله هر باره‌ده زیبنده اولسون نیّتون
اولیندن فانی دنیا‌یه گلنلر قالمیوب
حقّه پشتیبان اولان بیگانه یالوارمیوب
اتکال الله بس محکم دوتاخ دامانی
روز اولدن تقبل ائتمشوخ فرمانی
مُسْتَرِد ائتسه خطر وار هر بشر اذعانمی
داغ داشیلان تُپراقا بیل حکم قرآن گلمیوب
آمر و نهیین عهده‌سیندن غیر از انسان گلمیوب

واقعی بو عالم امکان تجارت خانه دور
 کشتزار و آخرت دور جَنَّتَه بیعانه دور
 قبر ائوین کیم یاده سالسا عاقل و فرزانه دور
 دوندروب ئوز صدقله خلاق بی همتاسینه
 مرحبا اولسون هزاران همت والاسینه

خوار اولارسان عاقبت اولما عزیز حُقّه باز
 هر ایکی دنیاده بس ذلّته دور اهل مَجاز
 ساق صولا ائتمه تمایل وئر قولاخ ای حُبّی آز
 شمع دورینده اگر پروانه ویرسا پَر یانار
 بو مُسَلّم دور دوشر پروازیدن اخگر یانار

بو مسافرخانه ده بش گون و یا اون گون واروخ
 آخری واضحدی مطلب بیزده ئوللوخ قالماروخ
 وای او گوندن هجرتین شنگین بقایه باغلاروخ
 یول اوزاخ منزل قرانلوخ بوش آلیله هایِ های
 کوچمگین طبلی وورولدی شیونیه وایِ وای

مال دنیا چوخ گؤزلدور بهره‌مند اول دهرده
 رد ائله حقدارین حقین مونس اولسون قبرده
 امتحان اولموش بشر هر قریده هر عصرده
 خواب غفلتدن اوین آلاتماسون دنیا سنی
 با شرافت خلق ائدوبدور ربی الاعلی سنی

حاضر و ناظردی خلاق جهان گیتمه خطا
 خلق ائدوب زیبنده واضح خالق ارض و سما
 ایلوب بو ارزشی حق بندیه الحق عطا
 عمروی وئرمه فنایه بیل مقام ارزشون
 خالق منانه خاطر اولسا اولسون هر ایشون

شرم ائله خلاقدن بیهتان دئمه یاللعجب
 چوخ چتیندور مسئله فرهودمند اول با ادب
 روز محشر فایده وئرمز اولان اصل و نسب
 توبه ائت دوتسون آلودن سید والا تبار
 راضی اولسون ایشلروندن حضرت پروردگار

باخگلان عبرت گوزیله روزگار فانیه
 عارفانه حق دانیش گیتمه خطا بیر ثانیه
 لعن اوخولار یا که رحمت گوندرلر بانیه
 قویما بدعت خلق ایچینده حقّی ناحقّ ایلمه
 اولما آشقی الاشقی بس ناقه حقّ پیلمه

یوم حسرت وار قاباخدا سعی ائله سوغات آبار
 بیرده دنیاده ئوزوندن یاخشلیق قوی یادگار
 حضرت عبّاس آدیلان تاپماخ اولماز اشتهار
 دم ویرورسان آند ایچینده حضرت عبّاسدن
 بس ندن شرم ایلمورسن سیرت عبّاسدن

اهل عرفانه نمونه ذرّه جه خرواریدن
 کسب فیض ایلر سعادت مند اولان آثاریدن
 صحت و سقمون بلر تحقیق ائدن اخباریدن
 عامل اول اعمالوه عبّاسی سسله دادوه
 عاشق اول عشاقلر تک صدقیله سال یادوه

مَامَضٰی اخلاص تُوْزِیْلَه اَلْ اَتَاخ دَامَانِیْنَه
عَبْد صَالِح بَنْدَه مُطْلَقْدِیْ حَقْ جَانَانِیْنَه
دِیْنَه خَاطِرْ بَذَلْ اَنْدُوبْ تُوْزْ قَانِیْ قَرَّآنِیْنَه
رُتْبَهْدَه هِمْتَاْسِیْ یُوْخْ دَنْیَاْدَه رَایْجَدُورْ تَانِیْ
خَدْمَتِیْ زَبِیْنْدَهْدُورْ بَابُ الْحَوَائِجْدُورْ تَانِیْ

پَرْچَمِ اِسْلَامَه پِشْتِیْبَانْ وَزِیْرْ جَنْگِیْدِیْ
مَثِلِیْنِیْ گُورْمَزْ زَمَانَه زِیْنَتْ اَوْرَنْگِیْدِیْ
فَارَغْ التَّحْصِیْلْ دَانِشْگَاهْ بَا فَرْهَنْگِیْدِیْ
صَاْحِبْ عِلْمْ وَ اَدْبُدُورْ زِیْنَتِیْ تَقْوَاْسِیْدُورْ
رُوحِنَه قَرْبَانْ اَوْلُومْ اَهْلْ وِلَاْءْ مَوْلَاْسِیْدُورْ

بُوْ هِمَانْ بَابِ الْحَوَائِجْدُورْ کَرَامَتْ صَاْحِبِیْ
مَشْکَلَاتِیْ حَلَّ اَنْدُنْدُورْ هِمْ دِیَانَتْ صَاْحِبِیْ
یَا اَلْوَالِآبْصَارْ اَبُو الْفَضْلِ دُورْ بَصِیْرَتْ صَاْحِبِیْ
کُورْکُورَانَه دُئْمُورْدِیْ حَامِیْ دِیْنْ پُرُورْمْ
عَارِفَانَه ثَابِتْ اِئْتَدِیْ مِنْ حَسِیْنَه نُوْکَرْمْ

نامه لر گلدی او مولایه دایاندی گیتمه‌دی
 امتیازینده بو بَسدور مکتبین ترک ائتمه‌دی
 شمیری مایوس ایلدی دشمن مرامه یتمه‌دی
 نقشه بَر آب اولدی یکسر جان فدا ایفاسینه
 مرحبا مولا حسینون با وفا عبّاسینه

وار خبر ئوچ دفعه نامه گتدی عبّاسه عدو
 ضیغم الهیجا اولوبدور هر ئوچیله روبرو
 شمیرلن بو باره‌ده امّا ائدوبدور گفتگو
 قاطعانه حامل مَنشور اوچون وئردی جواب
 لعن ائدوبدور نامیه نامه رسانه اول جناب

نامه‌نی آلدی ولیکن تنگ اولوبدور حوصله
 غیضلن شمره باخان دمده گلیب مقصود آله
 گوردی مقبول ایلمز دنیانی یکسر وئرسله
 رتبه شیطان یاراشماز قامت رعناسنه
 باخدی حیرتلن جواب آلسون غضب دریاسنه

ایستیورسوز آل چکیم سلطان محشردن بو گون
 دوندریم ئوز حجت خلاق داوردن بو گون
 من اولام حاشا یاراشماز قوم کافردن بو گون
 زاده شیر خدایم شیر همت آمشم
 دل آچاندان یا حسین بن علی اورگنشم

پاره ائتدی الغرض عباس شمیرین نامه سین
 مال دنیادن ئوتور گیمشدی ذلت جامه سین
 ائتدی فرمایش چوخاتما سینه مین آلامه سین
 گیت گوروم بس آلرون مکرله قویما قوینوا
 یوخ اجازم تیغ برانی سالاردیم بوینوا

آل طاها خیملرده آگه اولدی مطلبه
 وار یتری عرض ایلسم گوندوز دونوب یلدا شبه
 بلمورم اوندا نه حالت ئوز وئروبدور زینبه
 با وفا قارداش وفاسیندان باجی آگاه اولار
 چون بئوردی کربلا صحراسی قربانگاه اولار

وعدہ گاہ عشقیدہ عَشَّاقی جانان گوزلیور
 خیمہ گہدہ قارداشین شاه شهیدان گوزلیور
 قاصد مَنحوسیدہ اتباع شیطان گوزلیور
 هَمَّت والایہ احسن دشمنی خوار ایلدی
 شمره روشن گوندوزی صاحب لوا تار ایلدی

الغرض گلدی خیامه تنگ اولوبدور حوصله
 منجنیق غم سخوب روحین چتیندور مسئله
 خرده قیزلار گورجگین سقانی وئردی آل آلہ
 ابر تک اولاد حیدر غُصَّه دن دولموشدولار
 تشنه لیقدان گل کیمی گل رنگلر سولموشدولار

بُلْبُلان گلشن زهرا گؤرنده قاشدیلار
 شمعیں اطرافین احاطه ایلوب پَر آشدیلار
 باخدیلار عباسه باجادور دئسم آغلاشدیلار
 جان عمو گل گلدیگون یولارووه قربان اولاخ
 گوزلیور عَمَم اوزون قولارووه قربان اولاخ

غیرتوندن اذن وئرمه دمبدم گوز یاشوه
 گل بیزی یکسر بو مأواده دولاندر باشوه
 اول کمک قربانون اوللوخ بی کمک قارداشوه
 چاره‌میز یوخدور بو وحشتناک چولده نیلیک
 اولماسان بیگانه اولماز ئورک دردین دیک

عرض‌میز وار عترت اطهاری دلگیر ایلمه
 بویینی چگنینه قالان قیزلاری دلگیر ایلمه
 محضرنده صف چکن حُضاری دلگیر ایلمه
 دامن وصلون وئرک آلدن عمو اولماز رَوَا
 ایستروخ سندن جواب مثبت ای صاحب لوا

ائتدی فرمایش بُلون من یادگار حیدرم
 مَنصیبیمده افتخاریم وار غلام اکبرم
 اولمیون ناراحت اصلا آیری یانه گیتمرم
 خدمتوزده حاضرم عهدیمده هر آن باقیم
 مُخلصانه سرورِ آزادگان مشتاقیم

وئرسَلَر دنیانی یکسر ئوز قَلیمدان چخمارام
 تخت زرّین ریاست هر نه وار من باخمارام
 تیغله بُلّم هزاران دشمن اولسا قوخمارام
 سیز تقاضا ایلون سلطانندن سالسون یولا
 باغلیوم شمریله سعد بیحیانی قولقولا

میوه قلب علی المرتضایم گیتمرم
 گوز آچاندان خادم آل عبایم گیتمرم
 یادگار مصطفایه آشنایم گیتمرم
 شکر اولا خلاق یکتایه آقامدان راضیم
 افتخاریمدور بو منصب بس حسین سربازیم

محضر سلطان عالمدن ئولونجه دویمارام
 یادگار مرتضادور رخت اَلّت سویمارام
 گر اجازه وئرمه سه باش رختخوابه قویمارام
 پیشگاه عصمته عمروم بوی من نوکرم
 سُدّگاه با جلالته غلام اکبرم

عزمیده ثابت گُورُوب اطفال سرگردان عشق
 یاتدیلار راحت گئجه بیدار دور سلطان عشق
 صبح عاشورا گُوروندی جبهده میدان عشق
 اذن آلُوب فرمانروادن قافله سالار عشق
 فعل و گفتارینده بی تا دور اولوب اظهار عشق

رخصت آلدی جنگ اوچون فرمانده کُلّ قوا
 گوردی قارداش آیریلور سلطان دشت کربلا
 مسئله روشندی یاران آلبلاء لِّلُولاء
 پرچم حُرّیت الده صاحب پرچم گُندور
 گَلّه روباهی پامال ائتماقا ضیغم گُندور

گوردُلر میدان جنگه فارس هیجا گلور
 معدن دریای غیرت مُرشد دعوا گلور
 ایلوب مشکین حمایل چیکینه سقا گلور
 وحشته دوشدی همان دم آمران عسگری
 لشگریله روبرو اولدی حسین سرلشگری

جانمیز قُربان سنه مولا امیرالمؤمنین
 شیر ضرغامه وئروب صود همسرون اُمّ البنین
 گورمیوب گورمز زمانه بیر بئله رُکن و رکن
 بنزیور سهم و صلابتده نگاه ی حیدره
 عزمینی جزم ایلدی دعوانی ائتسون یکسره

غیرتیندن تتریور تیغ شرر بار آلدہ دور
 حمله هر بیر سمتیدن چون ائتسه معیار آلدہ دور
 شَهد و شَکَرْدن مُصَفّا عالی گفتار آلدہ دور
 رهروان معرفتدن درس آلیب یا هو دیور
 ناگران دور خیملرده خرده قیزلار سو دیور

لفظ گوهر بارین آجدی گوهر گنج و ادب
 تنگه سالمشدی خیمده سینه سین رنج و تعب
 کوفیانی ایستدی آگاه ائده هاشم نسب
 من علی المرتضادن یادگارم کوفیان
 مکتب پیغمبره خدمتگزارم کوفیان

کج یولا قویماز قدم واضحدور اولاد علی
 خط مشی مُصطفَا گون تک اولاندور مُنجلی
 احمد مختاره غیر از مرتضا کیمدور ولی
 جانشین مصطفَا دور صاحب دُلْدُل سوار
 پرچم اسلام و قرآنی ائدوبدور پایدار

آزادی دَرّاکوز جماعت تُولیوب شیطان سیزی
 جهل دریاسینده کُلّا غرق ائدوب عصیان سیزی
 دعوت ایلور دُوز یولا مؤلای با ایمان سیزی
 ناطق قرآن حسیندور بس سیادت بیزدهدور
 مَحرم اسرار قرآنوخ سعادت بیزدهدور

ذَرّه جه نُقصان ویرانمازسوز بُلون ایمانیمه
 جانمی بذل ائتماقا آمادیم جانانیمه
 کیمده جرأت وار قدم قویسون منیم میدانیمه
 تیغ آتشباریلن درده گرفتار ایلیم
 ماویه پابوسنه فی الفوری زوّار ایلیم

گلمدی میدانہ بیر کس لشگر ہرما سیدن
 گلّہ روباہ ہمیشہ خوف ائدر ہرما سیدن
 پهلوانلار قورخوشوردی حضرت عباسیدن
 جانب جانانہ باخدی شکر ائدوب نقاشینہ
 ساق و صولدان مرکبہ ائتدی اصابت پاشینہ

لشگری دوتدی نظرده حیدر کرار تک
 قاتلادی بیر حملہ سینده صفلی طومار تک
 آت ایاقی آتدا باشلار محو اولور فخّار تک
 ضربہ جان فرسادی فوراً طاقت و آرام آلور
 حملہ سی شیرانہ دور چوخلار ایاق آتدا قالور

پَر آچوب هیلا کیمی مولا علیدن یادگار
 هر کسی زیر نظرده ساخلیوب ایلور شکار
 باش و قول شمشیریلہ دعواده اولماز سازگار
 صد هزاران آفرین و رمزی جنگی حیدری
 هرج و مرج ائتدی او سرور انتظام لشگری

دورت طرف آتلو پیاده بیر نفر سان سیز عدو
 گوردلر عباس نام آور ائدور چوخ جستجو
 هر نچه اولسون اولور گلسون آله بیر مشگ سو
 گوزلیور آخیامده باغ امامت گللی
 بس تلاش ایلور سئویندورسون او شیرین دللی

استقامت ائتمه دی اعدا برابر دن قاچوپ
 یادگار مرتضا سمت فراته یول آچوپ
 پرچم حرّیتی نهرین کنارینده ساچوپ
 مسئله آسان دگل هر درد و غم ابرازدی
 دوره ده دورت مین نفر تیر الده تیراندازدی

وار خبرده حمله گتدی آلتی دفعه آشقا
 هر تکه پاتک ووروب سقّای دشت کربلا
 ئولدوروب دورت مین نفر دن یتیمیشن صاحب لوا
 آخرین حمله آپاردی دور دسته دشمنی
 مشکنی دولدورماقا مقدار تاپسون ایمنی

گل گُورَاخ هارِدان تا پارسان بیر بئله صاحب هُنر
 معنویتده مثالین گورمیوب گورمز بشر
 یاره لی یورقون سوسوز ایلور سو ایچماخدا حذر
 نفس اماره الیندن رادمرد ایستور قاچا
 هُکذا نهرین وصالینده دورا پرچم آچا

دولدوروب اوْجون سوویلان یادگار مرتضا
 نفس تأکید ایلور میل ائت اولوم سندن رضا
 عقل فوراً وئردی فرمان بو عمل اولماز سزا
 سو ایچه اخیامده اولماز روا قیزلار باخور
 آللری قوینوندا عبّاسه آدامسیزلار باخور

بس ملامتله چراغ نفسی خاموش ایلدی
 عقل آلین نفسین ئولدوردی کفن پوش ایلدی
 مَشکَنی آب فُراتیله هم آغوش ایلدی
 دفتر اعمالینی اغیار الیله بوکمدی
 آللرین سالار پُر همت جماله چکمدی

خالقیله عهد و پیمان باغلیوب روز آزل
 حاضر و ناظردی هر لحظه خدای لَمْ یَزَلْ
 آیری بیر اوضاع یاراتدی هر گؤزلردن گوزل
 نفیسنی واضح حسین بن علیدن سچمدی
 مشکی دولدوردی چخوب دریا سوویندان ایچمدی

مرکبه هی ووردی آچدی سینه سین طاووس وار
 سرعتیله سمت اخیامه اولوبدور رهسپار
 مرکب ثوسته اگلشن عبّاسدور شاهین شکار
 جهد ائدور سعی و صفا اعمالینی تکمیل ائده
 ذکری یا رب یا ربیدی خیمیه سالم گئده

پرچم نصر من الله الده عبّاس امین
 بی تَهْوُرْ حالتیله لشگره اولدی قرین
 گوردی چون هر سمتدن عبّاسی ایلوبلر کمین
 حاضر اولدی الغرض اعدائِلن جنگ ائتماقا
 یوخ علاجی آختارور یول خیمه گاهه گیتماقا

غیرتیندن آتدی آل شمشیره اعضاء یتردی
 دلده تکبیری اوجالدى کوه و صحرا یتردی
 لاجرم ووردی ئوزون میدانه اعدا یتردی
 جنگه دارا دور ابوالفضل تز دونور صولدان ساقا
 دشمنی آتدان سالور برگ خزان تک تُپراقا

جنگجویان حمله گتدی تنگ لشدی معرکه
 یئر تاپانموب بعضی سی عباسه شمشیرین چکه
 شیر یزدان اوغلونون ناحق یئرہ قانین توکه
 حقّی پامال ایلینلر رخت اُفت سويدولار
 بی کس و تنها قالان سلطانی یالقوز قويدولار

آه او ساعتدن اولوبدور قولاری تندن قلم
 ساق صولا ائتدی تمایل سینده قانلو علم
 قان آخوب تُپراقلارا گیتدی توانا دَمبدم
 اوندان آرتوخ ظالم اوچی گلدى فرصت ویرمدی
 چاره سیز قالدی گوژی قانيله دولدی گورمدی

حلّ ائدن هر مشکلاتی دوشدی یاران مشکله
 اولمادی آلر بدنده ساق گؤزون قانین سیله
 ماجرا بُغرنجدور ائتمه یازانلاردان گله
 یازمورام سوز چوخدی نیلوم کسدی نوفل چاره سین
 اولمادی اول حالدا بیر کس باغلیباش یاره سین

اهل معنا درک ائدور ایش تاپدی هاردا فیصله
 ثبت اولوب تاریخه گوناگوندور بو مسئله
 الده شمشیر عداوت ویردی اعدا آل آله
 یخدیلار آتدان یثره آرامین آلدن آلدلار
 قامت رعنائینی یئرده نهاله سالدلار

صحنه عَشَّاقِده عَشَّاقلردن باش گَلیب
 عبد صالح اولماقی جاناندن پاداش گَلیب
 خیملردن قارداشون امدادینه قارداش گَلیب
 هر نفس آلدوقجا گوردی یاره لردن قان وئورور
 باش یارا قولار قلم تُپراقلار ئوسته جان وئورور

باخدی عبّاسه توکوب غمدن ئوزه گوز یاشنی
 آلسیز اعضانین گوٚتوردی تُپراق ئوستن باشنی
 باغرنا باسدی چاغوردی یارلی قارداشنی
 من حسینم دردمین درمانی قارداش آچ گوٚزون
 دین اسلامین گوٚزل قربانی قارداش آچ گوٚزون

قائله گوزلر دولوب ای دیده بینای من
 گلشنیم غمدن سولوب ای ساقی گلّهای من
 تشنه‌ها در انتظارت باوفا سقّای من
 سسلورم سس وئرموسن آرام جانیم دور گئدک
 گوزلینلر وار یولون یوخدور توانیم دور گئدک

کوسموسن مندن دانشمورسان دانیش شیرین دلیم
 گورجگین قارداش سنی بیر حالده سیندی بِلیم
 گوزلرون قانین دگل ممکن ابوالفضیلیم سلیم
 دورماقا یوخدور توانیم قدیمی دردون آگیب
 عمرمون آئینه‌سی سیندی گوٚزوندن اوخ دگیب

آل چالور دشمنلریم یاتما یارالی قارداشیم
 دیزلریم دوشدی قوادن دور وفالی قارداشیم
 قلبمی قان ایلمه ای کربلالی قارداشیم
 صبریمی تاراج ائدور سان سیز یارالی پیکرون
 قدیمی آگدی آتام اوغلی کسيلمش آلرون

بو همان عبّاسدور مولا علیدن یادگار
 (ناطقا) اولماز بو نوعی مکتبه خدمتگزار
 واقعاً شش دانگ بیر انسانمیش کامل عیار
 لطف ائده خلاق عالم بیزلره بیدار اولاخ
 قبر عبّاس و حسینّه ئولمه مش زوّار اولاخ

*

این مقاله پند آمیز بعنوان تذکر در سبک وصیت تنظیم شد

وصیتیم بودور اول هوشیار دنیاده
جوانلقون کیمی اولماز بهار دنیاده

قوجالمیان بو سوزون قدر و قیمتین بُلْمز
فناپذیردی بس اقتدار دنیاده
چاتوبسان حَـدّ بُلوغه آغورلاشوب تکلیف
صُعوبته سالاجاخ زیر بار دنیاده
مَقْدَماتوی پاکیزه دوت عزیز اولاسان
ایکی جهانی نه تکجه بو دار دنیاده
مُسْلِم حاضر و ناظر دی خالق مَنّان
فراموش ایلمه لیل و نهار دنیاده
نماز و روزه و خمس و زکات و حج و جهاد
بشردن ایستیوری کردگار دنیاده
همیشه امر به معروف و نهی از منکر
آماندی چیخمیا یاددان هماره دنیاده

نظرده ساخلا تَوَلَّ و هم تبرّانی
 بولار مهمّ دور ائت برقرار دنیاده
 اگرچه فرع دیلر ریشه ئوسته شاخه لنوب
 آغاج گُل آچماقا وئرمز شمار دنیاده
 نمازه وئر اهمّیت حقیر سانما گلان
 بقایه توشه دی بو اعتبار دنیاده
 غلام حلقه بگوش اول خدای لَمْ یَزَلْه
 وظیفه دور ائده خدمت زوار دنیاده
 جوانلقوندا تلاش ایله راستگار اولاسان
 قوجالدا جاخ بو فنا روزگار دنیاده
 اُمیدوی فقط اللّٰه باغلا بی تردید
 بهشته سهم آپارار راستگار دنیاده
 حلالیدن وئره جاخ روزوی داریخما گلان
 کفیل دور ئوزی پروردگار دنیاده
 بوراخما تَوَسَّن نفسی محالیدور یخا جاخ
 یاراتما روحوه دارالبوار دنیاده

مباد توّلاماسون زرق و برقی دنیانون
 مقاومت ائله اول بُردبار دنیاده
 مُحسناتی وجودونده برقرار ایله
 تخلفات اولاسندن کنار دنیاده
 آتائیلن آناوین احترامینی ساخلا
 صمیمی دوت گلا بس اعتزار دنیاده
 توان وارون ضعفادن حمایت ایله گیلن
 دعا ائدر سنی خُرد و کُبار دنیاده
 قبیح عمل چکر انسانی انحرافه طرف
 خلاف شرعیله ایلر دچار دنیاده
 اماندی هر یثره هر مجلسه آیاخ قویما
 ائدله دامنوی لکّدار دنیاده
 اولار که فاسد و فاجردی قویما اطرافه
 اولارلان اولماگلان سازگار دنیاده
 گئچله ساق صولووا من ئولوم دیله سنه
 بیزیله گل آپاراخ افتخار دنیاده

اوتانما سعی ائله عقباده سرفراز اولاسان
 ملاک عملدی قالار هر نه وار دنیاده
 یالان دانیشما قمار اویناما شراب ایچمه
 بو نوع شخصده اولماز وقار دنیاده
 شریفه ناشریفله یاراشماز اُنس دوتا
 خطا گئدوب گئده جاخ میگسار دنیاده
 شرابخواریده غیرت نشانه سی اولماز
 تاپانماز حقّی ئولونجه خُمار دنیاده
 ولید مَسْتیدی قُرانه استخاره ائدوب
 خلاف رأی گَلیب خواستگار دنیاده
 قویوب برابره ووردی اوخیلا قرآنی
 جسارت ایلدی اول نابکار دنیاده
 دئدی شکایت ائله کردگاره محشرده
 منی ولید ایلدی پاره پاره دنیاده
 قران که ساکت و صامتدی ناطقی گوزلور
 گلنده مشکل آچار ذوالفقار دنیاده

همیشه جائر و جبار آچو بدی ظلمه آیین
 وئروبله عاجزه بی حد فشار دنیاده
 خدای لَمْ یَزَلین آل رضایتین نظره
 باشارسان اولگلا بس دستیار دنیاده
 ستمگرین یثری تعیین اولوب جهنّمده
 حساب سیز تاپا گر اقتدار دنیاده
 اشاره عاقله بیر رمزدی کفایتدور
 خبیثه ایلمه ایش واگذار دنیاده
 محققانه تواریکه بیر مُرور ایله
 نه ظلملر اولونوب بی شمار دنیاده
 علی و آل علی مکتببندن آیریلما
 چاغرور جواب وئرر هشت و چار دنیاده
 امام عصرِدن عذر ایستورم گذشت ایلسون
 یزید ظلمین ائدوب آشکار دنیاده
 عزیز فاطمون کسدروب باشینی او دنی
 قویوب جنایتینی یادگار دنیاده

قیام اولونجا قیامت گرکدی لعن آپارا
 سزادی بیله تاپوب اشتهار دنیاده
 سالوبدی فرصت آله عاقبت چخوب یاددان
 اولوبدی نفسین آلیله مَهار دنیاده
 یارالی باشی قویوب طشتیده برابرینه
 یانان ئورکلره ویردی شرار دنیاده
 شراب ایچور مَلَاء عامیده قُمار اوینور
 دوشونمیوب دوشنه شاد و خوار دنیاده
 بقیّه سین توکوری قانلو باش اولان طشته
 آئینده چوب و جفا رقص وار دنیاده
 شماتتيله باخور قانلو باشه مجلسده
 چکور شراره ئورک داغدار دنیاده
 ئولنلرین سالور یاده اوینادور چیگنین
 گؤریدوز اولدی یزید کامکار دنیاده
 دئدی حسین قوجالوبسان محاسینون آغاروب
 اولانمادی سن اوچون بخت یار دنیاده

نجه دُیوم بو سوزی لا إِلَهَ إِلَّا اللَّهُ
 امام عصر ئوزودور سوگوار دنیاده
 امام صادقین اوندا سوزی قالار یئرده
 دئیولمسه حق اولار استتار دنیاده
 دوداقلاری قورومشدی عزیز زهرانون
 جسارت ائتدی اونا اهل نار دنیاده
 ووراندا پارچالادی خیزران دوداقلارینی
 قان ئوسته قان بیتروب لاله زار دنیاده
 رسول بوسه گهین ضرب خیزران بولدی
 گورونمیوب بوراجان بو قرار دنیاده
 آغاج سسین ائشدنده رقیّه دِسگیندی
 کسیلدی چاره یولی یوخ هوار دنیاده
 یاواشجادان اوجالیب باخدی بیر یزیده طرف
 ئولونجه اولدی خانم اشکبار دنیاده
 قوجاخلیوب بی بی سین گوهر گرانمایه
 علاج ائله ندی چاره بو دار دنیاده
 بویور یزید جفاکاره ویرماسون بابامی
 حقیقت ئوسته اولوب جان نثار دنیاده

قوناقه حرمت ائدللر ویرور منی ویرسون
گنجوبدی گر آینه اختیار دنیاده
بابام باشی یارالی نیزهده گلوب شامه
ائدوب احاطه جمالین غبار دنیاده
که آز قالور چخا روحیم بدنن السّاعه
چکوبدی ظلم آلی غمدن حصار دنیاده
یقینیم اولدی بی بی ئولدوروبله قارداشنی
او علّته یوخوموز دستیار دنیاده
یارالانور یارا ئوستن قانی آخور طشته
نجه بس ایلمیک آه و زار دنیاده
تجارتینده یزید آنلامور زیان آپاروپ
اگرچه چوخدور اونا انتصار دنیاده
مقاله اولدی مَطوّل حسینیان عزیز
هر ایشده دوزلی اولار اختصار دنیاده
یورولما (ناطقّی) طبعون دیریتدی منظره‌نی
نتیجه بخشیدی بو ابتکار دنیاده
یورولماز عاشق حسینون آدی گلن یئرده
نقدر چکسه مُسَلّم فشار دنیاده

عید مبعث

یئرله گوی او گئجه آیری بیر ضیاء تاپدی
بَرنَدی گلشن و گلزار دین صفا تاپدی

زمینه تا که فراهم اولونجا دنیاده
زعیم اَمّت مرحومه انزوا تاپدی
هر ئیلده بیر نچه گون اعتکاف ساخلاردی
حرا داغیندا عبادتدن اِعتلا تاپدی
قُلوب نمازنی اَلْقَصَّه ایستراحتده
عبا باشیندا یاتوپ لطف برملا تاپدی
ئوزون تُرابه قویوب یا که سنگ خارایه
مقام صبریده تکمیل اولوب قُوا تاپدی
گُوروبدی مخزن اسرار قادر متعال
گئجه زمانی قرانلوخدا روشنا تاپدی
گلوردی سمعنه غار ایچره مختلف سسلر
نجه صدا فرح انگیز حَبّذا تاپدی

که ایستیوبدی آچا باشنی بیر آز قورخوب
 تفکّر عالمینه جومدی ابتدا تاپدی
 عجیبه منظره وار نور احاطه حالینده
 یاخونلاشوب او گوّزل مَسکن اِنجلا تاپدی
 اولوبدی لطف خداوند حالینه شامل
 شفیع روز جزا رتبهٔ علاء تاپدی
 چکیلدی پردهٔ ظلمت بَزندی کوه حرا
 سفیر عزّوجلّ نور کبر تاپدی
 قویوبدی ظلمتی تحت شعاعده ماه حجاز
 سزادور حمد و ثنا حقّه ارتقاء تاپدی
 نُزول ائدوب یثره پیک خدای عالمیان
 بو عالمی بشریّته آشنا تاپدی
 سلام ائدوب شه گوْنینه جبرئیل امین
 سلامی ردّ ایلوب منصب ولاء تاپدی
 زعیم ماخَلقه جبرئیل آلین یثروب
 فشار وئردی گوره نُطق پُر بها تاپدی

دئدی اوخی گوزلیم ابتداده بسم الله
 بویوردی یوخدی سوادیم بُلوب فَرّا تاپدی
 گئیویوبدی اگینه به به لباس توحیدی
 مقام عزّته باخ ثوب اصطفاء تاپدی
 آزلده قلب شریفی خبرده وار قورخوب
 یاواش یاواش یئتشوب مقصده بنا تاپدی
 کلام لَمْ یَزَلِ جبرئیل ائدوب تلقین
 سعادتِ ابدی ختم الانبیا تاپدی
 خزینۀ ادبه کنز علمی تاپشوروردی
 وظیفه سینده مُجِدّ اولدی مرحبا تاپدی
 گئیوب قباى رسالت محمد ﷺ عربی
 به امر حضرت حق تاج انما تاپدی
 مقام رُتبه باخ امتیاز آلیب حقن
 زمینه دایر اولوب خلق رهنما تاپدی
 آزل خدیجه قبول ایلیوب رسالتنی
 ایکیمجی مرتبه توفیقی مرتضا تاپدی

رسول اکرم او نوعی گئچیندی الْقَصَّه
 چکیلدی خوف غرض برطرف رجاء تاپدی
 امیدوار اولوب اللّٰه سید الثقلین
 علینی بیعت ائدنلرده بی‌ریا تاپدی
 علی ولیّ خدا دور امام گوّن و مکان
 کلید باب سعادتدی مُطلقاً تاپدی
 علی وصیّ بلا فصل دور بو سلطانہ
 شرافتاً اونی لا ریب مُطصفا تاپدی
 علیدی پرچم اسلامی سرفراز ایلین
 علینی ختم رُسل یار با وفا تاپدی
 علیدی سائلی خرسند ائدن نماز ئوسته
 سؤال ائدن شه مردانی ذوالعطا تاپدی
 فقط علیدی بُلون اون بیر اوصیایه آتا
 مقام عالیہنی کُلّاً اوصیاء تاپدی
 علی نمونہ خلقتدور آفرینشدہ
 نتیجہ بخشدور اِثنی عشر هُدا تاپدی
 علی غذاِسینی بذل ایلوبدی مِسکینہ
 گلوبدی شائینہ قرآندا اهل آتی تاپدی

علیدور آئینه حق تمام ما خَلَقَه
 ثورکدن ایستین البتّه حق نما تاپدی
 علی امامدی بس جنّ و انسه مولا دور
 تغافل اولما گئوررسن عجب بلا تاپدی
 علینی ایسته مین عاقبت اولار رسوا
 مُحَبِّ اولان ایکی دنیاده کیمیا تاپدی
 امام مُفْتَرَض الطّاعه دور کنار اولما
 مُتَابِعَت ائله مولانی اَصْفیا تاپدی
 همان علیدی شهادت لباسینی گیدی
 فنا جهانه ووروب پُشت پا بقا تاپدی
 همان علیدی باتوپ حَرَبگاهِده قانه
 نمازین ثُوسْتِه او گون اَشْقٰی الاَشْقیا تاپدی
 مبارک آنلو تُراب ثُوسْتِه تیغ زهرآلود
 آنده پارچالادی باشنی جفا تاپدی
 گوتوردی تاجینی باشندان امین وحی خدا
 اوجا سسیله دئدی صدمه رکنها تاپدی
 علی ثولنده یتیم لر پناه سیز قالدی
 کسیلدی چاره یولی زینبی عزا تاپدی

سۆزی بو یئرده قویاخ کربلایه زائر اولاخ
 ولی ایکمجی علی آیری ماجرا تاپدی
 کمند عشقه دوشوب اکبر ملک سیمما
 نوعی عرض ایلوم حدّسیز یارا تاپدی
 دولاندروب اوزونی خیمه گاهه عرض ائتدی
 یامان گونومدی بابا درک ائله قضا تاپدی
 دولوبدی گوزلریمه قان گورنمیرم تز گل
 عّقابدن دوشورم تُپراقا قسا تاپدی
 اوغول سسین ائشدوب قتلگاهه یوز قویدی
 یارالی اکبرینی شاه کربلا تاپدی
 دیزینده اولمادی طاقت سقوط حالینده
 آت ئوستن آندی یئره دلده آه و وا تاپدی
 یارالانان باشی قویدی یانان ئورک باشنا
 تقدری سسلدی بس وئرمدی صدا تاپدی
 بو یوردی گوزلرون آچ قلبیم اوت دوتوب یاندی
 یامان گونومدی که غم ایلمز رها تاپدی
 ادامه ویرمه سوزه (ناطقی) کفایتدور
 چتین زمانده ئوز اوغلونی آتا تاپدی

زبانحال امام حسین علیه السلام

دور نوزون ایله گلن چاره سیزه چاره اوغول
باغرمی قان ائلدی باشدا که بو یاره اوغول

علی سندن صورا دنیا باشنا تُپراق اولا
ایلیوبلر بو گوژل جسموی صد پاره اوغول
عمرورم آئینه سنی کوفیلر چالیدی داشا
لعت اولسون بئله بیر فرقه اشواره اوغول
ائله بیلدیم که آتام کوفده آلقانه باتوب
باش قانی پرده چکوب گل کیمی رُخساره اوغول
گلور عَمَن یانواوا قلبی دونر قانه دانیش
گوزلری دوشسه ئولر صورت گلناره اوغول
باشداکی تاجون آچوب منظره زهرايه قسم
روحیمی سالدی غمون یکسره آزاره اوغول
قورخورام فیض شهادت منی درک ایلمیه
اهل معنا بو سوزی درک ایدر همواره اوغول
دیزلریم دوشدی قُودان سنی گوردوم یارالی
مشکل اولدی محنون بی کس و بی یاره اوغول

استمداد از حضرت فاطمه زهرا علیها السلام

چاره‌سيزلر چاره‌سی زهرا سلام اولسون سنه

سینه‌سینده یاره‌سی زهرا سلام اولسون سنه

عشقوین پابندیوخ عاصیوخ شرمندیوخ

فاطمه یا فاطمه

بیز سنی وئروخ قسم جانانوه یا فاطمه

دینه خاطر باتموسان ئوز قانوه یا فاطمه

روحی‌میز قربان اولا ایمانوه یا فاطمه

گون کیمی آثاره‌سی زهرا سلام اولسون سنه

وئرمروخ آلدن سنی محو اولا دین دشمنی

فاطمه یا فاطمه

آل بیزیم دامن سنون ای روح ختم الانبیاء
 تیکم شوخ گوز لطف بی پایانوه صبح و مساء
 شیعانی زینب کبرایه خاطر ائت دعا
 ای وطن آواره سی زهرا سلام اولسون سنه
 روح ایمانسان خانم درده درمانسان خانم
 انتخاب ایلوب سنی محبوب حیّ لم یزل
 گورمیوب گورمز زمانه مثلوی ای بی بدل
 روحوه روحیم فدا سنسن گوزلردن گوزل
 جدّینون دل پاره سی زهرا سلام اولسون سنه
 ماه عالم تاب سن زینت احباب سن
 اولمیوب اولماز سنون تک دهرده مظلوم اولان
 گل مثالی رنگی رُخساری مصیبتدن سولان
 نسلگون حدّن آشوبدور قلبی قانیله دولان
 ای سولان رُخساره سی زهرا سلام اولسون سنه
 گوندوزی شامه دوّن شمع اقبالی سوّن

آرزو ماندا چوخ گوژن غم روزگار فایده
 اولمیوب اولماز مروت سنگدل انسایده
 سولدوروب گلزار زهرانی جماعت آیده
 سخت اولوب آزاره سی زهرا سلام اولسون سنه
 دگدی دیواره ئوزون دولدی اشکیله گوژون
 حقّوه وئروخ قسم ای مام سبطین الرسول
 معنویت نوری سنده حشره جه ائتمز اُفول
 عرض میز وار جدّوه خاطر خانم ایله قبول
 ای سینان گوشواره سی زهرا سلام اولسون سنه
 غملره آماج اولان خوش گونه محتاج اولان
 ای پناه بی پناهان شمع ایوان ولاء
 صاحب عصرین آناسی قاصدیم باد صبا
 ایستروخ یا فاطمه سندن برات کربلا
 چاره سیز چاره سی زهرا سلام اولسون سنه
 سن کرم دریاسی سن شیعه لر زهراسی سن

ایسته خلاق جهان لطفون ائده شامل بیزه
 گوز یاشی کر بیلاده آخسا باجادور ئوزه
 خالق مټان وئرر پاداش ئوزی آغلار گؤزه
 گلشنون آثمارهسی زهرا سلام اولسون سنه
 عهدیمیزده باقیوخ کربلا مشتاقیوخ

کربلا قربان اولاخ سنده یاتان قربانلارا
 دینه خاطر عالمی گوزدن آتان قربانلارا
 مقصد مقصوده واقعدن چاتان قربانلارا
 چوخ اولان آفکارهسی زهرا سلام اولسون سنه
 اَلْبَلَاءُ لِلْوَلَاءِ کربلا یا کربلا

دردمندم دختر خیر البشر یا فاطمه
 (ناطقی) مُشکلده دور ایله نظر یا فاطمه
 کربلاده اوخلانوبدور صود آمر یا فاطمه
 قالدی بوش گهوارهسی زهرا سلام اولسون سنه
 دعوت ائت ایوای دیاخ اصغره لای لای دیاخ

زبانحال حضرت فاطمه زهرا عليها السلام

ایستورم یا رب محن گلزار حیدر گورمه‌سین
گلترین گل صاحبی بی‌کسدی پرپر گورمه‌سین

شاکیم بیداد آلیندن ای خدای دادگر
سن ئوزون یار اول عم اوغلوم آیری غملر گورمه‌سین
حَقْمی غصب ایلینلر باغلادی قولارینی
یوخ توانیم غَمَلَنَر روح پیمبر گورمه‌سین
دوشمشم دشمن فشاریندن بیر آیری زحمته
سینمی مجروح ائدوب مسمار او سرور گورمه‌سین
ایستورم سندن یومام گوز عالم امکانیدن
بستریمده بوندان آرتوق حَقّه یاور گورمه‌سین
قان گؤزومده سیلی ظلموندن علامتدور قالور
قیل نظر بو نوعی رنجی آیری گوزلر گورمه‌سین

سیلی ضربیندن نشانه وار گوژومده شاهد اول
 طاقتیم یوخ دورماقا فتاح خیبر گورمه‌سین
 قامتیم غمدن خمیده اولدی بو آز عمرده
 بیر بئله دردی جهاندا آیری مادر گورمه‌سین
 محرم اسرار عم اوغلومدان نئدیم شرمندیم
 مایلم غم بوندان آرتوخ شیر داور گورمه‌سین
 فضّه جان سو حاضر ایله قیزلارین زلفون یوووم
 ائت کمک قاخمور الیم هیچ حالی مضطر گورمه‌سین
 خوشلورام غُسلیم وئریلسون کوینگیم ئوستن منه
 وار قولومدا تازیانه ضربی حیدر گورمه‌سین
 عمرمون آئینه‌سین دشمنلریم چالیدی داشا
 من کیمی ظلم عدونی آیری گوهر گورمه‌سین
 (ناطقی) پاداشوی زهرا وئرر دارینده
 دیده اهل ولانی دشمنان تر گورمه‌سین



ایضاً
زبانهال حضرت زهرا علیها السلام

الهی غمیره اولدوم ز بس دچار ئولورم
عم اوغلوما کمک اول حی کردگار ئولورم

بهاریم عیشی دولاندی خزانه یثروبدہ
چویردی مندن ئوزون چرخ کج مدار ئولورم
عزیزلگیم یالان اولدی بو فانی دنیاده
نقدر چکمشم آگاه سن فشار ئولورم
قاپی دالیندا قالاندا سینوب قابورقالاریم
یارالیوب سینمی نوک میسمار ئولورم
سینوب قولوم یوخاری قاخموری قُوت دوتام
بدنده ضربه یثری واردور آشکار ئولورم

زبانحال حضرت علی علیه السلام
در سر مزار حضرت زهرا علیها السلام

سنی قویموشام آیمله بو گنجه مزاره زهرا
گوژومون یاشی دماّم توکولور عذاره زهرا

آجل اوچی سی آیمدن سنی آز زماندا آلدی
ائومین چراغی سوندی علی غصّه دن سارالدی
گونی گوندن آرتدی دردیّم ئورگیم غمی چوخالدی
سنلن گلیدی ای کاش علی بو دیاره زهرا

اوجادان دئسم سزادور ائومین صفاسی گیتدی
واریدی چوخ احتیاجیم آلمین عصاسی گیتدی
گئینوب سفر لباسین حسنین آناسی گیتدی
یتشوبدی غم غم ئوستن دلی داغداره زهرا

بلوسن آتان ئولندن دوتان اولمادی آیمدن
چمنیم سولوب جفادن چخوب آللریم گلومدن

غم اندوب احاطه آدون	دوشنی دُگل دلیمدن
منه یوخ وئرن تسلی	ایلیوم نچاره زهرا

گُل و گلشن رسالت	سارالیب خزانه دوندی
یئری وار دئیوم دوباره	ایومین چراغی سوندی
اولا اُفّ روزگاره	هامی دشمنیم سؤوندی
ئوز ائوینده سالدی محنت	علینی حصاره زهرا

منی بوشلاماز مصیبت	نقدر داخی وارام وار
قرلیب نیاط قلبیم	ئوره گیمده بس یارام وار
علی کاش ئولیدی سنله	هارا من گندوم هارام وار
بو فنا جهاندا سن سیز	دوشه جک فشاره زهرا

باباوا گذارش ایله	غمه مُبتلا علیدن
ده گِلن کناره گیتدی	اولان آشنا علیدن
هامی ئوز دولاندروبدی	بابا برملا علیدن
بیزی ظاهر ایستینلر	چکلوب کناره زهرا

کسیلوب یول اوسته چارَن
 قولاقوندا گوشوارَن
 یخلان زمان اشارَن
 ئورگیم شراره زهرا

قاپیا گلن جماعت
 عجب ائتدler جسارت
 سن اوچون اولوب قیامت
 دَم ذوالفقاره زهرا

ایلیوب روانه زهرا
 محنون جوانه زهرا
 ائلدی بهانه زهرا
 دل و دلفکاره زهرا

ائدوب استخاره گیتدون
 یارالی مزاره گیتدون
 ئورگونده یاره گیتدون
 نچه باری باره زهرا

نجه یانمیوم بو درده
 سینوب اوندا ظلم آلیله
 غمین ئوسته غم یارالدوب
 چکوری دوشنده یاده

منی گوردیلر آدامسيز
 دورا بُلمدیم دفایه
 سینوه باتاندا مسمار
 علی باخدی حسرتیله

گوْزوم آشکنی فراقون
 چخانی دگل یادیمدان
 سنی دویمگه او کسلر
 بلوسن اثر ائدور غم

سفرون اولا مبارک
 منه غملرون چتیندور
 ائده بُلمدیم حمایت
 ائله (ناطقنی) دعوت

زبانحال حضرت علی علیه السلام
در سر مزار حضرت زهرا علیها السلام

گنجیدی قویدی علی قبره بنت طاهانی
مصیبتی گتروب درده شاه مردانی

اولار که تشیع زهراده شرکت ائتمشدی
قیتدیلر تک و تنها قالیب وفا کانی
سؤزی مقدمه سیز باشلیوم اول آماده
عزایه دعوت ائدک دردمند مؤلانی
ائلیکه مجلسی اغیاریدن گؤروب خالی
ئورک نوارین آچوب اول طبیب روحانی
ئوزون قویوب غم و اندوهلن مزار ئوسته
سزادور ائتسه مخاطب بو نوعی زهرانی

سنون فراقون ائدوب درده مُبتلا یانورام
ئورک یانور آلیشور اوت دوتوب آلوانورام

آخور گؤزوم یاشی غمدن عذاره زهرا جان
 الیمله من سنی قویدوم مزاره زهرا جان
 پوزوب جفا آلی گلزار گلستانمیزی
 ویروبدی ظلم آلی صدمه بهاره زهرا جان
 قیروبدی ریشه سینی تیشه جفا کردار
 سالیب علینی مصیبت فشاره زهرا جان
 او کهکشان و سماواتده اولان سیّار
 گؤروله یئرده باتوبدور ستاره زهرا جان
 نجه ستاره فؤاد رسول اکرمدور
 ائدله حالیمه گوگردن نظاره زهرا جان
 نه علته ده گؤروم وئرمسن جواب منه
 غمونده بس گلورم آه و زاره زهرا جان
 گلیلسن بلورم کوسموسن عم اوغلوندان
 کمک ائدمنه مشم دلفگاره زهرا جان
 بئله خیال ائلمه دویدیلر سنی دوزدوم
 باخوردیم حسرتلن ذوالفقاره زهرا جان

اجازم اولمادی آل تیغ آبداره ائدم
 اولور یانان ئوره گیم پاره پاره زهرا جان
 علیدن ائتمه شکایت حبیب لم یزله
 متابعت ائلدیم کردگاره زهرا جان
 امین وحی خداوند آخرین وقته
 یئتوردی امر حقى شهریاره زهرا جان
 منه بویوردی علیجان رضای حق بوردا
 قلینچ چکمیسه سن اهل ناره زهرا جان
 تعهد آلدی قولون باغلانار دویله سنی
 تمام مطلبه ائتدی اشاره زهرا جان
 گئجه زمانیدی خلق ائولرینده راحتدور
 علی مزارون آلودور کناره زهرا جان
 علیده قبره گئیدی سنيله بیر گئجده
 گوز آچمیدی داخی روزگاره زهرا جان
 چتیندی مسئله بیرده سسون قولاقه گله
 قوشولدون حیف اولا آیری قطاره زهرا جان

اودور دلیلی داخی وئرمسن جواب منه
 ئورک یانور محن پُر شراره زهرا جان
 یورولموسان یارالی یات منیم ائویم یخلوب
 نئدیم بو مسئلیه یوخدی چاره زهرا جان
 دئمه بابا ئوزومه یولدا ویردیلار سیلی
 پلور قولاخدا سینوب گوشواره زهرا جان
 خجالتم منه خاطر سینوب قابورقالارون
 اولوبدی توش سینون میسماره زهرا جان
 گئدنمیرم ائوه گلمور بئلم دوروم ایاقا
 یئوبدی صدمه ز بس اقتداره زهرا جان
 نجه گئدوم ائوه زینب گوزتلیور یولومی
 تسلی یوخدی وئرن داغداره زهرا جان
 قالار نه حاله سولان قزلارون و یا حسنین
 ئوزومده گوزلری دوشسه غباره زهرا جان
 مُجاویر اولدی علی (ناطقى) صباحه کیمی
 توجّه ایله دهئن خاکساره زهرا جان

قطعه

فاطمه ای سبب گوَن و مکان
 گلِ کیمی غُصّه و غمدن سارالان
 نظر لُطفیله باخ شیعلره
 ای عزاداریلرین گوگلون آلان

**

*

یا مولاتی یا فاطمة اغیشنی

آشنالر	آشناسی	دردمندانون	دواسی
دعوت	ایله کربلايه	خاتم مُرسل	بالاسی
یادگار	مصطفی سن	قیل نظر درد	آشنا سن
هرگوژللردن	گوژل سن	رونق آل	عبا سن

قطعه

روحہ غذا درده دوا فاطمہ
 مَحْرَم اسرا خدا فاطمہ
 ایلہ تقاضا حق مَنّانِ دِن
 لطف ائلسون کرب بلا فاطمہ

**

*

رُبّاعی

فاطمہ محبوبۂ یکتا سلام اولسون سنہ
 یادگار حضرت طاہا سلام اولسون سنہ
 باعث ایجاد عالم افتخار ما خَلَق
 مام سِبْطین النّبی زہرا سلام اولسون سنہ

زبانحال حضرت زینب کبریٰ علیها السلام
در سوگ مادرش

سولدی ستمله گلشن گلزارون آی ننه
صدمه گوروبدی صورت گلنارون آی ننه

ثانی عداوتیله سنی ویردی کوچهده
اولموب یانوندا اوندا هوادارون آی ننه
بخت اولدوزوم غروب ائلدی قاره بخت اولام
حسرت قالاندی خوش گونه غمخوارون آی ننه

گیتدی عزیزلگیم سنیله گورمرم سنی
اولماز نصیب زینبه دیدارون آی ننه
گلدون ائوه ئوزونده آلون پوزقون حالیه
غوغا یاراتدی دله که گفتارون آی ننه
بیر سوز دئدون آپاردی بابام ذوالفقاره آل
ناراحت اولدی حیدر کرارون آی ننه

خارج اولاندا ائودن اوجالدى اذان سسى
 فرمايش ائتدى محرم اسرارون آى ننه
 گر ايستوسن بابان آدى ذكر اولسون حشرجه
 صبر ائله ، قالسون ، احمد مختارون آى ننه
 زهرای من قوجالمامشام واردى قدرتيم
 وئرسون اجازه ئولدوروم اغيارون آى ننه
 عذر ايستدون عم اوغلون علیدن او بارده
 روحون فداسى عاليدور ايثارون آى ننه
 قان لختهسى گوژونده جمالونده آيله
 يانديردي قلبى گل رُخسارون آى ننه
 گتديم بو نصف شب حسيني زيارته
 آلمش كناره قبروى زوارون آى ننه
 غملى شريكى قونشولارون كسدى گل گئدى
 يوخ بيزدن ئوزگه آيرى عزادارون آى ننه
 تنها بيزوخ عم اوغلووا همدم بو بارده
 مظلوم اولوبدى حجت دادارون آى ننه
 من زينبم سسون نيه گلمور قولاقمه
 آلدن آلور قرارىمى افكارون آى ننه

بیگانه یوخ خبر بیزه وئر یاره سینه‌دن
 سسلور سنی عزالیدی قیزلارون آی ننه
 گوردوم گؤزومله ویردیلا اود یاندی درگهون
 دوشدون فشاره اولمادی دسیارون آی ننه
 کُلّا عزا دوتانلارووا لطف ئوزیله باخ
 دارینده عزیز اولا دوسلارون آی ننه
 اَلگو سن اهل فضله حقیقت سنونکدی
 نسوانلارا دیلدی معیارون آی ننه
 مدّاح (ناطقی) سؤر هر ئیلده وقفنی
 اخلاص ئوزیله اولسون عزادارون آی ننه

زُبَاعِی

بیر غذائی که دوزون فاطمه سالسا خوش اولار
 آغلیوب آغلادانون گوگلونی آلسا خوش اولار
 ئوزوی صدقه سال درگه زهرايه دخیل
 قلبه بو خانمون حُبّی چوخالسا خوش اولار

زبانحال حضرت زینب علیها السلام

خُرمتوی	ساخلارام	دیزلریم	قوجاخلارام
غملروی	آی آنا	یاده	سالوب آغلارام
سولدون	سارالدون ننه	کمک	سیز اولدن ننه
عمروم	اولسا آغلارام	جوانه	ئولدن ننه
گلشنمیز	تالاندی	صبریم	داشیب جالاندی
آغلامیوم	نیلیوم	آناسیزلیق	یاماندی

رباعیات

گؤزللردن گؤزل آنام ناز آنام
 خزان گوردی گل آچمامش یاز آنام
 یامان درتدور آناسیزلیق دهریده
 ای وای منه عمرون اولدی آز آنام

گوزلروندن غملر یاشی آخاردی
 یتیمرون حسرت قالیب باخاردی
 بابام ئولجک گیت گل یولی کسیلدی
 بش اون گونده قاره زلفون آغاردی

دوزمور ئورک گوزوم یاشی رواندی
 آلدن غمون طاقتیمی آلاندى
 چاره سیزوخ هارا گئداخ آی ننه
 ئورگیمده نسکلرون قالاندى

آراممی آلدن آلوبسان ننه
 قزلارووی گوزدن سالوبسان ننه
 گئجه وقتى دفن اولوبسان آغلورام
 ئپراق آتدا یالقوز قالوبسان ننه

زُبَاعِیَات

اولسون سلام مَحْرَم اسرار داوَره
 اولسون سلام صحن و سرای پیمبره
 اولسون سلام وحی ائوینون پاسبانینه
 اولسون سلام گلشن و گلزار حیدره

اولسون سلام زینب کُبرا آناسینه
 اولسون سلام فاطمنون دلرُبایسینه
 اولسون سلام اهل تولّا مرامینه
 اولسون سلام یکسره اولاد یاسینه

اولسون سلام مُلک حجازین قوناقینه
 اولسون سلام فاطمنون غملی چاقینه
 اولسون سلام سینّه مجروحہ دمبدم
 اولسون سلام حضرت زهرا رواقینه

اولسون سلام حسین آقامون عزّ و جاهینه
 اولسون سلام غارت اولان خیمه گاهینه
 اولسون سلام کرب و بلانون شهیدینه
 اولسون سلام یاره لنن سجده گاهینه

اولسون سلام نیزه ده صوت حجازینه
 اولسون سلام معرکده امتیازینه
 اولسون سلام خوشک اولونان قانلی لبلره
 اولسون سلام نحر اولان عطشان بوغازینه

اولسون سلام حنجر منحوره دمبدم
 اولسون سلام سویملی منظوره دمبدم
 اولسون سلام لبلری قانه باتان باشا
 اولسون سلام صاحب مذکوره دمبدم

السَّلام علیک یا اباالحسن
یا مولا یا امیرالمؤمنین ادرکنی

ای زینت منبر علی داماد پیغمبر علی
بعد از نبی رهبر علی جانم علی جانم علی
در دست بُرهانم علی

ای مرشد افکار من وی رونق پَرگار من
آئینهٔ اسرار من جانم علی جانم علی
در دست بُرهانم علی

شمع شبستانم توئی آرامش جانم توئی
هم دین و ایمانم توئی جانم علی جانم علی
در دست بُرهانم علی

ای مَحرم اسرار دین وی عُرْوَةُ حَبْلِ المَتین
مَوْلا امیرالمؤمنین جانم علی جانم علی
در دست بُرهانم علی

سلطان بحر و بر توئی مولای ما سرور توئی
 شایسته و برتر توئی جانم علی جانم علی
 در دست بُرهانم علی

عشقونده بس دیوانیم سن شمع سن پروانیم
 سن سیز آقا بیگانیم جانم علی جانم علی
 در دست بُرهانم علی

هر درد ایچون آدون دوا ای شهریار باوفا
 سندن مدد یا مرتضا جانم علی جانم علی
 در دست بُرهانم علی

ای حجّت پروردگار سلطان دین والاتبّار
 اسلامیانه افتخار جانم علی جانم علی
 در دست بُرهانم علی

ای پرچم توحیده جان سسلور سنی پیر و جوان
اولماز سنون تک مهربان جانم علی جانم علی
در دست بُرهانم علی

شمع سعادت سن علی نور هدایت سن علی
نصّ امامت سن علی جانم علی جانم علی
در دست بُرهانم علی

محبوب حیّ لَمْ یَزَلْ ذاتاً اولوبسان بی بدل
الحق گوژللردن گوژل جانم علی جانم علی
در دست بُرهانم علی

فتّاح خیبر یا علی مولای قنبر یا علی
دلرده ازبَر یا علی جانم علی جانم علی
در دست بُرهانم علی

مولا سیادت سنده دور لطف و کرامت سنده دور
 شأن و شرافت سنده دور جانم علی جانم علی
 در دست بُرهانم علی

واقعده بیتا سن علی هم کفو زهرا سن علی
 احکامه دارا سن علی جانم علی جانم علی
 در دست بُرهانم علی

حق سوز دین پاینده دور عاصی اولان شرمنده دور
 زیبا آدون زبینه دور جانم علی جانم علی
 در دست بُرهانم علی

**

*

مدح در اوصاف حضرت امیرالمؤمنین علیه السلام

ای حامی سراج هدایت علی علی
وی مَفخر کلید سعادت علی علی

عالم سنون وجودویلن برقرار اولوب
بعد از نبی ستون رِصافت علی علی
مثلون جهانہ گلمیوب حاشا گلن دَگل
فخر الائمه نصّ امامت علی علی
اولا به نفیسسن بیزه ای پیشوای دین
تکمیل سنده امر ولایت علی علی
هر عصر کاتبان و ادیبان ما خَلَق
وصفینده چوخ یازوبلا کتابت علی علی
بیر کس تاپولمیوب بُله شأن مقاموی
غیر از خدا و ختم رسالت علی علی
ترکیب اولا سولار هامی اشجارلر قلم
یوخ انتھاسی یازسا جماعت علی علی

انواع مشکلاته یازانلار دچار اولار
 اولماز بشرده که بو درایت علی علی
 خلق ائتمیوب بدیلوی خلاق ذوالجلال
 الطاف لایزالیدن آیت علی علی
 معبود لامکاندی فضیلت وئرن سنه
 ذاتونده واردی فضل برائت علی علی
 طُلاب معرفت سنی مُرشد حق بُلور
 سندن گُوروبله بسکه کرامت علی علی
 حُبْن قُلُوب اهل ولانون صفاسیدور
 بُغْضُنْده واردی رمزی ضلالت علی علی
 امکانی یوخ سنون کیمی بیت العتیقه
 تاپسون ولید اوردا ولادت علی علی
 بیت المقدّس اولمادی عیسایه زادگاه
 کعبه سنيله تاپدی شرافت علی علی
 حق جانبیندن اولدی او گون انتخاب آدون
 احبابه یتدی عالی بشارت علی علی
 عین الحیوة ثوپدی جبین مبارکون
 آلدی قوجاقه ائتدی زیارت علی علی

آلدون نتیجه سیّد والا تباریدن
 الحق سعادت اولدی عیادت علی علی
 کنز علوم معرفتین جانشینی سن
 روحاً ائدوب سن حقدن اطاعت علی علی
 نازل اولوبدی شأنوه قرآندا اهل آتی
 قورتولمیانندی شأن و جلالت علی علی
 حال رکوع ده سائلی بوش سالمادون یولا
 خواهنده گوردی سنده سخاوت علی علی
 اولمازدی عمره کیمسه مقابل او عصریده
 گر اولماسیدی سنده شجاعت علی علی
 قربان اولوم قولوندا کی نیروی داوره
 یخدی تُرابه کُفری او ساعت علی علی
 چاتماز او خدمته ثقلینون عبادتی
 ختم رسولدندی روایت علی علی
 خندق گونونده ضربه شمشیره ماحصل
 مدیون اولوبدی کُلاً عبادت علی علی

چو خلار گلیبدی قاضی و قُضات اولوب ولی
 دایر ائدنیوبله عدالت علی علی
 شایسته دور فقط سنه بو خلعت نفیس
 افسوس ائدوبله سنله عداوت علی علی
 چون حجة الوداعده پروردگاریدن
 صادر اولوبدی امر بدایت علی علی
 یا ایها الرسول یئتور خلقه مطلبی
 بیل سونله تاپدی بوردا زعامت علی علی
 تعدادینی یازولّا که یوز یئرمی مین نفر
 کُلاً وئروبلر اوردا شهادت علی علی
 تبریک و تهنیت اوجالیب زائرندن
 احسن مقامه تاپدی خلافت علی علی
 سلطان محشر اوردا سنی ائتدی جانشین
 کتمان اولوندی لیک وصایت علی علی
 صرّاف روزگار آزدی روزگاردی
 امضاء وئرلر ائتدی خیانت علی علی

گیتدی فدک قباله سی پیغمبر ثولجه گین
 قطع اولدی چاره قالمادی طاقت علی علی
 باغلانماسیدی قولارون ای شیر کردگار
 گورمزدی صدمه باب طهارت علی علی
 یاندرماسیدی درگهوی دشمنان دین
 اولمازدی کربلا ده جسارت علی علی
 اود ویردیلار خیام امامت آلولادی
 اولدی دئسم سزادی قیامت علی علی
 امداد ائدن تاپولمادی مظلومه زینبه
 لشگر توکولدی ائتدیله غارت علی علی
 قیزلار داغیلدی چوللره عباسیدن خبر
 یوخدور گلیب ائدیدی حمایت علی علی
 بعضی دئیوردی داده یتیش هارداسان بابا
 سخت اولدی بانوانه او حالت علی علی
 مدّاح «ناطقی» دئیور ای فخر الاوصیاء
 دستم بگیر جان به فدایت علی علی

سرود همخوانی در
توصیف حضرت علی علیه السلام

شمع ایوان ولاء یا علیّ و یا علی
وارث خیر الوریّ یا علیّ و یا علی

ای	ولیّ	لَمْ	یَزَلْ
هر	گوژلردن	گوزل	

نعمت مَنّان تبارک تبارکدور
واقعی بو گون مبارک تبارکدور

فخر سن بیت الله
شمع سن هر گُمره
نورین الله نوریدور
زیب سن مهر و مهه

ماه عالم تاب سن

خلق ایچینده ناب سن

زُمره عَشَّاقِده

زینت محراب سن

مَحْرَم اسرار سن

حقّه پرچمدار سن

بعد ختم الانبیاء

عالمه معیار سن

جانوه جانلار فدا

امر و نهیه آشنا

ناطق قرآن سن

روح ختم الانبیا

یا علی المرتضا

خالقین سندن رضا

سن بیزی خشنود ائله

ارتضا سن ارتضا

عاجزم امداد ائله

هر مکاندا یاد ائله

چاره سیزلر چاره‌سی

دوت آلیمدن شاد ائله

کربلا هنگامه‌سی

غملیدور آلامه‌سی

شیعیانی آغلا دور

دشت و غم برنامه‌سی

(ناطقی) دیندیرگلن

گور نه ایستور وئرگلن

سن بحق فاطمه

قبر ائوینده گورگلن

در نعت مولود کعبه
و اشاره به شهادت امام حسین علیه السلام

ای همای اوج عزّت دیده بینا علی
شمع ایوان سعادت تاج کرّما علی

افتخار اهل ایمانسان صراط المستقیم
ای پناه بی پناهان عروة الوثقی علی
اون ئوچی ماه رجبده گوز آچوبسان عالمه
کعبه ده دنیایه گلدون یوخ سنه همتا علی
مثلوی گورمز زمانه ای ولیّ لأمکان
بیرده تولید ایلینمز مادر دنیا علی
عالم امکان وجودوندن اولوبدور بهره مند
سایه حُبّونده وار دور واثق الامضاء علی
کاتبان اهل عالم عارفان ماخلق
مات اولوبلار یازماقا وصفینده بیر معنا علی

جانشین مصطفی سن حجت پروردگار
 کسب فیض ایلوبدی سندن حضرت عیسا علی
 حافظ سرّ الهی کنز علم معرفت
 جان به کف اسلامه یاور فارس هیجا علی
 اولماسیدون عمره اولمازدی مقابل دهریده
 پرچم اسلام اولوبدور سنله پابرجا علی
 ضربه شمشیره مدیوندور هو حق دین
 صهر پیغمبر ولی خالق یکتا علی
 ذات پاکون معنویتله اولوبدور مُبتلا
 مِثلوی گورمز دوباره حشرهجه دنیا علی
 حبّذا ای وارث خیر الوری مولای دین
 قُل هُوَ اللَّهُ أَحَدٌ وار سنه ایماء علی
 سن بیل عبّاسین کسيلمیش آلری یا مرتضی
 قیل عنایتله نظر مولالره مولا علی
 آل آتوب دامانوه بو مجلس اهلی یکسره
 عیدیانه ایستروخ ای همسر زهرا علی

سالما گوزدن دوستانی ای امام عارفین
قبروین مُشتاقدور دنیاده یکسر طالبین

بهره‌مند اولماخ گؤزلدور مُلک دنیادن علی
کسمه لطفون حشریده کُلاًّ أَحَبَّادِن علی
عارفان و عاشقان ایستور برات کربلا
عیدیانه مژده‌سین وئر قانلو بیدادن علی
کربلا آدی گلنده گوزلر اشکیله دولور
ایلماخ تقدیر لازیم اهل ایفادن علی
آه او ساعتدن کسیلدی راه چاره زینبه
قان آخاند اگل وجوده قانلو سیمادن علی
وقتی که دگدی حسینون قلبینه بُرنده اوخ
قامتی دوندی کمانه جور اعدادن علی
سُرعتی حَدَّن اضا فیمیش کورکدن ویردی باش
آلدی آرامین همان دَم قانلی اعضادن علی

لنگره دوشدی آت ئوسته یارلی یورقون بدن
 دفن اولان یثرده یخلدی گیتدی یارادن علی
 ذوالفقاره باخدی حسرتله ئورکدن چکدی آه
 اولمادی دورسون توانی قالدی هیجادن علی
 حمله ور اولدی جماعت بیر امام ئولدورمگه
 گوزلرون زحمتله آچدی حال إغمدان علی
 شمر انصاف ائتمدی یاندیردی زینب قلبینی
 چکمدی ظالم خجالت قانلو سیمادن علی
 باشینی کسدی قفادن ویردی ظالم نیزیه
 ائتمه دی خوف خدای حیّ یکتادن ، علی
 (ناطقی) کوتاه گل بو باره ده طول ایلمه
 آغلادی زین العبا مقتلده ایمادن علی

**

*

زبانحال حضرت امام زین العابدین علیه السلام

دئدی بابا کسینل حنجره ئوزوم قربان
 یئر اوسته نشر اولونان پیکره ئوزوم قربان
 باشون بدنده دگل یادگار پیغمبر
 وجود اطهر و زیباقره ئوزوم قربان
 بوغازوین قانی هو حق یازوب تُراب اوسته
 بو خونِ لاله‌وش و احمره ئوزوم قربان
 صحیفه دل عشاقی یاندروب یاخاجاخ
 بو قانیله دؤشه‌نن بستره ئوزوم قربان
 گئجه کسوبدی بابا ساربانون آلروی
 بِلکدن آیری دوشن آلله ئوزوم قربان
 سالوبلا سندن اوزاخ با وفا علمداری
 کنار نهریده کی سروره ئوزوم قربان
 دل آچمیان بالاوا وئرمدی سو قوم دنی
 اولان نشانه اوخا اصغره ئوزوم قربان
 تمام یاریله انصاروه بو مأواده
 فدا اولوم یارالی اکبره ئوزوم قربان

اشاره به شهادت امیر المؤمنین علیه السلام

یاران جهاندا ساقی کوثر نلر دئدی
فخر الائمه روح پیمبر نلر دئدی

بعد از نبی کلید سعادت ولیّ حق
عصرین امامی ملّته رهبر نلر دئدی
سیمای عدل و هیکلی توحیدی جسمه جان
الله ولیّ سی رُتبه ده برتر نلر دئدی
معبود اوچون نشانگر علینون عبادتی
مقصودی عالی دینه مُجَدّر نلر دئدی
فانی ئوزون بُلر دی نماز ئوسته مرتضا
احسن خضوعه سجديه مَفخر نلر دئدی
آلنین قویوب تُرابه ولیّ امور دین
سبحانکه دلینده مُکَرّر نلر دئدی
گوردی علینی سجده ده چون آشقی الاشقی
قلبینده کینه بسکه بد آختر نلر دئدی

باش قوزیاندا سجده دن اول فخر الاوصیاء
 شمشیره آل آپاردی او کافر نلر دئدی
 حکم سزادی خالقہ احکام شرعه
 سُرعته وئردی تیغنه لنگر نلر دئدی
 یخدی ستونِ خانه ی ایمانی تُپراقا
 اولدی جمالی قائله احمر نلر دئدی
 فُزْتُ و رَبِّ کعبه بویوردی او مُقتدا
 آماله چاتدی حجت داور نلر دئدی
 باغلاندی بند بار قیامت او حالیده
 قاره یل آسدی مسجد و منبر نلر دئدی
 باش پارچالاندی ضربه شمشیر کُفردن
 احوالنی او نوعی گؤرنلر نلر دئدی
 امکانی اولمادی دورا محبوب لامکان
 گیتدی توانی خواجه قنبر نلر دئدی
 ناموس کبریا آل آتوپ باشد تاجینه
 سسلندی سس اوجالدی بُلنر نلر دئدی

ئولدوردیلر بو گون آتاسیزلار آتاسینی
 آغلار قالیب دوباره یتیملر نلر دئدی
 هیچ کیمسه نی الهی ئوزون ائتمه ناامید
 غملر غم اوسته دردی چکنلر نلر دئدی
 ظلمیله سولدی گلشن عمری ولی دین
 ناله اوجالدی اشک آلینلر نلر دئدی
 قُتِل علی صداسی دوتوپ شهری یکسره
 ناگه ائشیددی زینب مُضطر نلر دئدی
 گاهاً چخوبدی صحنه گلوب غملی منزیه
 مظلوم آتانی یولدا گؤرنلر نلر دئدی
 قارداشلارین چاغردی او دَم دُخت مرتضا
 اولاد بو تُرابه خبرلر نلر دئدی
 قالدی نه حاله زینب آتاسین گؤرن زمان
 گیتدی توانی غملری بیلمرّه نلر دئدی
 زینب نه زینب آئینه ی قلب مرتضا
 زهرا نشانی غملره مادر نلر دئدی

شمعین دولاندی باشنه پروانه تک خانم
 پَرلر آلیشدی شعله‌ی آذر نلر دئدی
 دَسَمال آئینده یاره‌سینه باخدی آغلادی
 دولموشدی بَسْکه قانله گوزلر نلر دئدی
 اَلْقَصَّه راحت اولدی علی رختخوابده
 آغوشه آلدی یارلی بستر نلر دئدی
 عالی وصیت ایلدی مؤلای انس و جان
 اَمّا دوباره فاتح خیبر نلر دئدی
 عَبَّاسیله حسینی وئروب اوردا آل آله
 لیکن گؤروبُلر ائتدی برابر نلر دئدی
 باخدی حسینه باخدی علمداره اَلْغَرَض
 آهی چکوب دِمادم او سَرور نلر دئدی
 گَندون حسین او گون منه عَبَّاس مُژده‌سین
 بو مُژده‌یاندور سَنه نوکر نلر دئدی
 آگاهدور علی جریاناته ماحصل
 زیبا خصاله لحظه دیگر نلر دئدی

بیر گون گُله قابخدا ابوالفضلیم اولمارام
 اوغلوم حسینیه اولگلا یاور نلر دئدی
 سال قولاریوی بوینما با هم قوجاخلاشاخ
 بس آغلادار حسینیه بو آللر نلر دئدی
 قورتاردی روزگار فنادن حیاتی
 اهل و عیالی آغلادی آخر نلر دئدی
 زینب حرمسراده آتاسین بیر اوخشادی
 بزم عزا قوروبلا گلنلر نلر دئدی
 بلمم نجه دوام ائلدی کربلاده بس
 حسرتله باخدی حالی مُکدّر نلر دئدی
 تاپدی نه حالیده او چوخور یترده قارداشین
 پروانه تک دولاندی ویروب پَر نلر دئدی
 دوندردی آرخاسی ئوسته او باشسیز جنازتی
 ایوای نه گوردی قطع اولوب آللر نلر دئدی
 نعشین کنارین آلدی نچه بُلبلان غم
 محنت غباری ئوزده حرملر نلر دئدی

بعضی دئدی یارالی سوسوز جان وئرن بابا
 نعشون یئر ئوسته غملیدی بی سر نلر دئدی
 بعضی دئدی سارالدی سولوب گلستانمیز
 باخدی فُراته عمّه اکبر نلر دئدی
 قسمت نَدَن سن اولمادون اولاد حیدره
 قانه بویاندی تشنه لب اصغر نلر دئدی
 بیر قیز دئدی بابا منی آل بیر کناروه
 باغیریم قان اولدی اودلودی سوزلر نلر دئدی
 آند اولسون اکبره بابا دشمن دویوب منی
 چارم کسیلدی شمر ستمگر نلر دئدی
 اود ویردلار خیام طهارت آلوالادی
 قیزلار داغلدی غمزده یکسر نلر دئدی
 سویقون چولار گئیردیله حمله اوشاخلارا
 چوخ ائتمه (ناطقی) سوزی اظهَر نلر دئدی



زبانحال یکی از دختران امام علی (ع)

ای دوشن معركة عشقده میدانه بابا
شمع سن قیزلارون اولموش سنه پروانه بابا

چاره سیزلر دولانور باشوه پروانه کیمی
یکسره جسم شریفون بویانوب قانه بابا
منِ مظلومه‌نی بیر لحظه سویندیر یارالی
طاقتیم یوخ بِلوسن آتش هجرانه بابا
بیر یانان خیمه بیزه وئردیله منزل گئجه‌نی
گلمدی بیرجه نفر شام غریبانه بابا
باش سیز آل سیز بدنون طاقتیمی آلدن آلور
یُرده قان بستر آچوب پیکری عُریانه بابا
سایبانه بِلوسن یوخدی گمانیم گئدورم
قالوسان آیرلورام بيله یانا یانه بابا

زبانحال حضرت زینب علیها السلام

«سینه زنی و زنجیر زنی»

زینب اولاً گوز یاشوه قربان حسینیم
اولسون گوروم بو عالمی ویران حسینیم

آرام جانیم روح روانیم
صبر ایله قارداش صبر ایله قارداش

یاندیرما زینب قلبنی آرام جانیم
محبوب حیّ لَمْ یَزَل روح روانیم
سن آغلیاندا قالموری تاب و توانیم

مُشکلدی صبر ائت گرچه بو هجران حسینیم

ای جان زهرا دلبنده طاها

روحیم غذاسی دردییم دواسی
صبر ایله قارداش صبر ایله قارداش

سن شمع سن زینب سنه پروانه قارداش
 شیر خدایه ای اولان دُردانه قارداش
 هاردا یئر آچدوز ناطق قرآنه قارداش
 قبرین ائدیدوز خلقدن پنهان حسینیم

دشمن جفالی ای کربلالی

ئولدوردی آشقی الاشقیا شیر خدانی
 محراب طاعتده حسین صبحون زمانی
 آلدن عزیزیم وئرمشوخ خیر الورانی
 بیرده آتام گلمز بیزه مهمان حسینیم

دنیا نی آتدی غُربته یاتدی

قربان اولوم قارداش سنه هم مجتبایه
 آغلاتما آغلار زینبی گلمه نوایه
 دور وئر تسلی سن ئوزون صاحب لویه
 ئوپ گوزلریندن ائتمسون افغان حسینیم

غملر یوراندور درده سالاندور

قارداش ئوزون آگاه سن بو ماجرایه
 سنله باجون زینب گئدر کرب و بلایه
 اوردا دوشر سن سیز باجون بس ابتلایه
 جدیم ائدوب بو مطلبی اعلان حسینیم
 طوفاندا قالام غمدن قوجالام

کرب و بلاده چوخدی غم ای زار مُضطَر
 دین اوسته اوردا دوغرانا شهزاده اکبر
 باش یاره سینده حیدر کراره بنزر
 بو مطلبی تصویب ائدوب منان حسینیم
 وار آله بُرهان قرآنه قربان

سلطان عاشورا غرض آماله چاتدی
 دین عشقنه آسایشین بِالْمَرَّةِ آتدی
 اکبر کیمی نورس جوان القانه باتدی
 زینب گُوروب عرض ائتدی ای وای جان حسینیم
 سبطِ پیمبر بس نولدی اکبر

فریاد و شیون قوزانوب خیمه سراده
 علّت نه اولدی اکبری گتدون عبادہ
 اکبر آناسی آغلیور آلر دعاده
 بی کسدی یول گوزلور گله آلان حسینیم

غربت مکاندی قارداش اماندی

قارداش او آغلار گوزلرون اولام فداسی
 أمّ المصائب آدلانوب زهرا بالاسی
 یاندیردی زینب قلبنی باشدا یاراسی
 آچمور گوژون یوخ دورماقا امکان حسینیم

قوی من دئیوم جان قلبون اولوب قان

جدّیم شبّیهی احمد مُختار ئولوبدی
 فرض ائتدیم آلان حیدر کرّار ئولوبدی
 محراب ایچینده محرم اسرار ئولوبدی
 شمشیر کین باشین بولوب دالان حسینیم

اعضاء یارالی ای کربلالی

یاندیرما قارداش قلیمی چوخ یانه یانه
 گوزدن اولور رُخساروه اشکین روانه
 زینب باجون قربان اولا اکبر جوانه
 پاداشوی وئرسون ئوزی مٔان حسینیم

دینون فداسی زهرا بالاسی

ای (ناطقی) بو مطلبه بانی (علیپور)
 اولدی ، اولسون دنیا بویی دارینی مأجور
 بیتوته حالینده گئجه شعر اولدی مَسْطور
 زینب دلیجه ده سنه قربان حسینیم

صبر ایله قارداش صبر ائله قارداش

*

زبانحال حضرت زینب علیها السلام

بو قدر گلمه گِلَن آه و زاره صبر ایله
اندوبله اکبروی پاره پاره صبر ایله

او آغلیان گؤزوه زینبون اولا قربان
مِخَن اگرچه سالوبدور حصاره صبر ایله
بویون بلاسین آلیم کربلا غریبی حسین
توگُل ایله گلن کردگاره صبر ایله
تحْمُل ایله داریخما باجون سنه قربان
آماندی سالما وجودون فشاره صبر ایله
امید آل علی یادگار پیغمبر
گوز اشگینی آلمه گُلْغُذاره صبر ایله
خدای لَمْ یَزَل ائتسون قبول قربانون
یانان ثورکلره ویرما شراره صبر ایله

بو دوغراناں بدنه گوزلریم اولا قربان
 ائدوبله ظلم بئله آشکاره صبر ايله
 منای عشقده قربان اولوبدی قرآنه
 اگرچه ظلم اولونوب جائثاره صبر ايله
 آتام علی کیمی باشند یارالانوب اکبر
 آلوب قرارینی بو باشدا یاره صبر ايله

قطعه

به زبان مادر حضرت علی اکبر علیه السلام

گلدیم یارالی باشوین ئوسته دایانماقا
 سن تک ئوزومده قرمزی قانه بویانماقا
 قزلار سزیداشور سنه بیکس آتان باخور
 قوی منده آغلیوم داخی گلمز اوتانماقا

در نعت مولا امیرالمؤمنین علیه السلام
« آهنگ امام علی علیه السلام »

أَسُوهُ تَقْوَىٰ وَالِي وَلَا وَاَرِث طَاهَا عَلِي
آیت مَنَّا مَنشأَ اِيْمَانِ عَالَمِهِ مَوْلا عَلِي

« وَاَمِير »

حَجَّتْ لَمْ يَزَلْ سَن يَا عَلِي
هر گؤزللردن گؤزل سَن يَا عَلِي

زینت منبر رُتبه‌ده برتر ناطق قرآنسان
خصم ستمگر فاتح خیبر خسرو خوبانسان
خواجۀ قنبر ساقی کوثر مالک رضوانسان
بذلیده بینا مطلبه دارا درده مُداوا عَلِي

« وَاَمِير »

یا امیرالمؤمنین یا عَلِي
یا شفیع المذنبین یا عَلِي
صبح دَمیده قَدّی خمیده مَحْرَم اسرار عَلِي
ذکر دعاده رنگی پریده تَغِیر رُخسار عَلِي

حمد و ثناده مُلکِ ولاده سویملی معیار علی
 راشد راهیم فوز فلاحیم روح مُصلاً علی
 « و امیر »

مرآت حق نما سن یا علی
 هر درده آشنا سن یا علی
 سایه‌ی رحمت صدق و صداقت رمز تولائی
 بحر شکوبا دمه مسیحا علمده بیتائی
 متن امامت همسر زهرا نور تجلائی
 مُرشد عرفان حاصل معنا حلّ مُعماً علی
 قربان اولوم دلده کی صبریوه
 ایسته گلاخ مولا جان قبریوه
 شمع حیاتیم راه نجاتیم قبله رازیم علی
 ورد زبانیم امن و امانیم زیب نمازیم علی
 عون ضعیفان واقعی عنوان اُمّته لازیم علی
 سالما نظردن قوما قاپوندان هر ایکی دنیا علی
 مولا جان دئمیرم (ناطقیم)
 لطف ایله سوزی شایسته دییم

میلاد با سعادت حضرت امام حسن علیه السلام

صحیفه دل عَشَاقه نقش اولولار حَسَنات
صفا سی وار اوخویاخ عاشقانه بیر صلوات

گؤزللرین گؤزلی ابتداده بسم الله
اوخونسا لذتی وار هر دعاده بسم الله
نتیجه بخشدی بس فوق العاده بسم الله
سفر عشقیدی اخلاص تویله دنیاده
عقیده سی اولانا رهنمادی عَقْباده

تمام مَخْلَقَه رهنمادی بسم الله
ضمایری هدفه آشنادی بسم الله
اوخی خلوصله متن دعادی بسم الله
بئینده پرده لنوب رمز راز مَنّانی
باخ ابتداده گؤزلندیروبدی قرآنی

بو آی بیر آیدی یاغور رحمت خدای وودود
 آچویدی سفره احسانی خلق اوچون معبود
 نتیجه بخشیدی دارینده اولان مقصود
 کنار سفره ده پاکیزه اول تبارکدور
 علی ولیّ خدایه دیاق مبارکدور

یتشدی حدّ بلوغه اوجالدی ماه صیام
 سعادتِ ابدی گورسنور بو آیدا تمام
 قدم جهانیه قوبدور امامین اوغلی امام
 تفاخریله دیاخ عاشقانه عشق اولسون
 گل اوسته گل یارادان جاویدانه عشق اولسون

امام حسن قدمین قویدی دار دنیایه
 ولایت اهلنه بو بایرام اولدی سرماییه
 رسول اکرمون امرین قویوبلار اجرایه
 صفالی گلشنه باخ تازدهدن صفا گلدی
 که یعنی عالم امکانه مجتبا گلدی

گيترديلر بالانى ختم مُرسلين ياننا
 عزيز فاطمه‌نى نور اوّلين ياننا
 شفيع روز جزا جان عالمين ياننا
 نظر بودور قويولا آد امام مُمتحنه
 گؤزلى گل آچلان وقته گلشنه چمنه

رسول اکرم او نوزادى آلدی آغوشه
 وصی شیر خدا جدّينه جگر گوشه
 فؤاده ختم رسالتدی پُر ثمر خوشه
 اذان اقامه‌ئيلن آد قويوب او مؤلوده
 سلام اولا شه کونينه صاحب جوده

خبرده وار ايکي قوچ کسديروب عقيقه وئروب
 بو سُنتی شه دين اُمته طريقه وئروب
 خدای عزّوجلّ بخشيشی خلیقه وئروب
 بير آز پولیلا بودون گوندرودور آسمایه
 امام حسن آقاما بو خانم اولوب دایه

یوزه گوزون یاشی آخدوقجا گوز یاشین ئوپدی
 کمال معرفتی اوچده قاشین ئوپدی
 بیر آیری حاله قالیب قلبنین باشین ئوپدی
 شکوفه چمنه عارفانه بیر باخدی
 ائدوبله ثبت تواریکه گوز یاشی آخدی

سوروشدی مطلبی اسماء زعیم اُمتدن
 نتیجه ایستدی آلسون امام رحمتدن
 دئدی ئورکلر آقا شاد اولور مَسَرَتدن
 نه علته بو گل گلستانوه یانوسان
 آتام آنام سنه قربان ئورکدن اودلانوسان

بویوردی سرور دین بیر گونی گلر اسماء
 ئورگینون باشنی تیر غم بولر اسماء
 بو نوگل چمنیم ظلمیله ئولر اسماء
 مریض اولار بو سوزی بُلَمَسون اوغول آناسی
 نه حاله بس قالاجاخ روزگاردده بالاسی

بلالریله اولوب روبرو آز عمرونده
 ائدوبدی خدمتی آئین احمدی زنده
 قُصور ایلمیوب ذرّه خطّ سیرینده
 آچوپدی پرچم اسلامی پایدار ایلدی
 او صلح سازشِلن دشمنانی خوار ایلدی

گئجه گونوز واریدی دشمنی سوراقینده
 یئتوردی قتله غرض همسری اُطاقینده
 باخوبدی ساق صولا جان ئوسته قان دوداقینده
 امام حسین یتشوبدور باشین آلوب دیزینه
 تَکوبدی گوزلرنی قارداشین دولان گؤزینه

آلی ئورکده گلیب آه و زاره بیر باخدی
 اوتوردی حسرتلن بیقراره بیر باخدی
 توکوبدی گوز یاشنی کم بهاره بیر باخدی
 چتیندی مسئله رنگی شریفی چوخ سارالوب
 قرار طاقتینی زهر کین آلیندن آلوب

بویوردی آغلاما سن گوزلرون فداسی حسین
 شهید کرب و بلا فاطمه بالاسی حسین
 منی بو حاله سالوب دشمنون جفاسی حسین
 آلیوی وئر آلیمه روحیم آیرلور تندن
 آنام بتوله قسم دویمادیم حسین سندن

شرار محنتله قلب زاری داغلادلار
 امام حسن گؤزوننی جان وئرنده باغلادلار
 کسیلدی چاره یولی چاره سیزلر آغلادلار
 بیر دئدی بو غمون تیری قلبمی بۆلدی
 بیر دئدی یانورام قارداشیم جوان ئولدی

بیر دئدی اولاجاخ خوار مجلس یاسیم
 بیر دئدی آتاسیز قالدی احمد و قاسیم
 بیر دئدی آلی قوینوندا آغلور عبّاسیم
 بیر دئیوردی گلون عون جعفر و فضلیم
 بیر دئیوردی بئله آغلاما ابوالفضلیم

سيلوبدی زينب مظلومه قانلو لبلرینی
وئرنده جان باجیسی باغلیوبدی گوزلرینی
وئروبله غُسل مزاره قویوبلا پیکرینی
بیر آیری مسئله بوردا قراریمی آلوری
کنار نهريده عبّاسی یادیمة سالوری

بو نوعی ثبت ایلئوبلر یاراسی چوخ چوخودی
آلان قرارینی آلدن سه شُعبه لی اوخودی
آت ئوسته فارس هیجانون آلری یوخودی
او حالیده ئوزونی خیمه گاهه دوندردی
حسین بیکسه اوردان سلام گوندردی

سلام اولا سنه ای عالمین پناهی حسین
اماندی ایله گلن ترک خیمه گاهی حسین
گؤزومده اوخ یر آچوپ قطع ائدوب نگاهی حسین
دئمم ئورک قریلوب بند بندیدن آسدی
بو ساق گؤزوم سنه قربان صولوم منه بسدی

دوشوبدی لنگره پرچم هرایه قارداش گل
 دفاع یوخومدی آلوبلار آرایه قارداش گل
 آنام بتول گلوبدور عزایه قارداش گل
 خیامه گل مگه امکانی یوخ آلیم بوشدی
 ولی حسین منی زهرا آنام سنه قوشدی

عزیز فاطمه باشیم قالوبدور آلرده
 یوبانما یوخدی توانا یارالی پیکرده
 نلر اولوب اولاجاخدور بو قانلو بسترده
 بو قدری (ناطقی) آچما سوزی کفایتدور
 کانه دیه سن زینبه قیامتدور

*

زبانحال حضرت امام حسن علیه السلام

«سینه زنی و زنجیر زنی»

اَکَلَشْ کَلَن یَانِیْمِدَا گیتمه کناره قارداش
ایلوم سنه وصیت یوخ درده چاره قارداش

زهره قونا قیم من باغریم دؤنوبدی قانه
سخت اولدی جدیم ئولجک اولادینه زمانه
ظالم آنام بتوله ویردیردی تازیانه
غمغر ائدوب احاطه گلمز شماره قارداش

آفت یئتوب ائویمده عمروم بهاری سولدی
ای کربلا غریبی قلبیم غمیله دولدی
بیگانه لر بِلَنِمَز قارداشوه نه اولدی
اسماء خیانت ایلوب بو دلفگاره قارداش

یوخ قدر تیم بدنده قارداش دورام ایاقه
دشمن وسیله سیله گلدی آجل سوراقه

چوخ حسرتیله باخما قانه باتان دوداقه
الآن دوشوبدی روحیم غمدن فشاره قارداش

قارداش سنه بلورسن بس واردور اشتیاقیم
واضح سنی سالاندور درد و غمه فراقیم
باخ رنگمه گؤرمیش گلرنگ اولوب دوداقیم
اولموب نصیب خوش گون بو کم بهاره قارداش

آبادمه ویروب اود زهر جفا حسین جان
مندن سورا سنوندور سان سیز بلا حسین جان
آخر سنی قوجالدار بیر ماجرا حسین جان
بیر گون گلر گؤررسن جیسمونده یاره قارداش

غملر سنوندی صبر ائت کرب و بلا غریبی
خلاق ذوالجلالین ای سوکلی حبیبی
بیر سینمه آلین قوی امراضلر طبیبی
اولدی تسلی تاپسون دل پاره پاره قارداش

پیغمبرین عزیز زهرا بالاسی سنسن
 کرب و بلا چولونده دینون فداسی سنسن
 باخ بیر باخیم دویونجا روحیم غذاسی سنسن
 گرچه چکور دمام قلبیم شراره قارداش

جدیم خبر وئروبدر قانلو منا سنوندور
 یتمش ایکی شهید پُر مُحْتُوا سنوندور
 سلطان کربلا سن صاحب لوا سنوندور
 زینب باخار سیزیلدار شاهین شکاره قارداش

ای حَجَّتِ اِلَهِی جانِ جهان حسینیم
 غربت ولایت ایچره یالقوز قالان حسینیم
 عبّاسنون غمینده قَدّی کمان حسینیم
 قارداشوی حلال ائت گورمَم دوباره قارداش

صحن سرای حقّه غم کاروانی گلدی
 انسانی هر دقیقه تعقیب ائدن اجلدی

درده دگن ٹولن گون قارداش صحیح عملدی
 بلسونله یوخدی امکان چاره قراره قارداش

تجدید عهد ائدیم قوی جدیمله ای یگانه
 اولمام رضا سن اولما قانلار اولار روانه
 دفن ائتمه اوردا قارداش گر ائتسلر بهانه
 ئوز دوتگلان صبور اول پروردگار قارداش

آرام جان زهرا گلمز محن شماره
 قیتر بقیده دفن ائت چوخ گلمه آه زاره
 قویما آتا ابوالفضل آل تیغ آبداره
 حتی ئوزون آپارما آل ذوالفقاره قارداش

مُشکل گشانون اوغلی مُشکل گشا حسین جان
 سالدی منی آیاخدان زهر جفا حسین جان
 مدّاح (ناطقیدن) بس اول رضا حسین جان
 نوکردی لطفون اولسون ایله نظاره قارداش

زبانحال حضرت زینب علیها السلامبه امام حسن علیه السلام

«سینه زنی و زنجیر زنی و جوشی»

سولان رُخساروه قربان حسن جانم حسن جانم

دانش گفثاروه قربان حسن جانم حسن جانم

منی یاندرما هجرانه

قالار زینب یانه یانه

یانار زینب فراقوندا

دور و بدور قان دوداقوندا

سنه نولدی اُطاقوندا

ائله اظهاروه قربان

حسن جانم حسن جانم

بلایه توش اولوب باشیم

آخور رُخساره گوز یاشیم

دانش ایستکلی قارداشیم

غمین پَرگاروه قربان
حسن جانم حسن جانم

گوژروب صدمه گل و گلشن

سنه ظلم ایلیوب دشمن

دلون قربانیم دللن

دۀنن اسراروه قربان

حسن جانم حسن جانم

ئولونجه وار غم اجلاسیم

یتیم اولدی بالان قاسیم

یانور غیرتلی عبّاسیم

قالان آثاروه قربان

حسن جانم حسن جانم

گلستانه خزان آسدی

قرار صبریمی کسدی

قالان گُللر که نارَسدی

گُل و گلزاروه قربان

حسن جانم حسن جانم

غم آلامه توش اولام

سارالام غُصَدن سولام

بهار ایامی تک دولام

گوژل ایثاروه قربان

حسن جانم حسن جانم

گئدوب آرام جان قارداش

اولور اشکیم روان قارداش

گوژل قارداش جوان قارداش

گئدن یولاروه قربان

حسن جانم حسن جانم

گئیوب سن رخت عَقَبانی

گوژون آج گور آجَبانی

سنی زهرا آنام جانی

وصال یاروه قربان

حسن جانم حسن جانم

حسن محبوب یکتا سن

مُسَلِّم روح طاها سن

عزیزیم جان زهرا سن

گوژل زوآروه قربان

حسن جانم حسن جانم

ئولونجه (ناطقی) آغلار

عُذار گوز یاشین باغلار

غمونده سینه‌سین داغلار

در و درباروه قربان

حسن جانم حسن جانم

سلام بر مولا امام حسن علیه السلام

سبط اکبر وارث طاها سلام اولسون سنه

زیب منبر منشأ تقوا سلام اولسون سنه

قبر پاکی گون قباقینده قالان پژمرده حال
یادگار حضرت زهرا سلام اولسون سنه
عاشقم دیداروه آند اولسون اسلامیتّه
محضرونده عرض ائدم طوبا سلام اولسون سنه
سالما گوزدن حضرت زهرايه خاطر دعوت ائت
ای امام مجتبا مولا سلام اولسون سنه

قطعه

قدرت نطق گرک حیّ توانادن آلاخ
رمز اخلاص پیمبر کیمی مولادن آلاخ
ساغر معرفتی وئرسه علی لذتی وار
اوخویاندا گوژلیم رخصتی زهرادن آلاخ

در مُصیبت حضرت امام حسن علیه السلام
 « و اظهار ارادت به حضرت زهرا علیها السلام »

سلام اولاً حسن مجتبیاه زهرا جان
 سلام اولاً غمی چوخ مُبتلایه زهرا جان

سلام اولاً بالاوین دوغراناں جگرلرینه
 اماندی ایلمه بیزدن گلایه زهرا جان
 امام حسن آدنا بزم غم قورانلارا باخ
 توجّه ائتگله ماتم سرایه زهرا جان
 رضایتون اولاً بو غمده آغلیانلاردان
 سرشک غالب اولار کیمیایه زهرا جان
 سنی قسم وثریروخ اوغلووین مَصائبینه
 عنایت ایله ئوزون گل عزایه زهرا جان
 گلن قدملروه روحمیز اولاً قربان
 وار احتیاجمیز آل عبایه زهرا جان
 چراغ معرفتی جُعدّه ایلوب خاموش
 آلین آچوپ ستمِ نارَوايه زهرا جان

وفاسیز اولدی وئروب زهر روح طاهایه
 بالان گلایه ائدوب بی وفایه زهرا جان
 دولاندی ظاهرأ حالی دوشوبدی طاقتدن
 تحمّل ایلدی بس هر بلایه زهرا جان
 جگرلرینده اثر قویدی سوده الماس
 حزین حزین گیتروب غم صدایه زهرا جان
 چاغردی زینبی امداده گل باجی ئولورم
 سن اولمادون چاغریدی هرایه زهرا جان
 سودان کناره دوشنده بالخ نه حاله قالار
 ئوزونکه عالمه سن ماجرایه زهرا جان
 بالان تمایل ائدوب ساق صولا او حاليله
 روادور عرض اولونا گل نوایه زهرا جان
 یازولا رنگی گورمیشدی آبلیدی بدن
 گورنده زینب آچوب آل دعایه زهرا جان
 الهی قارداشیما وئر شفا گئدور آلدن
 یانوب همان باجی مظلوم آخایه زهرا جان

یومولدی گوزلری باشی حسین قوجاقینده
 بالان مسافر اولوبدور بقایه زهرا جان
 اوشاقلارین قویوب آغلار گئدوبدی دنیادن
 اوجالدی شیون و ناله فضایه زهرا جان
 وئریلدی غُسل کفن اولدی یولاًنوب تابوت
 خبر وئروبله گلیب بی‌حیایه ، زهرا جان
 حیاسیز عایشه یاندیردی قلب طاهانی
 عداوتین یئتروب انتهایه زهرا جان
 مدینه یوسفنی تیره ائتدروب آماج
 ترخّم ائتمه‌دیله آشنایه زهرا جان
 قالوبدی گونلر ائوینده امام حسن قبری
 هزار حیف ائدوبلر کنایه زهرا جان
 سنون آدونلا تاپوپ اشتهار بو هیأت
 دئیولّه دعوت ائله کربلایه زهرا جان
 قوتاردی (ناطقی) عمرون جوانلقون گیتدی
 ده عاجزانه نظر قیل فنایه زهرا جان

زبانحال درباره کوچ از مدینه

« سینه زنی ، زنجیر زنی ، شور »

مدینه شاهد اولگلان یول اوسته کاروان گئدور
 وطن غریبی دربدر امام انس و جان گئدور

ندور دلیلی بلمورم گئجه زمانی آیرلور
 اثرلیدور بو ماجرا جهانہ شور شین سالور
 فقط بو دودمانده مریضه بیر خانم قالور
 گوز اشکی آه و زاریلن اولور ئوزه روان گئدور

گئجه آرایه ظلمتین سالوب فضا سی غمِلی
 دلینده ذکر مُنجلی گئدور دعاسی غمِلی
 گلور خیاله دمبدم که ماجراسی غمِلی
 هزار حیف حیف اولا زعیم عارفان گئدور

مدینه اهلی بلموری سفیر انبیاء گئدور
 ویریلدی کوچ الرّحیل فؤاد مصطفی گئدور

امیر عاشقان حق بلایه مُبتلا گُندور
 آنور غبار غم یثره بهار گلستان گُندور

چخوبدی دودماندن کناره فاطمیّه‌لر
 نظام انتظامیه یول اوسته عازمیّه‌لر
 سفر تدارکین گُوروب تمام هاشمیّه‌لر
 قاباخدا رهروان حق شتابیله چخان گُندور

ابوالفضل آلهه پرچمین آچوبدی بس وقارلن
 علی قزی آتور قدم جلال و افتخارلن
 نئجه جوان هاشمی یمین و هم یسارلن
 کمال احتراملن اولوبلا پاسبان گُندور

سبب ندور که نصف شب دوشوبدی کاروان یولا
 امید عارفان گُندور بُلن چوخ آزدی حیف اولو
 الهی یتمسون بلا رَسا بویا اوزون قولا
 بو ماجرا آسفلدور گُندنه ناگران گُندور

بو آیرلوخ سالاندی بس جهانہ شور و لوله
 گؤزتلیور حسین یولون سَنان و شمر و حرمله
 یتشدی بیر مقامه ایش خلاصه تاپدی فیصله
 دوشوبدی قتلگاھده تُرابین اوسته قان گئدور
 دوشوب نَفَس شماریه ئورک یارالی قان وئرو
 همان او وعده گاهدور قم اوسته امتحان وئرو
 دینکه یوخدی رحم ائدون سوسوز یارالی جان وئرو
 توانی یوخدی دورماقا گلن ویرور ویران گئدور
 صفالی گُلستانه آسوبدی صرصر خزان
 تُرابین اوسته سجدهده دوشوب یارالی باغبان
 سولوب طراوتی چمن گئدوب فنایه سازمان
 آچاندا قانلو گوزلرین او بیکسه باخان گئدور
 الهی بس نصیب ائله حرمسرایه یول سالاخ
 ئوپک حسین مزارنی حضوری امتیاز آلاخ
 گداق او یئرده (ناطقا) نچه گجه گونوز قالاخ
 حسینه کیم عزا دوتا ئولنده شادمان گئدور

زبانحال درباره کوچ از مدینه

«گفتگوی امام حسین علیه السلام با حضرت صغری علیها السلام»

وطنده قویمادی دشمن عزیز زهرانی
کسیلدی چاره‌سی آغلار قویبودی صغرانی

گلیب عیادتی صغرایه سید الثقلین
گوره عزیز قزین آیرلور امام حسین
نه حالیدی که بلمم مریض دل خسته
اوتوردی یا دورا بلدی خانم آیاق ئوسته

سلام ائدوب شه گردون وقاره بیر باخدی
مسلماً ئوزه گوز یاشی غصّه دن آخدی
دئدی بابا دیه سن وار مسافرت نظرون
گوروم مبارک اولا گتدیگون یولون سفرون

بویوردی گیتملیم مشعر و منایه طرف
مسافرم گتدیرم دشت کربلايه طرف

دئدی بابا منی نالانی دیده تر قویما
 ترخم ایله آنام یوخدی بی پدر قویما
 ثورک باشین بابا جان تیر غم بُلر گیت سن
 توانی یوخدی گلینجه قزون ثولر گیت سن

منی کیمه ده گوروم واگذار ائدوب گئدوسن
 نه علته بابا غم بسترینده ترک ائدوسن
 بویوردی آچما سوزی آه و زاروه یانورام
 سنی عزیزه قزیم کردگاره تاپشورورام

سزادی حمد بابا کردگاره کافیدور
 خدا آدی بُلورم هر مریضه شافیدور
 شفا وئرر بابا البتّه تاپشور اکبریمه
 دئیوم ثورک سوزونی نور دیده تریمه

بویوردی محضر جانانده روا اولماز
 عزیز قارداشون هیچ وقت آتادان آیریلماز
 بزکدور اکبریم اورنگ مصطفایه قزیم
 شبیه اولار یاراسی باشد مرتضایه قزیم

شفا تاپارسان عزیزیم دارخما صبر ايله
 داليجا باخما يولا گلمه آه وايه قزيم
 گئدور اوزاخ سفره کاروانميز يولدا
 وطنده قالماليسان ايلمه گلايه قزيم
 منای عشقه گئدور منله اکبریم صغری
 یوخومدی چاره نئدیم غملی ماجرایه قزیم
 دوباره دن قوی ئوپوم نازنین دوداقلاروی
 مسافرم يولا سال آل گوتور دعایه قزیم
 دهئن الهی بابامدان حمایتون کسمه
 گئدور اوزاخ سفره گلمه چوخ نوایه قزیم
 دئدی بابا منی تاپشور عموم ابوالفضل
 دئدی نیاز واریم صاحب لوایه قزیم
 ابوالفضل اولماسا دشمنلریم امان وئرمز
 اودور جواب وئرن قوم اشقیایه قزیم
 ابوالفضل اولماسا قائلو منانون ارزشی یوخ
 گرکدی منله گئده دشت کربلايه قزیم

ابوالفضل اولماسا بو کاروان دوشر لَنگه
 بابان تکوب گوژون اول مرد باوفایه قزیم
 یازوب قضا قلمی کربلا دیارینده
 عدو آلیله یئتر ظلم انتهایه قزیم
 رُبَاب و اصغر و لایلا سرّیه قاسمله
 یول ئوسته تاپشورورام من سنی خدایه قزیم
 آیاقه دورما آسور دیزلرون خداحافظ
 گَـلَر خلاصه آله آخر اطلایه قزیم

روادی بیله دئسون اکبری ئولن صُغری
 اوره گنین باشینی تیر غم بولن صُغری

ترحّم ایله منِ دلفگاره گیتمه بابا
 سنی قسم وئوروم کردگاره گیتمه بابا
 عزیزلگیم گئدور آند اولسون اکبرین جاننا
 ئولونجه بس گلرم آه و زاره گیتمه بابا
 کیمه پناه آپاریم ای پناه عالمیان
 اولور قزون بُلوسن قطع چاره گیتمه بابا

دیزیم آسور آياقا دورماقا توانيم يوخ
 وار احتياجيم الان دستياره گيتمه بابا
 آنام ئولوب آناسيزلوخ ئوزى يامان دتدور
 آزلدن اولدى قزون بختى قاره گيتمه بابا
 بئله خيال ائدورم عمرمون آواخريدور
 ئوزون آلونله منى قوى مزاره گيتمه بابا
 مصائبون من محزونى غصّه مرگ ايلر
 او نوعى غملره ائتدون اشاره گيتمه بابا
 کانه ديه سن روحيم آيرلور تندن
 آسور خزان يلى گويا بهاره گيتمه بابا
 سوزى بو يرده قوياخ کربلا سوزون دانيشاق
 بير آيرى قز دئدى گل کارزاره گيتمه بابا
 حيات ميز سنه وابسته دور بو صحرا ده
 گئدن قيتميرى سالم دوباره گيتمه بابا
 غبار غم گؤرونور اگلشيب جمالونده
 سيلم يئتشمير آليم گلغذاره گيتمه بابا

او قانلو آللروی چک رُقیتون باشنا
 نوازش ایله گِلن زُلف تاره گیتمه بابا
 مُخَدَّرَات حرم دختران زهرادور
 باخولّا حسرتلن چک کناره گیتمه بابا
 نَدَن شتاب ائدوسن ای اُمید آلّ الله
 عنایت ایله بو خُرد و کُباره گیتمه بابا
 سالوبلا قارداشووین عرصه گهده قولارینی
 ائدوبله اکبروی پاره پاره گیتمه بابا
 ترَحَم ائتمه دی اعدا دل آچمیان بالاوا
 آلونده قانه باتار شیرخواره گیتمه بابا
 آلاندا نعشینی سندن بی بیم باخوردیم من
 نه حاله قالِمِشْدی اول ستاره گیتمه بابا
 بوغازینی ائله بیچِمِشْدی اوخ چخیدی گؤزوم
 یانور یانان ثوره گیم زخمدا ره گیتمه بابا
 ذبیح اولان قوشا بنزوردی اصغرون بوغازی
 گئتوردی قلبمی درده او یاره گیتمه بابا

بولاردا رحم اثری یوخدی ئولدورلّه سنی
 که گلمییدون او گون بو دیاره گیتمه بابا
 اوتور یئرہ دولانوم باشوه چو پروانه
 یانیم توجّه ائله خاکساره گیتمه بابا
 ائشیدمشم باشا دونمک بلانی دفع ایلر
 قویوم سولان ئوزی بو ریگزاره گیتمه بابا
 آلیوی چک باشیما آیریلیق یامان دتدی
 سالور بو چولده بیزی غم حصاره گیتمه بابا
 آتوپدی (ناطقی) آل دامن ولایتوه
 وئرندہ جان باشی اوستن کناره گیتمه بابا

*

زبانحال حضرت صفرا علیہ السلام

«سینه زنی ، زنجیر زنی»

ہاردا سان اکبریم ، یولدادور گوزلریم
قارداش مریضم ، یوخدور توانیم

قارہ بخت اولموشام غملیدور بستریم
گل دوت آلیمدن آرام جانیم
سولام سارالام گل دادہ قارداش
زہرایہ خاطر سال یادہ قارداش

گئدوب سن عراقہ دوشوب سن اوزاقہ
قارداشیم وطنده توش اولدوم فراقہ
ہجر آتشینده یاندیم آلشدیم
اودلاندى جسمیم تبّدن چالشدیم

آدیندور ازبریم اودلیدور سوزلریم
قارداش گل بویووا قرباندور گوزلریم
سالدون غمونده درد و بلایہ
حقیم وار ائتسم سندن گِلايہ

صبرمی آما گل اوزخدا قالما گل
مریضم اکبریم محنته سالما گل

سنسن علیجان روحیم صفاسی
وار گلمه گونده الله رضاسی

دردسرلی باشیم جاریدور گوز یاشیم
ایستورم ئولمه میش گل گوروم قارداشیم

غربته قالدون اولدوم غریبه
وار احتیاجیم قارداش طبیبه

سن منیم طبییم واقعی حبیبیم
مُشگلدن قوتولام اولسا گر نصیبیم

دردیم تاپاندور اوندا مُداوا
مُشتاقوم بس ای روح زهرا

نِسْگلیم چوخدی گل بیر کسیم یوخدی گل
حالمی یوخ بُلن دردیم آرتوخدی گل

اولدی فراقون طولانی قارداش
یادان چخاتدون صغرانی قارداش

قلبمه قان دولوب گلشنیم بس سولوب
هارداسان یوخ خبر سنه بلمم نولوب
یازدیمدا نامه گلگیر جوابی
یازسان جوابین چو خدور ثوابی

سن منی آتموسان یادان چخاتموسان
علتی ندور بس ئوزگیه قاتموسان
هایاندا قالدون ای ماه انور
ئوللم گلینجه شهزاده اکبر

عاشقم خویووا باخیدیم بویووا
اولسیدی توانیم گلردیم طویووا
شرمنده اولدوم قارداش وطنده
ایکاش اولدیم دشت و دمنده

گوگُلومی آلان یوخ یاده سالان یوخ
آند اولسون اصغره حالیمه یانان یوخ

بوش ائوده سن سیز نالیه گَللم
اولدی یقینیم قارداش سیز ثوللم

افتخاریم علی اعتباریم علی
سَنیلن گندوبدور بس وقاریم علی
(ناطقی) ایستور بیزدن نتایج
عبّاس عمیمدور باب الحوائج

اوخشاما

قارداش غمی یاماندی

گوزوم یاشی رواندی

منی سالما نظردن

آتام اوغلی اماندی

زبانحال حضرت صفرا علیه السلام

گنجه گونوز گلورم آه و زاره قارداش گل
گوزوم قالب قاپودا یوخدی چاره قارداش گل

اولوبدی قطع امیدیم وصاله چاتماخدان
ترحم ائتگله بو دلفگاره قارداش گل
چخاتما یاددان علی دل شکسته صغرانی
غم ئوسته غم یارانور اشکباره قارداش گل
عزیزلگیم یالان اولدی وطن بوجاقینده
سنی قسم وئورورم کردگاره قارداش گل
باجون مریضه دور آند اولسون اصغرین جاننا
ئوزون چکنمیری غمدن کناره قارداش گل
بئلنمیرم صود آمر قارداشیم هایاندا قالب
گوژومده جلوه‌نور شیرخواره قارداش گل

اوّل ماه محرم الحرام

تمام عالمه روشندی کبریای حسین

مقام عزّته باخ خلق خاکپای حسین

حقیقته گوّره هر بیر زادیندان آل چکدی
 جهانہ ائتمدی بس ذرّه اعتنای حسین
 فدا اولوم آدنا امتیازی وار آقامون
 گوّگولده جلوه‌لنور شوق کربلای حسین
 قوروبلا مجلس ماتم عزیز زهرايه
 گلوب مُحَرَّم آیی باشلانوب عزای حسین
 ووروبلا کوچه و بازاره قاره پرچملر
 آچوپدی منظرلر غم گلور صدای حسین
 وطنده قویمادی دشمن عزیز زهرانی
 مصمّم اولدی چخوب واردی ماجرای حسین

مینوب ئولوم آتنا یادگار پیغمبر
 بلون رضای خدا دور همین رضای حسین
 غبار غم بورویوب کاروانی یولاردا
 یاخونلاشور ئولومه تک به تک فدای حسین
 وئروب ادامه یولا کاروان کعبه عشق
 تلاش ائدور یته مقصوده اقربای حسین
 وطن غریبی گلور وعده گاه جانانه
 قاباخدا پرچم آچوپ صاحب لوای حسین
 یتشدی مسلخ عشاقه کاروان آلم
 قورولدی کرب و بلاده حرمسرای حسین
 ازله قانه باتان کیمدور آل هاشیمدن
 شبیه ختم رسالتدی مهلقای حسین
 عدالت شه گونینه بو کفایتدور
 اجازه ویردی گئدوب جنگه دلربای حسین
 علی اکبری گوندردی قانلو میدان
 دوشنده تپراقا آلدن دوشوب عصای حسین

گورنده اکبرینون پاره پاره پیکرینی
 خوب محاسینون اسلاتدی اشکهای حسین
 دیزینده اولمادی طاقت سقوط حالینده
 آت ئوستن آندی گئدوب جسمدن قوای حسین
 سوروندی یدّی قدم نعلش اکبره چاتدی
 خبرده وار قالیب آز قطع اولای صدای حسین
 یارالانان باشی جان تک باسوبدی سینه سینه
 اوجادان آغلادی بس غملیدور بُکای حسین
 بویوردی گوزلرون آج عمرمون حیاتی اوغول
 جواب وئر اوجالور دمبدم نوای حسین
 خزان اولان گله بنزور بو دوغراناں بدنون
 قارشدی خون دله گوز یاشیم بالای حسین
 بو رسمدور بالا گلشنده گل خزان گورسه
 یغالا دسمال آرا یترده دور عبای حسین
 گلن دگل آله اعضالرون ندور چاره
 باخاندا قوزانوری دلدن آه وای حسین

خانم بی‌بون گلیب اکبر جنازه‌وین یاننا
 ائدوب احاطه اوغول عمّه‌وی بلای حسین
 نلر گلیب گله‌جاخ باشینه بو صحراده
 دچار ائدر محنه بسکه ابتلای حسین
 علی جنازه‌سینی حمل ائدوبله خیملره
 قدم آتانبوب آلیندن دوتوپ آخای حسین
 علی اکبر ئولنده حُسینده ئولموشدی
 قسم به خون شهیدان قسم ولای حسین
 الهی لطفوی کسمه گناهکاروخ بیز
 نظرده شیعلری ساخلا ای خدای حسین
 داریخما (ناطقی) زهرا عزیزی یاد ایلر
 ئولنده شامل اولار حالوه دعای حسین

**

*

اعلان عزا و اظهار ارادت به امام حسین علیه السلام
 «سینه زنی، زنجیر زنی»

قاره پرچم ویرلیب کوچه و بازاره حسین
 اولوب اعلان عزا اهل عزاداره حسین

ای اولان دینه فدا خامس آل عبا
 مجلسین اولیدور ایستروخ کرب و بلا

سالگردون یئتشوب تازه لنوب روز عزا
 بزم ماتم قورولوب ای خَلف شیر خدا
 ایسته عاشق لریوه قسمت اول کرب و بلا
 آغلیان گوزله باخاخ گنبد زرداره حسین

سنون عشقون بیزی وادار ایلوب سینه ویراخ
 قوشولاخ اهل دله مجلس عرفانی قوراخ
 آیاق ئوسته دایاناخ آللری قوینوندا دوراخ
 گئتورک غملروی دمبدم اظهاره حسین

اهل عالم بُلّه دين ئوسته كسوبلر باشووی
 دشمنين ظلمی قاتوپ خون دله گوز ياشووی
 وئرمُسن دینه فدا اوغلووی هم قارداشووی
 اودور علّت گئینوب اهل ولاء قاره حسين
 هر طرفدن گلوری نوحه نوا زمزمه سی
 دولدوروب شهری گئنه وای آقام ایوای سسی
 نظر لطفله باخ بیزلره طاها نوه سی
 آناوین خاطرینه قوشگلا زوّاره حسين
 راضی اولما بو فنا دهريده آواره قالاخ
 سئوروخ هیئتيله قبروین اطرافین آلاخ
 نه اولار بیر نچه گون محضر پاکونده اولاخ
 عاشقووخ عاشق اولانلار کیمی دیداره حسين
 دعوت ائت بیزلری مولا آناوین خاطرینه
 ائتمه مایوس پشیمان آناوین خاطرینه
 قویما شرمنده اوغولسوز باباوین خاطرینه
 وئریروخ باری قسم احمد مختاره حسين

کربلانوں چولون اول گونکی خریدار ائلدون
 عُرْفايه او مقدّس يئري بازار ائلدون
 آبياري ائلدون قانيله گلزار ائلدون
 رُتبه سن ويرْمُسَن اول دشت نمک زاره حسين
 سنه قربان من اولوم پنج تنِ آل عبا
 آيو سنون مُلک سنون ای اولان اسلامه فدا
 او گوْزل قانلاريلان تاپدی صفا کرب و بلا
 تله سور گورمگه بس قبلر همواره حسين
 حال حاضرده قسم بيز وئريروخ اکبريوه
 دوشلگی قانه باتان غنچه نيلوفر يوه
 اوخ دگيب شاهرگين پارچاليان اصغريوه
 بولارين خاطرينه ايله بيزه چاره حسين
 وئريروخ بيرده قسم پَر پَر اولان گوللريوه
 ظلم ايله گئجه وقتي کسيلن آللريوه
 داش دگن آلنوا قانيله دولان گوزلريوه
 دعوت ائت زائر اولاخ قولسوز عملداره حسين

او علمدار که بس احمد مختار تانور
 او علمدار که بس حیدر کرّار تانور
 او علمدار که بس عترت اطهار تانور

صاحب ائتمشدون اونی پرچم احراره حسین

نّچه سرداریدی مردان خدادن سوروشاخ
 نّچه سرداریدی عارف اَدّبادن سوروشاخ
 شرف آئینه سیدور بس فُقّهادن سوروشاخ

جان فدا اولمالیدور بیله فداکاره حسین

حیف او ساعتدن اونون یاره سی حدّن چوخودی
 مرکب اوستونده اگن قدّینی اوچ پَر اوخودی
 آتین اوستن یخیلاندا یثره قولار یوخودی

چاره سیز وقته دوروب باخدون او قولاره حسین

سیّدی قالدی نه احواله رُقّیه عمیسی
 قانلو دریاده سینوب قالدی نجاتین گمیسی
 سن ئوزون یاخشی بُلورسن چوخودی مُشتریسی

چاتمادی حیف اولاه اخیامیده قزلاره حسین

سسلدی داده سنی چاره‌سوزه چاره ندور
اوخ دگوب معرکده دیدۀ خونبارہ ندور
قولاری اولدی قلم باشدا اولان یاره ندور

نئجه گوردون یخلوب پیکری صد پاره حسین

دئدون ای قانه باتان دردیمة درمان یارالی
تُپراقا قویما ئوزون قلبی اولان قان یارالی
آلیم الدن ئوزولوب من سنه قربان یارالی

تاپمادون اوردا او گون چاره‌سوزه چاره حسین

هر مکاندا قورولار مجلس ابوالفضل آدنا
سن بویور نوکروی سالسون او مؤلا یادنا
لحظه‌لر پی آپارور (ناطقی) ئوز ایرادنا
آقالار لطف اندر البتّه گنّه‌کاره حسین



سلام بر اهل مسجد و منبر

«سینه زنی، زنجیر زنی، شور»

مسجدیله محراب و منبره سلام اولسون

شیعیان مولایه یکسره سلام اولسون

صدقه عزا دوتساخ یادگار زهرايه

بو عزا و تشکیلات حشر اوچوندى سرمایه

آجری وار عزادار اول پاره پاره عزایه

آغلیان بو مأواده گوزلره سلام اولسون

امتیاز آلور چوخلار مجلسین صفاسیندن

دردنه دوا ایستور فاطمه بالاسیندن

دُرّ تک آخور آشکی صورته بُکاسیندن

تُحفه دور حقیقته محشره سلام اولسون

زنده ساخلیان قاندور امر و نهی طاهانی

چوللره سالان غمدور دلشکسته زهرانی

ساخلیور حسین عشقی قلب ائوینده ایمانی
یا حسین دین دلدن دلره سلام اولسون

فیصله تاپوپ یاران کربلاده برنامه
جنگ یتدی پایانه ظلم اولوندی آیتامه
کاروان آل الله عازم اولدولار شامه
صرصر خزان آسدی گلره سلام اولسون

زینبون او ساعتده اوج ائدوبدور افغانی
گوردی قوملار اوستونده سرور شهیدانی
باسدی باغرنا جان تک پاره پاره اعضانی
وار یثری دئسون قارداش پیکره سلام اولسون

زینبون گئدور شامه ای عزیز جان قارداش
اهل بیت طاهانی چولره سالان قارداش
تُپراق اوسته صحراده پیکری قالان قارداش
قطع اولان بلکلردن آلره سلام اولسون
دینه خاطر آل ئوزدون جمله یار و یاوردن

گرچه دویمادون قارداش شاهزاده اکبردن
اصغرون گلور عطری بوردا قانلو بستردن
آلعطش سسین آلدیم اصغره سلام اولسون

بو بلالی صحراده اولمادوخ حسین ایمن
نیلیوم ندور چاره قویموری قالاخ دشمن
تازیانه آلرده دورت طرفده اهریمن
بو وجود ذیجود بی سره سلام اولسون

کربلا مناسینده شاه کربلا قالدی
گل بدن یئر اوستونده سینهده یارا قالدی
زینبه گؤراخ یاران ئوپمگه هارا قالدی
قویدی لبلرین باش سیز حنجره سلام اولسون

شعره (ناطقی) اولدی (طالبی) او گون بانی
مطلبین وئرر زینب کیم اول صمیمانی
اینجدر آحبّانی صحبت اولسا طولانی
مختصر اولار شیرین سوزلره سلام اولسون

ورود به کربلا

ای حسین ای مفخر آل عبا خوش گلِ مسن
افتخار ایلر سنبله کربلا خوش گلِ مسن
مرحبا اقبالوه ، چاتموسان آمالوه
ای گل گلزار دین ، خوش گلیب سن یا حسین

چوخ زماندور انتظارونده واران یول گوزلورم
امتیاز آلدیم همان لحظه بورا قویدون قدم
بو مباحاتی ایکی دنیایه مؤلا وئرمم
حُرمتیم آرتدی سنبله مُطلقا خوش گلِ مسن

افتخاریم وار سنه سن قوناق گلدین منه
بس منه وئردون صفا محبوب حیّ لَمْ یَزَلْ
سیدی تاپدیم سعادت اولدوم الان بی بدل
کیمیالر کیمیاسی هر گوزلردن گوزل
تاج حُرّیت قازاندیم حبّدا خوش گلِ مسن
حقّه پرچمدار سن محرم اسرار سن

رُتَبده اوجه یتشدیم حمد اولا معبودیمه
 مایه پُر افتخار اولدون اولان معهودیمه
 بو مکان ایچره نزول ائتدون چاتام مقصودیمه
 معنویت سنده دور گَندون صفا خوش گلمسن

تاج کرّمنّا سنون مَحو اولسون دشمنون

زینت عرشِ اِلهی زینت اولدوم عالمه
 پُر بلایم گلجگین باتدون غُبّار ماتمه
 باخ اوزون قوللی علمدارین آئینده پرچمه
 وئر اجازه عرض ائدیم صاحب لوا خوش گلمسن

عاشقم دیداروه حسرتّم قولاروه

پرچم حُرّیتون الدهه آیا زیبافرین
 بو اوزون قولّاری اعدا سالماقا ایلر کمین
 سرور عالم مصائبدن اولا بس دلغمین
 پیکرون مجروح اولار باشندان باشا خوش گلمسن

اولماز اوندا آلّرون شاد اولار دشمنلرون

اکبر ای آئینهٔ حُسن جمال آنوری
 کیم گوهره زیبا جمالون یاد ائدر پیغمبری
 دوغرانان شمشیریلن اعضاسی قاندان بستری
 آشیه سلطان عالم مه‌لقا خوش‌گلمسن
 ای اولان دینه فدا البلاء لِلْوَلَاءِ

افتخار و عزتیم قاسم فؤاد مُجتبا
 حُسن خلقونده تماشا وار عزیز مرتضا
 بو وجوده عرصه‌گاه ایچره کمند آچمش بلا
 گوزلیور سُم سَور اشقیا خوش‌گلمسن
 تَز سینا گل یاپراقی گوزلور آتلار دیرناقِی

زینت آغوش مادر مرحبا ای صود آمن
 گل وجودون سایه‌سینده گللنر دشت دَمَن
 اولمیوب اولماز سنون تک زینت باغ و چمن
 رمز عشقی پیر مردان خدا خوش‌گلمسن
 چاره‌سیزلر چاره‌سی حلقده اوخ یاره‌سی

ای عزیزان ای حسینون جمله یار و یآوری
 ای سکنه ای رقیّه ای حرم آهولری
 زینب ای بانوی عالم غمدن آغلار گوزلری
 یادگار حضرت خیر النساء خوش گلمسن

غملره آماج اولان خوش گونه محتاج اولان

زین آب سن مفخر اولاد حیدر سن خانم
 گلمیوب گلمز مثالون دهره برتر سن خانم
 عمّه ای صاحب زمان دللرده آزبر سن خانم
 سینه سوزان اشکریزان زینبا خوش گلمسن

قتلگاه شاهه باخ غملی قربانگاهه باخ

(ناطقی) اظهار درد ایلور آیا بنت الهدا
 سن بحق پنج تن خلاّقدن ایسته شفاء
 بیرده وار دور قلبمیزده آرزوی کربلا
 تا گؤراخ اوردا دئسون صاحب عطا خوش گلمسن

کربلاده وای دیاخ اصغره لای لای دیاخ

ورود به کربلای معلی
«سینه زنی و زنجیر زنی و شور»

مُشتاق‌دور ازلدن کرب و بلا حسینه
خیاط حق بیچوب‌دور قاندان قبا حسینه

تسلیم اولوب‌دور امر خلاق لا یزاله
امضاء و ثروب ازلدن تکمیل اولای قباله
آخر یثتوب او چولده سلطان دین وصاله
محبوب لم یزل‌دور جانلار فدا حسینه

ترک ائتدی زاد بومین کوچ ایلدی وطن‌دن
طی طریق‌ن چون سیر ائتدی هر دَم‌ندن
ایش چاتدی بیر مراره آل ثوزدی صود اَم‌ندن
بذل ائتدی جانِ پاکین دل‌سبز بالا حسینه

مُدّتی گوزلیوردی کرب و بلا دیاری
مسکن خلاصه ائتدی صحرا‌ده غم قطاری

وَجْهَ الْحُسَيْنِده اَمّا گورسندی غم غُبّاری
دین عشقینه بو دنیا اولدی فَنّا حسینّه

کرب و بلا چولونده بیچاره لر پناهی
عبّاس نامداره قوردوردی خیمه گاهی
تعقیب ائدوردی دشمن چوللرده کم سپاهی
اولدی او غملی مأوا ماتم سرا حسینّه

الْقَصّه جان زهرا عالی مرامه چاتدی
قانه بویاندی لیکن دین پرچمن اوجاتدی
غم لر غم ئوسته گلدی قارداش غمی قوجاتدی
خدمت ائدوب ئولونجه صاحب لوا حسینّه

اولسون او روح پاکه بیزدن سلام اباالفضل
روحاً سنی چوخ ایستور خیر الانام اباالفضل
دعوت ائله بو جمعی ای ذوالکرم اباالفضل
دوتسونلا یاس او یئرده اهل عزا حسینّه

وقتی که دوشدی آتدان گودال قتلگاهه

فریاد وا حسینا اوج ائتدی مِهر و ماهه
 امداد ائدن تاپولموب مظلوم بی‌پناهه
 اعدا ویروب دمام حدسیز یارا حسینه

یئل آسدی گون دوتودی صحرای کربلاده
 شمر آیرلیب قشوندان غملر اولوب زیاده
 زینب گؤروب او حالدا وار آیری بیر اراده
 فرمایش ائتدی ظلمون گورمه روا حسینه

ئولدورمه ای ستمگر سلطان محشر اوغلون
 اعدا یخوب یارالی تُپراقه حیدر اوغلون
 سالما فشاره ظالم زهرای اطهر اوغلون
 آغلور بو کربلاده ارض و سما حسینه

بس (ناطقا) کفایت ائت آچما ماجرانی
 دلگیر ائتمه غملی مجلسده شیعیانی
 ایوای حسین صداسی دولدوردی کربلانی
 گرچه سعادت اولدی هر بیر یارا حسینه

زبانحال درباره ورود کربلا

کعبه‌نی ترک ایلدی سلطان پرچمدار عشق
عازم اولدی کربلایه محرام اسرار عشق
آشکارا گورسنوردی دمبدم معیار عشق
وجه وجهه اللّٰهده نور سعادت مُنجلی
به اثوین آباد اولا مولالره مولا علی

پیشواز ائت اوغلووی مولا امیرالمؤمنین
دوستان قربان سنه ای شهریار مُلک دین
اوغلووا اوغلانلارین قربان و ثروب اُمّ البنین
عارفانه شمعین اطرافین آلوب پروانه‌لر
مَسْلَخ عُشاقیده جان بذل ائده فرزانه‌لر

ایلدی طیّ و مراحل حُجّت پروردگار
 دور برده صادقانه بیر نّچه خدمتگزار
 عزّتیلن زینب کبریٰ اولوب مَحمل سوار
 اولمیوب اجلال و جاهی ظلمله برهم گئدور
 افتخار ایلور قاباخدا صاحب پرچم گئدور

فخر ائدور عبّاسه باخدوقجا او بانوی حجاز
 وار یئری هر تک تکی مَحمل نشینان ائتسه ناز
 ایلوب اولاد زهرانی ابوالفضل سرفراز
 وار یئری زینب دئسون قربان گئدن یولاروه
 یتَمسون آسیب آتام اوغلی اوزون قولاروه

مقصد معهوده چاتدی زینب عزّ و جاهله
 عهد و پیمان باغلیوب میر حَرَم آللهله
 روبرو اولدی خلاصه عالی قربانگاهله
 قاسم و عبّاس و اکبردور هله یول یولداشی
 هر گؤزلردن گؤزلدور زینبون ئوز قارداشی

احسن احسن نیت افکاروه قربان حسین
 محرم اسرار پرچمداروه قربان حسین
 قدی اوجا زیبا فرین سرداروه قربان حسین
 رونق پرگاروه گلزاروه قربان حسین
 کربلا ده گرمی بازاروه قربان حسین

نازم آن روز که پرچم در کف عباس بود
 نازم آن پور علی را با هنر همّاس بود
 نازم آن عباس را بسیار با حسّاس بود
 صد هزاران آفرین زینب چنین دسیار داشت
 مامضی آن روزها آینده دُشوار داشت

کاروان کعبه چاتدی کربلا صحراسینه
 سرور آزاده گان باخدی او غم دریاسینه
 احترامیله دوتوپ ئوز با وفا عباسینه
 بو چو خور یثرده ابوالفضلیم قورولسون خیملر
 خوشدی قربانگاهمیز قارداش ویریلسون خیملر

غم توزی ائتدی احاطه تُپراقا قویجاخ قدم
 ناگهان رنگی سارالدی غُصّه آرتدی دمبدم
 زینبی دلّندیریب بو بارهده درد و آلم
 عرض ائدوب غملندی قلبیم وار نه علّت قارداشیم
 من سنه باخدیم سرازیر اولدی بیر دَم گوز یاشیم

باخدی اطرافه عزیز فاطمه هم زینبه
 ائتدی فرمایش بو صحراده دؤنر گوندوز شبه
 نایب زهرا باجیم آگاه سن بو مطلبه
 بو همان یثردور آزلدن جَدَمیز ویرمیش خبر
 بو همان یثردور اولار اولاد زهرا دربدر

بو همان یثردور کسلر چارهسیزلر چارهسین
 بو همان یثردور آلاآر قزلارین گوشوارهسین
 بو همان یثردور گؤررسن قلبده اوخ یارهسین
 بو همان یثردور منه امداد ائدن اولماز باجی
 بیر کسین اجلالی من تک سولمیوب سولماز باجی

سالکان معرفت حقّه چاتان یثردور بو یثر
 آلتی آیلوخ اصغریم قانه باتان یثردور بو یثر
 حشر اولونجا قارداشون باش سیز یاتان یثردور بو یثر
 بو همان یثردور کسلر زینبا سو یولارین
 شیر دل عبّاسمین بوردا سالار قولارین

دشمنان بی حیا باخماز یورولموش آهوه
 ایله هر لحظه توکل بیر اولان آللهوه
 اود ویرالار بو مکاندا خیمه و خرگاهوه
 صبرین اولسون وئرمه آلدن ذره استقلالوی
 بردبار اول پوزماسون قمچی شماتت حالوی

بو همان یثردور باجی آلدن آلالار قاسیمی
 ئولدورلر بوردا زینب باوفا عبّاسیمی
 عون و فضل و اکبر اولماز خوار ائدلر یاسیمی
 محنت عظماسونندور غم غم ئوستوندن آجی
 صابر اول هر درد غم گلسه سفیریم سن باجی

سن رئیس کاروانیم سن بلایه صبر ائله
 عُمرمی بیجا یثره وئرمم فنایه صبر ائله
 بیر گونی زائر اولارسوز کربلایه صبر ائله
 حُجّت پروردگارم وئرمم آلدن صبریمی
 گون ائوینده دشت پُر غمده گؤررسن قبریمی

بو منای کربلانون وار بلاسی زینبیم
 متن آلامینده وار الله رضاسی زینبیم
 هر مُصیبتدن چتیندور دل یاراسی زینبیم
 دینه خاطر ثابت اول اغیار ایچینده آغلاما
 گوز یاشین رُخساروه اعدا یانیندا باغلاما

یا حسین وئرم قسم قولسوز قالان قارداشوه
 یا حسین وئرم قسم قانه دونن گوز یاشوه
 یا حسین وئرم قسم دالدان کسيلمیش باشوه
 (ناطقی) اظهار درد ایلور شفافسین وئرگلن
 نسخه سین یاز لطف ائله سوندان دواسین وئرگلن

السلام عليك يا عبدالصالح
« يا مسلم بن عقيل ادرکنا »

اولسون سلام قدرت داداره دمبدم

اولسون سلام واقف اسراره دمبدم

اولسون سلام باعث ايجاد عالمه

اولسون سلام مطلع الانواره دمبدم

اولسون سلام صدقه دریای رحمته

اولسون سلام چشمه آنهاره دمبدم

اولسون سلام صاحب دین و دیانته

اولسون سلام احمد مختاره دمبدم

اولسون سلام ختم رسالت مرامینه

اولسون سلام قائد الآخیاره دمبدم

اولسون سلام زینت محراب و منبره

اولسون سلام حیدر کراره دمبدم

اولسون سلام ساحت قُدسِ الْاَهِیَه
 اولسون سلام رحمت سرشاره دمبدم
 اولسون سلام جنگیده پرچم آچانلارا
 اولسون سلام بیرقِ آحراره دمبدم
 اولسون سلام طالب فیض شهادته
 اولسون سلام جعفر طیاره دمبدم
 اولسون سلام حامی اولاد حیدره
 اولسون سلام ارشد علمداره دمبدم
 اولسون سلام مَسْلُخ عشقون صفائینه
 اولسون سلام قافله سالاره دمبدم
 اولسون سلام کرب و بلا کُلفروشنه
 اولسون سلام رونق بازاره دمبدم
 اولسون سلام فاطمنون گُلستانینه
 اولسون سلام گُلشن و گلزاره دمبدم

اولسون سلام وصل نگاره چاتانلارا
 اولسون سلام جمله فداکاره دمبدم
 اولسون سلام شاه شهیدان سفیرینه
 اولسون سلام فرد جلوداره دمبدم
 اولسون سلام مُلک عراقین قوناقینه
 اولسون سلام مسلم بیّاره دمبدم
 اولسون سلام سبط رسولین رسولینه
 اولسون سلام واقعی ایثاره دمبدم
 اولسون سلام باشله جانان گئچنلره
 اولسون سلام سالم الافکاره دمبدم
 اولسون سلام او دلبره روحین غذاسیدور
 اولسون سلام مُسلمه همواره دمبدم
 اولسون سلام معرکه‌نون شاهکارینه
 اولسون سلام مُرشد پیکاره دمبدم

اولسون سلام او ساعتِه قالدی بی‌کمک
 اولسون سلام تشنه دل افکاره دمبدم
 اولسون سلام قانه بویانمیش عذارنه
 اولسون سلام صورت گُلناره دمبدم
 اولسون سلام حضرت مسلم مزارینه
 اولسون سلام مُلکنه آثاره دمبدم
 قالدی یارالی پیکری باش‌سبز قناره‌ده
 اولسون سلام یئرده آخان ثاره دمبدم
 اولسون سلام قبرینه زوَّار اولانلارا
 اولسون سلام کوفه‌ده زوَّاره دمبدم
 اولسون سلام شمع شبستانِ نهضته
 اولسون سلام (ناطقی) گفتاره دمبدم

**

زبانحال حضرت مسلم علیه السلام
استمداد از امام حسین علیه السلام

مُسلم یارالی مهلت آلیب دوردی نمازه
سجّاده آچوپ معرکه ده راز و نیازه

قورتاردی نمازین اولوب آماده جداله
باجادی دئساخ دوتدی ئوزون سمت حجازه
گویا بئله عرض ائتدی آقا گلمه خطر وار
دُشمنلر آلیب دوره می وار مطلب تازه
منظورلری بیعت ائدم ابن زیاده
هیّهات وئره بو ایشه وجدانیم اجازه
عشقونده گیم رخت شهادت منه بسدی
ممکن دگی ذرّه کیچیلیم اهل مّجازه
دیدارون عم اوغلی من اوچون اولمادی قسمت
حقدن سورا طالب دَگلم آیری بیر آزه

زهرا آناوین خاطرینه سالما نظردن
 اظهار ارادت ائدورم مَحرم رازه
 باش قول نیه لازم سنون عشقونده حسین جان
 قربانون اولوم قالسا قالیب یئرده جنازه
 عرضیم بودی گلمه بولارین یوخدی وفاسی
 قوی ویرسالا ویرسونلا منی نوک کِرازه
 شمع رُخوین عاشقیم ای گل زهرا
 بُلبُل که ائدر ناز همیشه گل نازه
 دیدار قالور محشره آخر نفسیمدی
 تبلیغ سلام عرض ائدورم روح نمازه
 افسوس اولامداد ائدهنیم یوخدور عم اوغلی
 داش نیزه ویران معرکه ده چوخدور عم اوغلی

مولای جهان یار و هوادار یوخومدی
 دوشدوم خطرہ ایندی مددکار یوخومدی
 بیعت ائلینلر منی بیگانه ساتدی
 واقفسن ئوزون مَحرم اسرار یوخومدی

قربانون اولوم سالما ئوزون زحمته گلمه
 اظهار ائدورم مطلبی انصار یوخومدی
 زهرانون عزیز اوغلی حسین جان سنه قربان
 کوفه دولانور باشیمه دسیار یوخومدی
 هر بیر یارامون شاهیدی شمشیر و سناندور
 قان بستر آچور لیک پرستار یوخومدی
 بازار شهادت چکور آغوشه دمام
 فخریم بودی بس عاقبت اضرار یوخومدی
 اوخ نیزه قلج یارهسی آرامی آلودور
 آسایش ائدوم سایه دیوار یوخومدی
 من بیر نفرم دورت طرفیم دشمن خونخوار
 مشکلدور ایشیم قدرت پیکار یوخومدی
 مسلم یورولوب شهیری سینمیش قوشا بنزور
 داشدان سورا بیر آیری خریدار یوخومدی
 پیغام سنه گوندرورم باد صبادن
 آلاَن ئولورم سیّدی دلدار یوخومدی

مَکریله دوتوپ قولاریمی باغلادی اعداء
 آلدن دوتانیم ای شه ابرار یوخومدی
 سینم ائله تنگ اولدی شماتت اثریندن
 وئرمزدیم امان تیغ شرربار یوخومدی
 شمشیر دگوبدور دوداقیمدان بولونوبدور
 قان وئرمور امان قدرت گفتار یوخومدی
 عمروم قوتارور عرصه هیجاده عزیزیم
 محبوب خدا مُفتخرم عار یوخومدی
 یالقوزلادیلار مُسلمی ای شمس ولایت
 قورتاردی نفس آیری بیر اخبار یوخومدی
 بس حضرت مسلم دلیجه شعرُوی عرض ائت
 هیچ (ناطق) تک کوفه ده زوَّار یوخومدی

**

*

احوالات حضرت مسلم بن عقیل علیه السلام
 «سینه زنی و زنجیر زنی»

یا حسین امداده گل مُسلم بیتاره باخ
 دشمن آلوب دوره‌می قالمشام آواره باخ

ای شرف آئینه‌سی جسمیده جانیم حسین
 زاده خیر الوری ورد زبانیم حسین
 قدرتیم آلدن گئدوب یوخدی توانیم حسین
 قولاریمی باغلیان فرقه اشراره باخ

مَکرِیله بو کوفیان چاهه منی سالدیلار
 اولمادی امکان چخام طبل فرح چالدیلار
 ظلمیله شمشیریمی آلدن او دم آلدیلار
 اولمادی بیر لحظه بو چاره‌سوزه چاره باخ

قولاریمی باغلیوب فرقه عدوان بو گون
 کوفه‌ده مظلوم اولوب حامی قرآن بو گون

تیغ چکم دشمنه قالمیوب امکان بو گون
 نِسْگِلیم حدّن آشوب درده گرفتاره باخ

کوفه لیلر کوفه ده وئرمدی قیمت منه
 بیعتی سیندیردیلار اولدی اهانت منه
 سیّدی سو ایستدیم اولمادی قسمت منه
 یاره لی یورقون سوسوز تشنه فداکاره باخ

واضح مطلب بودور یاره لنوب ئوز گؤزوم
 قالدی یانان قلیده کوفه ده هر بیر سؤزوم
 نِسْگل اولار عفو ائله من سنه قربان ئوزوم
 دگدی آقا جنگیده لب لریمه یاره باخ

ووردی قوشون جیسمیمه ظلمیله شمشیر کین
 معركة جنگده اولما گلان دلغمین
 سالما نظردن من بیکسی ای شاه دین
 ویرسالا گر نعشمی مُفتخرم داره باخ

اولمادی بیر سس وثرن معرکه نون شیرینه
 باخمادیلار سوره نون آیة تطهیرینه
 ابن زیادین شریک اولدولا تقصیرینه
 مُسَلِمی ئولدورمگه دولدولا بازاره باخ

من دئدیم ای کوفیان ماه حجازیم گلور
 کعبه نی ترک ایلوب قبله رازیم گلور
 نایبیم کوفیه روح نمازیم گلور
 باخمادیلار ذرّه جه مطلع گفتاره باخ

ظلمله قولّا ریمی باغلادیلار کوفه ده
 قلب پریشانمی داغلادیلار کوفه ده
 عده لری حالیمه آغلادیلار کوفه ده
 اگمین اعدایه باش ویردیگیم ایشاره باخ

باد صبادن سنه واردی پیامیم حسین
 گلّمه گلن وار خطر زیب کلامیم حسین

قبره گئدور منله بو دلده مرامیم حسین
عاشقیدیم گورمگه طالب دیداره باخ

دمده مسیحا نفس زاده زهرا حسین
معدن جود کرم وارث طاهّا حسین
سالما نظردن بیزی عالمه مولا حسین
سال نظرون (ناطقی) یازدقی اشعاره باخ

نایبوه جان فدا درده دوادور آدی
باب الحوائج لقب روحه غزادور آدی
محفل عشاقده بزمه صفادور آدی
مسلمه خاطر آقا جمع اولان حُصاره باخ

قطعه

عالمی گوزدن آتدون ، وصل نگاره چاتدون
عشق حسینّه خاطر ، کوفه ده قانه باتدون

السلام عليك يا مُسلم بن عقيل ادرکني

کوفه ده مظلوم ئولن مسلم سلام اولسون سنه
تير غم قليبين بولن مسلم سلام اولسون سنه

جان فدا اجلالوه چاتموسا آمالوه
اولين قرباني سن مرحبا اقبالوه

اولمادی عبّاس و اکبر سنله وئرسون دالدا
داش دگوبدور آالنوا قان آخدی یوزدن برملا
هر طرفدن حمله گتدی کوفیان بی حياء
داندیلار حقی علن مسلم سلام اولسون سنه

انحرافی گیتدیلر دوز یولی ترک ائتدیلر

وئرمدون آلدن دیانت جان فدا ایمانوه
دینه خاطر فاتح میدان بویاندون قانوه
صادقانه خدمت ایتدون صاحب قرآنوه
اولمادی دردون بُلن مسلم سلام اولسون سنه

غمیره توش اولموسان گُل مثالی سولموسان

اگمدون دونانه باش دام جفایه سالدیلار
 گیتدی آلدن طاقتون بیگانلر آل چالدیلار
 قول کاذیب وئردیلر صمصامون آلدن آلدیلار
 تنگ اولوبدور حوصلن مسلم سلام اولسون سنه
 اولمادی یاد ایلین حقدن امداد ایلین
 باخدون حسرتله او حالدا قان توکن صمصاموه
 آه چکدون پاد زهر اگلشدی شیرین کاموه
 ایستدون سو لبلروندن قان توکولدی جاموه
 دمبدم خونین دهن مسلم سلام اولسون سنه
 باخدی حسرت گوزلرون غم یاراتدی سوزلرون
 قانله مستور اولان رُخساروه قربان سنون
 مرد میدان عمل پیکاروه قربان سنون
 ثاروه ایثاروه آثاروه قربان سنون
 حقی احیاء ایلین مسلم سلام اولسون سنه
 باشله جانان گئچن سو یئرینه قان ایچن

کیم گله دلتنگ اولماز سایه دیواروه
افتخاریله باخارسان حشریده زوَّاروه
دلده قالماز حسرتی هر کیم یته دیداروه
ای سفیر مُمتَحَن مسلم سلام اولسون سنه
صبروه قربان اولوم قبروه قربان اولوم

معنویّت جذب ائدوب دنیانی گوزدن آتموسان
یتیمسن آمالوه وصل نگاره چاتموسان
دین اسلام عشقنه قبر ایچره یورقون یاتموسان
خدمتون اولموش عدن مسلم سلام اولسون سنه
سن سفیر عشق سن عالمه سرمشق سن

جان نثار محرم اسرار قُرْآن اَلْسَّلام
اولموسان کرب و بلا سلطانیله قائم مقام
آستانونده غلامون (ناطقی) شیرین کلام
عرض ائدور مظلوم ثولن مسلم سلام اولسون سنه
عهدیم ثوسته باقیم قبروین مشتاقیم

سلام بر مسلم بن عقیل علیه السلام
 زنجیر زنی و سینه زنی و شور

درد دوا دی مسلم	روحه غذادی مسلم
اخلاص تویله سسله	درد آشنادی مسلم
اولماز بئله وفالی	اثلدن دوشوب آرالی
نام و نشانی عالی	دینه فدادی مسلم
دایر اولوب عزاسی	وار غملی ماجراسی
مظلوم حسین فداسی	صاحب لوادی مسلم
محبوب لَمْ یَزَلْ دُور	وَاللّٰه۪ی بی بَدَلْ دُور
آدی توی گؤزلدور	زیب دعادی مسلم
درد اهلینه دوادور	امراض اوچون شفادور
واضح دئیور اطبا	مُشکل گشادی مسلم
دین توسته قانه باتدی	دنیا نی گوزدن آتدی
وصل نگاره چاتدی	عالی هُدادی مسلم

دریای	بیکراندور	شایسته	بیر	جواندور
آئینه	جهاندور	راهنمادی	مسلم	
اعدا	سالوب	فشاره	قالموبدی	راه چاره
قلبی	چکوب	شراره	خَضْبِ الدّمادی	مسلم

ایضاً زبانهال

قالمشام حیران سرگردان حسین جان یالقوزام
 جانیم اولسون جانوه قربان حسین جان یالقوزام
 گَلمه کوفه اهلینون یوخدور وفاسی سیّدی
 سالدی دلدن قوم بیایمان حسین جان یالقوزام
 شهپری سینمیش قوشا بنزور عم اوغلون کوفهده
 توکدیلر اود باشمه دامنان حسین جان یالقوزام
 کاش اولیدی صاحب پرچم ابوالفضل کوفهده
 اولمیوب اولماز داخی امکان حسین جان یالقوزام

من خدا حافظ ائوین آباد اولا جان ئوستیم
 گلمه گلمه ایش تاپور پایان حسین جان یالقوزام
 قولاریم گر اولماسیدی باغلی وئرمزدیم امان
 تاپادیم بو درد اوچون درمان حسین جان یالقوزام
 آلدیلار شمشیریمی آلدن سیخلدیم غصّه دن
 تار اولوب اولدی منه هر یان حسین جان یالقوزام
 کوچه و بازاریده دورموش جماعت صف به صف
 منتظر دور قتلمه چو خدان حسین جان یالقوزام
 قالمشام جلاد آئینده آخرین دم بامده
 باشمی ایستور کسه دالدان حسین جان یالقوزام
 بیعتّه آل وئرمدیم جام شهادت نوشدور
 لحظه آخرددی بو جان حسین جان یالقوزام
 السلام ای سبط پیغمبر امام انس و جان
 السلام ای سرور خوبان حسین جان یالقوزام
 حضرت مسلم دلیجه (ناطقی) تکرار ائله
 گلمه گلمه شاه مظلومان حسین جان یالقوزام

زبانحال دو طفلان حضرت مسلم ﷺ

«سینه زنی و زنجیر زنی

پنج ضربه و تک ضربه»

حارث اوتان ویرماگلان سیلی بو

صورت گُلهاره قوناقوق سنه

ظلم آلی چوخ صدمه ویروب دهریده

گُلشن و گلزاره قوناقوق سنه

سَنده مُرُوت اثری یوخ اوتان

گوز یاشمیز غمدن اولوبدور روان

یوخ شرفون ایستیروخ بیز امان

قالمشوخ آواره قوناقوق سنه

ویرما داخی غملره توش اولموشوخ

شمع کیمی چولده خموش اولموشوخ

یوخ آتامیز خانه بدوش اولموشوخ

یوخدی داخی چاره قوناقوق سنه

بیر کسیمیز یوخد ییزی یاد ائده
 غملر آلیندن گله آزاد ائده
 غُربت ارا قلبمیزی شاد ائده

سالما ئوزون ناره قوناقوخ سنه

واقف ئوزی محرم اسرارمیز
 یاره‌لنّیب چولده آیاقلارمیز
 بیرجه اودور یار و هوادارمیز

باخگلا قهّاره قوناقوخ سنه

قانیمة قات گوزدن آخان یاشمی
 کسلگلن اوّلده منیم باشمی
 راضیم آزاد ائله قارداشمی

رحم ائله بیّاره قوناقوخ سنه

یوخ آتامیز حال پریشان بیزوخ
 چاره‌سیزوخ قلبی اولان قان بیزوخ

خانہ سی ویران سنہ مہمان بیزوخ
قالمشوخ آوارہ قوناقوخ سنہ

عاقبتی فانی جہانہ ساتان
حقّی دانان اہل جفانی دوتان
دُرّ گرانمایہ نی آلدن آتان
چک بیزی بازارہ قوناقوخ سنہ

زندہ آپار زادہ مرجانیہ
اودّا یانا نوشیدی پروانیہ
رحمت و لعنت اوخونار بانیہ
سالما چوخ آزارہ قوناقوخ سنہ

منطق و بُرہانہ باخا باخمادی
حیف اولّا قرآنہ باخا باخمادی
سوگلی مہمانہ باخا باخمادی
گتدیلر اظہارہ قوناقوخ سنہ

آلديلا آلقصّه اولار دستماز
 تُپراقين ئوستونده قلوبلار نماز
 ايله ديلر (ناطقى) راز و نیاز
 محضر داداره قونا قوخ سنه

ایضاً زبانهال

ترحم ائت بو ايکي کم بهاره ئولدورمه
 باغشلا سن بيزي پروردگاره ئولدورمه

قونا قون حُرمتي واجبدي گر اول کافر
 قضا سالوبدور ائوينده حصاره ئولدورمه
 حساب محشر کُبراني لحظه آل نظره
 بقاني سانما فنا روزگاره ئولدورمه
 اجازه وئر ايکي رکعت دوراخ نماز قیلاخ
 دياخ ئورک سوزوني کردگاره ئولدورمه

ددوخ بیزی گل آپار ساتگلان غلام آدنا
 قبول ایلمدون بختی قاره ئولدورمه
 زمانه مست ایلوبدور ایتیرمسن ئوزووی
 قوشولما وار خطری اهل ناره ئولدورمه
 آزله وئردون امان عهدوی دالی آلدون
 عداوتاً بیزی ویردون دوباره ئولدورمه
 یورولموشوخ گئجه گوندوز پیاده قاچماخدان
 انانمیشان باخ ایاقدا قاباره ئولدورمه
 یتیم دربدروخ بوردا یوخدی بیر کسیمیز
 یقین بیزی قویان اولماز مزاره ئولدورمه
 آلونده خنجره باخدوقجا روحمیز سیخلور
 گؤرنمیروخ داخی بیر راه چاره ئولدورمه
 قبول ایلمه دی حارث جفا کردار
 بویوردیلار باخ اوتان کردگاره ئولدورمه

زبانحال حضرت امام حسین علیه السلام

«سینه زنی و زنجیر زنی و شور»

گلدی دارخما زینب صاحب لوا حبیبیم

محبوب لم یزلدور درده دوا حبیبیم

گلزار کربلانون زیب و صفاسیدور بو

میدان پُر بلانون شیر وفاسیدور بو

اصحاب با وفادور دین آشناسیدور بو

یالقوز قالا حسینون گورموب روا حبیبیم

واضح حقیقت ثوسته ثابت قدمدی زینب

ذی شأن و با شرفدور چوخ محترمدی زینب

وار امتیازی جاندور صاحب علمدی زینب

مشتاقدور که گلسون بو کربلا حبیبیم

پیشواز ائدون عزیزان بو مرد بی مثالی

همراه دور حسینه شایسته دور وصالی

خوش گلدون ایلون تا راحت اولا خیالی
دلشاد ائدون که اولسون غمدن رها حبیبیم

اکبر آپاردی مُژده زیننده دور مرامی
بی فاصله یتوردی مهمانه بو پیامی
خوش گلیمسن حبیباً وار عمّه مین سلامی
عمّم سنی خیمده ایلور دعا حبیبیم

مطلب حبیبه یتجاخ واضح نوایه گلدی
آهی چکوپ ئوزوندن ایلوب گلایه گلدی
شرمنده حالتیلن خیمه سرایه گلدی
مولا بویوردی احسن صد مرحبا حبیبیم

چوخ گورمه سین حسین خالق سنی بو چولده
خوش حالوه سالوبسان یاده منی بو چولده
اطرافیمی آلودور دین دشمنی بو چولده
بو گلمه گوندن اولسون آله رضا حبیبیم

مندن ئوتور قوروبلار بو چولده تشکیلاتی

دورت ستمدن کسودور اعدا ره نجاتی
 سد ایلوبله واضح یکسر قوشون فراتی
 مسکن اولار حسینه بو غم فزا حبیبیم

موعود حق یتشدی پایانه کربلاده
 عشاق لر بویاندی القانه کربلاده
 دوشدی حبیب آت اوستن میدان کربلاده
 دوتدی ئوزون خیامه ائتدی ندا حبیبیم

گل دوشموشم طبیب قربانگه منایه
 دوشدی علم الیمن یوخ قدرتیم دفایه
 مشتاقیم یتشدیم قاندان اولان حنایه
 ایستور گوره جمالون دینه فدا حبیبیم

ای شیعه لر پناهی مشکل گشا حسین جان
 بس (ناطقی) غمونده ایلور نوا حسین جان
 مشتاق کربلایوخ ایله عطا حسین جان
 ئوز محضر روزده خوشدور دوتساخ عزا حبیبیم

سلام بر مولی الکوین
حضرت امام حسین علیه السلام و پیروانش

اولسون سلام حافظ قرآن اولانلارا

اولسون سلام صاحب ایمان اولانلارا

اولسون سلام عشقده ثابت قدملره

اولسون سلام دینینه قربان اولانلارا

اولسون سلام ذلته باش اگمینلره

اولسون سلام عاشق جانان اولانلارا

اولسون سلام مَسْلُخ عَشَّاقه دمبدم

اولسون سلام قانه غلطان اولانلارا

اولسون سلام تاج شهادت قویانلارا

اولسون سلام عازم رضوان اولانلارا

اولسون سلام باشلاری تندن جدالره

اولسون سلام زینت میدان اولانلارا

اولسون سلام وصل نگاره چاتانلارا
 اولسون سلام رُتبه ده رُجحان اولانلارا
 اولسون سلام حبیبه که روحین غذا سیدور
 اولسون سلام آقا سنه دربان اولانلارا

**

*

قطعه

اولسون سلام شاه شهیدان قوناقینه
 کرب و بلا ده گلدی امامین سوراقینه
 دین عشقنه محاسنه قاندان یا خوب حناء
 اولسون سلام قانه بویانمیش دوداقینه

احوالات حضرت حبیب بن مظاهر ؓ

کوی وفاده دینینه قربان اولوب حبیب

کرب و بلا غریبینه مهمان اولوب حبیب

تاج شرف باشیندا امام هماملن

هم سنگر اولدی عازم میدان اولوب حبیب

قرآن حمایل ائتدی علمدار کربلا

جانان یولوندا فدیة قرآن اولوب حبیب

ویردی ئوزون سپاهه دلیرانه عرصه ده

حمله وئروبدی صاحب فرمان اولوب حبیب

سیندیردی اشقیا صفنی تار و مار ائدوب

خار و خس ایچره آتش سوزان اولوب حبیب

فکر ایلیوردیلر قوجالیب یوخدی قدرتی

رمز فنونی حیدری اصلان اولوب حبیب

باش کاسه سینده قرمزی قاندان حنا یاخوب
 زیبا جماله قانله الوان اولوب حبیب
 آتدان دوشنده سسلدی شهزاده اکبری
 درک ائت بو چولده طعمه گرگان اولوب حبیب
 گل بیر باخیم جمالوه شبه پیمبریم
 اوندان گورله مورد احسان اولوب حبیب
 بو بیر خبردی ائتدیم اشاره یازوبدولار
 یوخدور خطا سوزومده نه عنوان اولوب حبیب
 اکبر آدی دیلینده یخلدی رکابدن
 تپراقلار ئوسته قانینه غلطان اولوب حبیب
 خوشحالینه گئیوبدی شهادت لباسینی
 مولا حسینه سویملی دربان اولوب حبیب

**

احوال حضرت حبیب بن مظاهر رحمۃ اللہ علیہ

حسرتلہ باخدی خیملرہ آہ و زاریلن
 گویا دئیوب ئورک سوزونی بو قراریلن
 ای شهریار مُلک سلیمان ہرایہ گل
 جانیم بلالی جانوہ قربان ہرایہ گل

گل آخرین دقیقہ جمالون گؤروم گئدیم
 درتِلر دواسی خواجہ رضوان ہرایہ گل
 عشقون گتوردی مَسْلَخ عُشّاقہ یا حسین
 نوکر سنوندی صاحب مہمان ہرایہ گل
 قلبیم یانور فراقون اودوندا قوناقوم
 زہرا بالاسی عون ضعیفان ہرایہ گل
 قویسام سزادی قانلی جمالی آیاقوہ
 روحیم غذاسی درتِلرہ درمان ہرایہ گل

قان رختخواب آچویدی سعادتدور ئولمه گیم
 تُپراقلار ئوسته شاه شهیدان هرایه گل
 مولا قاپوزدا واضحی مطلب قوجالمشام
 آخر نفسدی ائتگلن احسان هرایه گل
 وئر افتخار دشمن اولان یئرده نوکرة
 یول گوزلیور که یازلی دربان هرایه گل
 گلدی او حالدا شاه شهیدان شتایله
 گوردی دئیور عزیز عزیزان هرایه گل

قطعه

حبیب ابن مظاهر ریشه اسلامه قان وئردی
 منای عشقده اخلاص ئوزیله امتحان وئردی
 اوجاتدی پرچم قرآنی ظاهرده قوجالمشدی
 ولیکن دین طاهایه حصار اولدی امان وئردی

رُبَاعِیَات

قویدی آقا جمالنی نوکر جمالینه
 باجادی عرض اولای بویانوب اشک آلینه
 آچدی گؤزون حبیب خداحافظ ایلدی
 دینون فداسی چاتدی مُسَلَّم وصالینه

سلطان دین وفالی علمداره آغلادی
 تُپراقلار ئوسته یارلی ایثاره آغلادی
 قاندان حنا قویوبدی حبیب آغ محاسینه
 احسن بویوردی خادم درباره آغلادی

ای کربلاده قانینه غلطان اولان آقا
 تُپراقلار ئوسته پیکری شانسان اولان آقا
 آخر نفسده بیزلریده یاده سالگلان
 محشر گونونده شافع عصیان اولان آقا

وار احتیاجی شیعلرون هر نگاهوه
 دعوت ائله صفالیدی آرامگاهوه
 زینب دلجه عرض ائداخ ای قانه غرق اولان
 امداده گل قشون توکولوب خیمه گاهوه

اعدا کسوبدی زینبوین راه چاره سین
 قان ائتدیلر دوباره دل پاره پاره سین
 سویقونچولار آچوبدور آلین قتل و غارته
 دشمنلر آلدی قیزلاروین گوشواره سین

بس (ناطقی) مُحَبِّ مُحَبَّانِ حَسینِ دور
 کرب و بلاده دینینه قربان حَسینِ دور
 قوخما گلر عیاده توه جان وئرن زمان
 هر بیر مکاندا درتله درمان حَسینِ دور

زبانحال حضرت خَرّ ابن ریاحی علیه السلام
 «رُبَاعِیَات»

السَّلام ای شهریار مُلک دین
 السَّلام ای وارث میر حُنین
 السَّلام ای رهزوان معرفت
 گَلَمَشَم قوْما قاپوندان یا حسین

السَّلام ای شمع ایوان ولاء
 السَّلام ای زاده خیرُ الْوَرَى
 السَّلام ای زینت عرش برین
 السَّلام ای خامس آل عبا

سَیِّدی باغِریم اولوب قان گَلَمَشَم
 آماقا بو درده درمان گَلَمَشَم
 آند وئَرَم اکبر شهزادیه
 یوخدور عَرَضِیم لیک مهمان گَلَمَشَم

هر زادین عشقین باشیمدان آتمشام
 پیشگاهِ حق نمایه چاتمشام
 سن منی قوؤسان قووار حیّ وودود
 وای منه من زینبی قورخوتمشام

پرچم احراروه قربان اولوم
 یاریله انصاروه قربان اولوم
 وور مدال افتخاری چگنمه
 قافله سالاروه قربان اولوم

دوت آلیمدن دستیاریم سن آقا
 باشد کی تاج وقاریم سن آقا
 آند اولو مظلومه زهرا جانینه
 سن مُسلّم افتخاریم سن آقا

سالمشام دام بلایه من سنی
وئرمشم بو اشقیایه من سنی
اصغره خاطر باغشلا عاصیم
توش ائتدیم ابتلایه من سنی

آی کیمی دوتقون مُحاقم گلمشم
ائل قیلَمدن اوزاقم گلمشم
چاره سیزلر چاره سی احسان ائله
هر نه اولسامدا قوناقم گلمشم

وئر اجازه قیل مُرخّص سال یولا
باغلیوم شمر و سنانی قولقولا
ویرگلان سر دوش عزّت چکنمه
ایستیور خَرّ اوّلین قربان اول

چکدی لُطفون وعده گاه عشقوه
 عاشقم مولا نگاه عشقوه
 دلخوشام بو مَسْلَخ عَشَّاقده
 ئوز قویام بس قبله گاه عشقوه

اذن آلیب سلطان محشردن گئدوب
 آیرلیب سبط پیامبردن گئدوب
 عاقبت وصل نگاره یول تاپوپ
 شاد اولوب اولاد حیدردن گئدوب

حُرّ اولوبدور لشگریله روبرو
 مرد میدان ایلوبدور گفتگو
 آل آپاردی تیغ آتشبارینه
 بس دئدی سیزلرده یوخدور آبرو

ای جماعت من حسین سربازیم
 لطف بی پایانتون ابرازیم
 چگنمه سالدی سعادت جامه سین
 تاج حُرّیت باشیمدا راضیم

مَحرم اسرار قرآندور حسین
 واقعی کامل بیر انساندور حسین
 حُجّت پروردگار ما خَلَق
 شکّ سیز محبوب مَثّاندور حسین

کوفیان بس حُرّ نام آور منم
 رهبر کَوْنین اوچون نوکر منم
 مُفتخر ائتدی امام انس و جان
 کربلا ده اول شهه یاور منم

حملہ ور اولدی سپاہہ بی درنگ
 گوئیا صحرائہ خشم آور پلنگ
 نظم اعدانی ویروبدور بیر بیرہ
 ایلدی تنہا او گون مردانہ جنگ

خیملردن جنگنہ سلطان باخور
 یگہ تاز عرصیہ عدوان باخور
 قانلو دریادہ نہنگ آسا گزور
 معرکہ اُستادینہ فُرسان باخور

لَمَس ائدنلر ضربۂ صمصامینی
 نوش ائدوبلر فوری ذلت جامینی
 کعبۂ آمالِنہ یول آختارور
 باغلیوبدور حُرّ ثولوم احرامینی

ٹولدور و بدور قرخ نفر کُفّارِ دَن
 ثبت اولوب بو مسئله اخبارِ دَن
 صرصری اولماز قیام عارفان
 دینه جان گلدی او خدمتکارِ دَن

مرکبین پیلوب غرض قوم یزید
 پا پیاده جنگ ائد و بدور روسفید
 سالدیلار دلدن او مرد جنگینی
 ائتدی حُرّی بیر نفر ظالم شهید

سس او جالدی حُرّی آتدان سالدیلار
 عرصه ده طبل بشارت چالدیلار
 عرض ائدوب مولای من امداده گل
 دوره سین بیر عدّه احباب آلدیلار

گتدیلر فوراً حسین دربارینه
 گلدی مولا چکدی آل رُخسارینه
 باغلیوبدور باشنی دسماليله
 زینت آرتدی صورت گُلنارینه

یار مظلومان قوناقین شاد ائدوب
 قیدیدن دارینده آزاد ائدوب
 سرور آزادگان هر بارهده
 حقّی واردور دین ائوین آباد ائدوب

آیری بیر سوز دوشدی بوردا یادیمه
 آرتروب محنت دل ناشادیمه
 صبریمی آلدن آلور بو ماجرا
 اود ویرور آثار غم آکبادیمه

باغلیوب رافّتلہ حُرّین باشنی
 حق وثرر رزمندہنون پاداشنی
 بلمرم علّت نہ اولدی عاشقان
 سچدی نوکردن آقا قارداشینی

یا حسین خاک شفا مُشتاقیوخ
 قیل نظر لطف و عطا مُشتاقیوخ
 (ناطقی) مدّاخون عرض ایلور آقا
 دعوت ائت کرب و بلا مُشتاقیوخ

قطعه

امام حسین گؤروب اول دم وفالی قارداشینی
 آلین قویوب پلینه جاری ائتدی گوز یاشنی
 دئیولّه حرّ باشین باغلادی امام زمان
 نہ اولدی قارداشئون باغلیانمادی باشنی

پوزش طلبی حضرت خُرّ ابن ریاحی علیه السلام
 «زنجیر زنی و سینه زنی و شور»

گلدیم قاپووا قوماگلان شاه شهیدان
 خرون اولاجانی آقا جان جانوه قربان
 شرمنده قوناقم ، رحمتدن اوزاقم

اولادوی سالدیم یانورام دام بلایه
 لطفیله نظر قیلگلا بو بخت قرایه
 زهرا آناوین خاطرینه ائتمه گلیه
 معذورم اوتانديرما داخی ائتمه پشیمان

محبوب خدا وارث طاها سن حسین جان
 فرزند علی زاده زهرا سن حسین جان
 آرامش جان درده مُداواسن حسین جان
 قوماز قاپوسوندان قوناقین عون ضعیفان

سالدیم خطرہ حجّت مَنّانی بو چولده
 شمع شهداء صاحب قرآنی بو چولده
 قورخوتدوم اولان حال پریشانی بو چولده
 واللّٰهی دُگل مسئله بو بارهده آسان

سرمایه دین جان جهان ای گل یاسین
 عفو ایله گلن حُرّ پریشاندی خطاسین
 تکمیل ایلین سنسن آقا دینین اساسین
 مُجریمدی قوناقون گلیب ای درتله درمان

فخریم بودور ئوز قویسام حضورونده تُرابه
 چکسن قلم عفو منه گَلَم حسابه
 احسانی نظر ایله آقا قلبی کبابه
 یاندرما یانان قلبمی ای صاحب احسان

آند اولسون آنان فاطمیه چاره قاپوندا
 درمان صله‌سی درده گرفتاره قاپوندا
 عجزیه گلوبدور دوروب آواره قاپوندا
 مایوس ایلمه غرق ایلیوب نادمی عصیان

سن قوؤسان اگر خالق متّان قوواجاخدور
 سن قوؤسان اگر شافع عصیان قوواجاخدور
 سن قوؤسان اگر ناطق قرآن قوواجاخدور
 غیر از کرمون یوخدی منیم آیری بیر عنوان

قویدی قدمون مُلک سلیمانه دایاندی
 وارونه سُپر آلهه غریبانه دایاندی
 اظهار ارادتله صمیمانه دایاندی
 سیندیردی ئوزون خوار ائلدی فارس میدان

تُپراقه قویوبدور ئوزونی باتدی غُبارة
 سلطان ولاءدن آلا تا دردینه چاره
 رأفتله قوناقون ئوزونه قیلدی نظاره
 فرمایش ائدوب قوْزا باشون ای حقه مهمان

خوش گلیمسن ای حُرّ وفادار اوتانما
 مظلوم اولان انسانلارا دسیار اوتانما
 گوزلور یولووی احمد مختار اوتانما
 چکدی سنی آسایشه قلبینده کی ایمان

اذن آلدی گئدوب جانب میدانه او چولده
 صدقیله وئروب خدمتی پایانه او چولده
 اسلامه گؤره باتدی قزلقانه او چولده
 چاتدی هدفه (ناطقی) شایسته مسلمان

اشاره به شهادت حضرت حُرّ رضی اللہ عنہ

حُرّ گئیوب لباس شهادت یارالیدی
شرمنده ایلین قوناقی انفعالیدی

اوغلون وئروبدی دینه فدا افتخاريله
عُشّاقلر ایچینده بو سَرور عزالیدی
قانیله ئوز گوزی بویانوب باشدا یارهسی
هر بیر عملدن عالی نگارین وصالیدی
مُلک ولاده قانلی ئوزون قویدی تُپراقا
خوش حالنه قیامته جَن کربلالیدی
دسماليله امام حسین باغلیوب باشین
تاج شرف باشیندا مُسَلّم مدالیدی
آخَر دقیقه لرده آچوپ قانلو گوزلرین
دلشاد ائدن قوناقی حسینون جمالیدی

خشنود اولوب وصاله چاتوپ یومدی گوزلرین
 شه نوکرین یانیندا اوتوردی صفالیدی
 چکدی آلین او حالیده حُرّن جمالنه
 بیگانه لر باخوردی او دم بی خیالیدی
 مَسْلَخده دفن اولونمیوب اول حُرّ نامدار
 فتیاندن کناره سالان انتقالیدی

**

قطعه

ایکی جهانیده بو افتخاری حُرّ آپاروب
 قیامت عرصه سینه اعتباری حُرّ آپاروب
 کمالی چکدی غرض شاهراهه عشق اولسون
 عزیز فاطمه دن یادگاری حُرّ آپاروب

احوالات حضرت علی اکبر علیه السلام

زبانحال امام حسین علیه السلام

« زنجیر زنی و سینه زنی »

اذن آلیب اکبر گئدور میدانہ اللہ شاهد اول

جاننی بذل ایله سون قرآنہ اللہ شاهد اول

قان سنوندور جان سنون

مه لقا قربان سنون

خُلُقَن و خُلُقًا شَبِیْهَ مُصْطَفٰی دُورِ اَکْبَرِیْم
مَکْتَبِ قُرْآنَدِه رُوحِه صَفَا دُورِ اَکْبَرِیْم
رَاضِیْم سَن رَاضِیْ اَوَّل دِیْنِه فِدَا دُورِ اَکْبَرِیْم
آلِ گُتُور دُوم قِیدِ سِیز جَانَانِه اللّٰه شَاهِدِ اَوَّل
مِن کَمِیْمِ اَکْبَرِ سَنُون شَبِیْهَ پِیْغَمْبَرِ سَنُون

آز قالور روحیم خدایا جسمدن اولسون کنار
 لطفوی کسمه حسینوندن قوی اولسون کامکار
 ائتمدیم بو فرقه اشرا ریلن من سازگار
 تک به تک تابع دلر شیطانہ اللہ شاهد اول
 دشمن خونخواره باخ بارالہا یارہ باخ

ای خدای لم یزل نورس جوانیمدور گئدور
 دورت طرف دشمندی امداد ایله جانیمدور گئدور
 دوت آلیمدن بس ئوزون تاب و توانیمدور گئدور
 ئولمگہ اکبر گئدور الانہ اللہ شاهد اول
 حالہ یوخدور یانان ای خدای لا مکان

چکدیم آل قرآنہ خاطر گلشن گلزاردن
 یوموشام گوز بارالہا عترت اطہاردن
 ایستورم کسب فیوضات ایلیم بازاردن
 روز محشر بیر بئله عنوانہ اللہ شاهد اول
 باشند آتدیم هر زادی دوز سوزون واردور دادی

بو منای کربلا دور منده پرچمدار عشق
 وار یثری بوردان جهانہ نشر اولا آثار عشق
 تا بُلون سون کیمدی واقع مَحرم اسرار عشق
 ئوز بالامدان ئوزدوم آل مردانه الله شاهد اول
 عهدمین پابندهیم تا نقدر زیندهیم
 تلّدن اکبر آنوبدور عزم میدان ایلدی
 آت سالوبدور عرصه هیجایه جولان ایلدی
 صفالرین نظمین پوزوب اعدانی حیران ایلدی
 اود ویروب شمشیرلن عُدوانه الله شاهد اول
 رزم جنگ اُستاد دور مرتضا اولاد دور
 هر طرفدن قوْزانوبدور های هوی اشقیاء
 سیندروبدر شیشه آمالینی دست قضا
 سرنوشت اتمامه یتدی اَلْبَلَاءُ لِلْوَلَاءِ
 آله کی واضح اولان بُرهانه الله شاهد اول
 یتدی ئوز آمالینه آغلروخ احوالنه

اکبرین حالین دگرگون ایلوبدور منظره
 وار خبر باشند یارالاندی دولوب قان گوزلره
 ارباً ارباً صحبتندن دوغرانوبدور یکسره
 غوطه ور اوموش بدن القانه الله شاهد اول
 گوزلیور لایلا یولون بوینونا سالسون قولون
 ئوز دوتوب اخیامه عرض ایلوب بابا همرازوم
 دوشموشم تُپراقلار اوسته یارلی جانبازوم
 گر قبول ائتسه خدای لَمْ یزل سربازوم
 امر ائدوب سن تابعم فرمانه الله شاهد اول
 قاتمشم قان قانلارا قوشگلان قربانلارا
 ای منای کربلانون زینت و زیبا فری
 ای حسین بن علینون با لیاقت اکبری
 (ناطقی) عرض ایلور ای قانه باتان گل پیکری
 احتیاجیم واردی بس درمانه الله شاهد اول
 سیدی احسان ائله درتله درمان ائله

زبانحال حضرت لیلا علیها السلام
 «سینه زنی و زنجیر زنی و شور»

گیتمه دایان سؤزوم وار میدانہ اکبر اکبر
 یوخدور آناندا طاقت هجرانه اکبر اکبر
 شبنه پیمبر اوغلوم ، شهزاده اکبر اوغلوم

هر بیر قدم آتاندآ آرامیمی آلورسان
 آئینه حیاتی یکسر داشا چالورسان
 لیلانی غربت ائوده غمدن غمه سالورسان
 مجنون کیمی ائدرسن دیوانه اکبر اکبر

لیلا بویون فداسی یوخ آیری آقرباسی

بیلہ خیال ائدردیم هر کیمسه دن عزیزم
 بو علته علی جان زهرايه من کنیزم
 بیردن زمانه دوندی رحم ایله اشکریم
 ظاهر خطر یتشدی رُجحانه اکبر اکبر
 قطع اولدی راه چاره دوشدی آنان فشاره

ای یوسف زمانه ماه حجازیم اکبر
 آهو باخشلی گوزلن باخ وار نیازیم اکبر
 عمروم بویی قالاندی قلبیمده رازیم اکبر
 احوالیمی سوروشماز بیگانه اکبر اکبر
 اولماز دوتان آلیمدن دوشمز آدون دلیمدن
 آخ وایلن دولوبدور بو دشت غم فضا سی
 غیر از خدا که یوخدور لیلانن اِتکاسی
 گل قول بویون اولاخ گیت مظلوم حسین بالاسی
 روحیم گئدور سنيله الانه اکبر اکبر
 ای گوزلریم ضیاسی وی قلبیمون صفاسی
 باخ بیر منه دئیوم جان ای نازنین جوانیم
 بخت اولدوزوم عزیزیم وی یار و مهربانیم
 سلب اولدی تاب و طاقت یاندرما دلستانیم
 گل روح وئر قیت گیت بیجانه اکبر اکبر
 قالام ثولونجه آغلار آهیم جهانی داغلار

یوخدور علی بُلورسن سن سیز امیدگاهیم
 خلاق لَمْ یزلدور بو بارهده گواهیم
 گیتسون گئنه سؤزوم یوخ چوخ اولمارام مزاحیم
 ائتمز خجل آناسین فرزانه اکبر اکبر
 گل عطروی آلوم گیت قول بوینووا سالوم گیت
 دین عشقنه رضایم اولسون صودوم حلالون
 اما چتیندی بیرده دوشسون آله وصالون
 باری ثوبوم دویونجا اوغلوم گوئل جمالون
 اهداء ائدیم یول ئوسته جانانه اکبر اکبر
 تحفم علی گوئلدور محبوب لَمْ یزلدور
 اطرافوی آلبلار پروانه وار اوشاقلار
 محرمدی گل جماله بوسه ویران دوداقلار
 حسرت قالان آنا تک آغلور باخور قوناقلار
 اخیامدن باخولار جریان اکبر اکبر
 یاندیم فراقه یاندیم گلک لگه اوتاندیم

شاهد غم اثاثی اوضاع کربلایه
 جانلار فدا عزیزان اکبر کیمی فدایه
 دیدار ائدوب آناسین عازم اولوب منایه
 ئوز خدمتین یئتوردی پایانه اکبر اکبر
 یاره دگیب باشیندان قان داشلانوب قاشیندان
 اکبر گئدوب جهاده تعقیب ائدن آجلدی
 عشاقلر یانوندا واضحدی بی بدلدی
 ای (ناطقی) خیامه نعشی عبادہ گلدی
 رونق وئروبدور الحق قرآنه اکبر اکبر
 لیلایه همصدا یوخ مشتاق کربلایوخ

*

زبانحال مادر

اوغول فراقون ائدور درده مَبَنلا گئدوسن
وجودیمی ائدهجاخ فرقتون فنا گئدوسن

کیمه پناه آپاریم ای شبیه ختم رُسَل
بلالی چولده یوخوم آیری آشنا گئدوسن
چتیندی مسئله بو روزگاریده آناوا
بویون بلاسین آلوم دلدہ رِبْنا گئدوسن
گتور اوغول قولووا باغلاسون بی بیون قرآن
خیمده آل گتوروم ایلوم دعا گئدوسن
اوتانما گل ئوزووی قوی یانان ئورک باشنا
تسلّی خاطر اولا قلبمه بالا گئدوسن
صودوم حلالون اولای عزیز جان مادر
وئروب اجازه سنه شاه کربلا گئدوسن

قطعه

بهاریم عیشی دولاندی خزانه آیریلوسان
اولوبدی گوزلریم اشکی روانه آیریلوسان

آنالِق حَقّنی اوغْلوم رعایت ائله گِلن
یانور یانان ئورگیم جاودانه آیریلوسان
امام عصر وئروب اذن کارزار سنه
یوخومدور آلدّه بیر آیری بهانه آیریلوسان
نئدوم نچاره ائدیم ای عزیز جان مادر
آیمله تاپشورورام کوفیانه آیریلوسان
چتیندی مسئله پروردگار شاهدور
یانور یانان ئورگیم نازدانه آیریلوسان

رُباعی

گورمگه ممکن دگل بیرده گؤره لایلا سنی
رزمگهده گوزلیور ئولدورمگه اعدا سنی
وعده گاه عشقده بستر آچوبدور قان سنه
دعوت ایلوب عدیده گورسون آنان زهرا سنی

استمداد حضرت علی اکبر علیه السلام

« آهنگ باز هوای وطنم به اضافه واکیر »

زاده زهرا ئولورم ئولورم داده گل

وارث طاها ئولورم ئولورم داده گل

گلشن عمروم سولوب گوزلریمه قان دولوب

حالمی یوخدور سوروشان سوروشان درک ائله

تنگ اولوب الآن بابا جان بابا جان حوصله

لطف ائله سس وئر اورگیم اورگیم دینجله

مطلبه دارا ئولورم ئولورم داده گل

دشت غم افزایه باخ دورده اعدایه باخ

دوشموشم آخ وای یارالی یارالی تُپراقا

یوخ داخی امکان ئولورم بابا جان قالماقا

یوخدی توانیم آیاقا بُلوسن دورماقا

جسمده ازبسکه یارا ئولورم داده گل

دردیمه درمان گتور اکبریوه جان گتور

دورلیوب دورت طرفی بابا جان کوفیان
 حالِمه یوخدور گؤرونور ئولورم بیر یانان
 یاره لر آرامی آلودور اولوب قان روان
 یوخدی داخی چون چرا ئولورم داده گل
 شَبه پیمبر منم دوغرانان اکبر منم
 تنگه دوشوبدور نفسیم نفسیم آی بابا
 گلمه گوه واردور هوسیم هوسیم آی بابا
 چخموری آچاخدی سسیم که سسیم آی بابا
 درک ائله ای درده دوا ئولورم داده گل
 جان جهان هارداسان ورد زبان هارداسان
 زینت آغوش نبی بابا همراهوم
 مُفتخرم حجت حق بابا سربازوم
 دردیمی اظهار ائدرم بابا دم سازوم
 درده دوا روحه غذا ئولورم داده گل
 قان توکن اعدایه باخ دوغرانان اعضایه باخ

کاسه صبریم جالانوب جالانوبدور بابا
 باشمه یاره یتشوب بابا هاردان هارا
 وئرمور امان معرکده داخی بو اشقیا
 گیتدی توانا ئولورم ئولورم داده گل
 تنگه دوشوب حوصلم یوخ منه امکان گلم

اکبرون آتدان یخلوب کسیلوب چارهسی
 طاقتنی الدن آلوب بابا باش یارهسی
 فکر ائله گویا داغلوب یئرله گل پارهسی
 دوغرانوب اعضاء ئولورم ئولورم داده گل
 یارلنوبدور باشیم قانه دؤنوب گوز یاشیم

اکبر گُلگون کفنه کفنه جان فدا
 یارهلی یورقون بدنه بدنه جان فدا
 (ناطقی) گل پیرهنه ئولنه جان فدا
 عرض ائله مولا ئولورم ئولورم داده گل
 بوشدور الیم داده گل درک ایلینده اجل

زبانحال حضرت علی اکبر علیه السلام

یخلمشام یثره آتدان منایه گل بابا گل
کسوبدی چاره می دشمن هرایه گل بابا گل

دسُونله وار گَلنی دادینه بو مأواده
یوبانما خیمده ائتمم گلایه گل بابا گل
دورانمورام ایاقا باشمه دگوب یاره
سالوبلا اکبری دام بلایه گل بابا گل
دولوبدی گوزلریمه قان گورنمیرم گلهنی
دورام توان یوخومدور دِ فایه گل بابا گل
بو آخر عمرده نیلر منی گوروب گیده سن
بو گلمه گون یئتورر ارتقایه گل بابا گل
بابام علی کیمی باشیم قلیجلانوب ثولورم
یئتور بو مطلبی صاحب لوایه گل بابا گل
بویور بابا آناما باغلاسون قرا باشنا
اوتورسون عمّه لریمله عزایه گل بابا گل

خلاصه داده او دم شاه کربلا گلدی
 بویوردی گوزلرون آچ چاره‌سیز آتا گلدی

منی غمون گتورور آه زاره وای بالا وای
 آخور گوزوم یاشی غمدن عذاره وای بالا وای
 سسون گلنده قریلدی ئورگمین بندی
 نفس دایاندی دوشوبدور فشاره وای بالا وای
 منیم بو دردیمی اوغلی ئولن بُلر اکبر
 نلر اولوب اولاجاخدور دوباره وای بالا وای
 چتیندی مسئله پروردگار شاهدور
 ائدیم بو نقطیه ذره اشاره وای بالا وای
 آلیم عصاصی گوزوم نوری قلبمین ثمری
 چکنیرم ئوزومی من کناره وای بالا وای
 آتام علی کیمی شمشیریلن باشون بولونوب
 ائدوبله پیکروی پاره پاره وای بالا وای

جواب
زبانحال امام حسین علیه السلام

قانلا دولان گوزلروه جان فدا

دانشگلان سوزلروه جان فدا

آل چالوری دورده دشمنلریم

بو دوغراناں پیکروه جان فدا

اوخشویوسان پرپر اولان گلله

آدون دوشوب معرکده دلله

عمهلرون گوزلیوری خیمده

سن گیتمه سن من نه دئیوم ائلله

*

زُباعیات

ای اولان دینه فدا	وارث خیرُ الوَری
آچگلان شهلا گوژون	یادگار مرتضا
گلمِشم امدادوه	جان فدا اجدادوه
لعن اولا دنیا بوی	رحم سیز جلاّدوه

سن منی آتدون علی	مقصده چاتدون علی
بو منای عشقده	قائوه باتدون علی
آل چالور دشمنلریم	تُپراق ئوسته یاتما دور
من غریبی آتما دور	بی کسم آغاتما دور

مرحبا اقبالوه	چاتدون ئوز آمالوه
دوغرانوب گُل پیکرون	آغلورام احوالوه
قوی دئیوم آخ وای سنه	گلمیوبدور تای سنه
(ناطقی) آغلار دیر	اکبریم لای لای سنه

قطعات

جان زهرا قدرت نقّاشوه قربان اولوم
 قانيله ممزوج اولان گوز ياشوه قربان اولوم
 آل هاشيمدن او چولده اولين قربانى سن
 دینه خاطر پارچالانميش باشوه قربان اولوم

ئورک سؤزون دمگه يار همدم آختارورام
 نتیجه آلاماق اوچون قاره پرچم آختارورام
 يول ئوسته ساخلاميون هيئتین گئچور وقتى
 حسينون عاشقيم مجلس غم آختارورام

اماندى ايلمه بيزدن گلایه يا زهرا
 نولار ئوزون گله سن بو عزايه يا زهرا
 مقام عشقه ثابت قدملره خاطر
 بو جمعى دعوت ائله کربلايه يا زهرا

احوالات حضرت قاسم علیه السلام

«سینه زنی و زنجیر زنی»

ای عمو جان قاسمه وئر اذن میدان سال یولا
ایله سون جانین بو چولده دینه قربان سال یولا

وارث طاها عمو	زاده زهرا عمو
قوی الونله باشمه	تاج کرمنا عمو

آند وئرّم حقّوه ای حجّت پروردگار
راضی اولما من قلام آزاد ائله غمدن قوتار
ائت حساب عُشاق ایچینده کمترین خدمتگزار
صاحب جود کرم سن ایله احسان سال یولا
قوشگلان فِتیانلارا وصل اولوم قربانلارا

باخگلان فِتیان اسلامه یاتوبلار یان یانا
 آند اولا زهرايه باخدوقجا دونور قلبیم قانا
 حقّه جان بذل ایلمک واجبدی هر بیر انسانا
 ایلمه منع شهادتدن عمو جان سال یولا
 عُصّه دن آزاد ائله اذن وئر دلشاد ائله

هر نِیم اولاد زهرايم عمو همرازوم
 غملرون دریا کیمی امواج ائدور انبازوم
 مجتبادن یادگارم خُرداجا سربازوم
 سنی بحق فاطمه ای راد مردان سال یولا
 جلوه گاه عشق سن ملّته سرمشق سن

قان اولور قلبیم سولان رُخساره قربانم عمو
 انتظارم محضرونده اذن فرمانم عمو
 قلب عالم سن بُلورسن شیر میدانم عمو
 سسلور هَلْ مین مبارز قَوْمِ عدوان سال یولا
 قوخمورام میداندن فرقه عدواندن

آند وئرم دوغراناں شهزاده اکبر جانیه
 قلبوین آئینه سی شبّه پیمبر جانیه
 دیل دوداقی خوشک اولان شش ماهه اصغر جانیه
 آیریلور روحیم وجودیمدن بس الآن سال یولا
 غصّه مرگ اولام عمو گل کیمی سولام عمو

دست خط مُجتبایه لطف ائله گتدیم آله
 محضرونده ای عمو روشندی گون تک مسئله
 آیری سالما اکبروندن قوی تاپا ایش فیصله
 درد و غمدن تز قوتار وار الدّه عنوان سال یولا
 مَحرم اسرار سن حقّه پرچمدار سن

چاتموری قدّیم اَکِل سَن گوزلروندن قوی ئوپوم
 جدّیمه بنزر ئوزوندن لبلروندن قوی ئوپوم
 یتمه مِش پایانه عمروم اللروندن قوی ئوپوم
 ئوز قویوم پابوسوه ای روح ایمان سال یولا
 ای سفیر لَمْ یَزَل هر گؤزللردن گؤزل

باسدی جان تک باغرینا سلطان محشر قاسمی
 اکبریندن سچمدی فرزند حیدر قاسمی
 گوزلیور بس جنّة المأودة اکبر قاسمی
 یالوارور عرض ایلور ای شاه شهیدان سال یولا

دردیمه درمان عمو من سنه قربان عمو

بوینونا سالدی عزیز فاطمه بیر آغ کفن
 آگینه عزّت لباسین گیدی فرزند حسن
 آغرض چاتدی مراره قاسم گل پیرهن
 دمبدم اظهار ائدوبدور ایله احسان سال یولا

قاسم آماله چاتوپ قبریده باش سیز یاتوپ

کربلا سلطانه وئرّم قسم یا سیّدی
 وار یئری بو نوعلن عرض ایلسم یا سیّدی
 جان وئرن وقتیمده گل گور بی کسم یا سیّدی
 باشمین ئوسته گل اولسون الدّه بُرّهان سال یولا

روحمون آئینه سی ای سینان گل سینه سی

(ناطقاً) ایش بیر یئره چاتدی یخلدی مقتله
 باشی ئوسته لشگر اعدا ائدوبدور هلهله
 سینه سوزان اشکریزان تنگ اولوبدور حوصله
 سسلوب گل قاسمی ای شاه خوبان سال یولا
 رحم ائله امداده گل بیکسم سال یاده گل

اوخشاما

دین پرچمین اوجاتدی	قاسم وصاله چاتدی
ایستکلی سین قوجاتدی	کرب و بلا چولونده
قویدی مکر آناسین	شاد ایلهدی آتاسین
قاندان یاخوب حناسین	بُلَمَم بئله دئیوللر
مهماندی کردگاره	روحاً قوناقدی یاره
دفن ایلین مزاره	باش سیز قویوب وجودین
قاسم کمین جوانه	اولسون سلام او قانه
تُپراقلارا روانه	سو تک اولوبدی قانی

احوالات حضرت قاسم علیہ السلام

«سینه زنی و زنجیر زنی و شور»

قاسمه وئرگلن اذن میدان
جانینی ایلهسون دینه قربان
ای عمو جان ، ای عمو جان

بو بلالی چولون وار بالاسی
زندگینون داخی یوخ صفاسی
سالما تأخیره زهرا بالاسی
عاشقم وئرگلن جنگه فرمان

وئر اجازه ئوپوم آلرونندن
آیری سالما منی اکبروندن
باشوی آگ ئوپوم گوزلرونندن
اولموسان غصّه دن دیده گریان

بس لیاقت یوخومدور صغیرم
 لیک روحاً بلورسن کبیرم
 سنیم آزدور ولی بیچه شیرم
 جنگه بس طالبم مثل شیران

مانع اولما گئدوم کارزاره
 کوفیانی سالیم بس نهاره
 باخگلان جنگیده کم بهاره
 دشمنی ایلوم قانه غلطان

گرچه ظاهرده مولا اوشاقم
 دینه قربان اولام وار علاقم
 منده زهرایه سن تک قوناقم
 یول گوزتلور آنام زار و نالان

جنگین اوستادیم نامدارم
 قاچمارام عرصه دن بُردبارم

مجتبادهن اولان یادگارم
وار آتامدان بو گون جنگه فرمان

ئوز قويوم اذن وئر خاکپايه
يولاً جنگه گوتور آل دعايه
باخ داليمجا گئدوم بو منايه
راضيم بس اولام دينه قربان

چخمادی قاسمين شه سوزوندن
جان دئدی ئوپدی شهلا گؤزوندن
بوسه ويردی دوداقدان ئوزوندن
قول بويون اولدولار دیده گريان

اذن آلوبدور غرض شاهزاده
جبهه جنگه ايلوب اراده
عمه لر آغليوب آل دُعاده
بار إلهها ئوزون اول نگهبان

بیر قلج بیر کفندور سلاخی
 حیّ منّان اولوبدور پناهی
 پُشت سرده قویوب خیمه‌گاهی
 اولدی شاهون ولی صبری تالان

دین اسلامون اولدی فداسی
 غم‌لیدور قاسمون ماجراسی
 سالدی دلدن اونی باش یاراسی
 یاندیروب زینبی درد هجران

(ناطقا) قاسمه ظلم اولوبدور
 گل مثالی جمالی سولوبدور
 گوزلری باش قانیلا دولوبدور
 سسلنوب گل عمو داده الان

**

احوالات حضرت قاسم علیہ السلام

«سینہ زنی و زنجیر زنی»

داده گل ای شاه شهیدان عمو
جانیم اولا جانوه قربان عمو

دوشدوم بلایه تزگل هرایه زهرا عزیزى ائتمم گلایه

دوره می اعدالر آلوب یکسره

یاره ویروبلا ر عمو جان پیکره

باشدان آخان قاندی دولور گوزلره

یاره ویرور دمبدم عدوان عمو

دامه سالوبلا ر آرام آلوبلا ر

دشمن امان وئرمور عمو داده گل

معره که طوفانلودی فریاده گل

سالِ گلا عمروم قوتارور یاده گل

گوزلیورم خسرو خوبان عمو

یوخدور توانیم روح روانیم

دامه دوشوب اکبروین یولداشی
 حق طرفیندن اولاجاخ پاداشی
 قاسموین یاره لنوبدور باشی
 وئرمور امان باشندان آخان قان عمو

همرازوم گل سربازوم گل

گلشن گلزارون آچوپ منظره
 من گئدورم محضر پیغمبره
 ملحق اولام اوردا علی اکبره
 قانه باتار طالب رُجحان عمو

منده قوناقم تشنه دوداقم

قانه باتوپ فاطمه دُرَّیه سی
 سیندی عمو عمرومون آئینه سی
 خُرد اولونور قاسموین سینه سی
 وئرمور امان سُم ستوران عمو

دوشدوم فشاره سینمه یاره

بلمورم آخ صاحب علم هاردادی
 داده گله کان کرم هاردادی
 هی دئیورم میر حرم هاردادی
 قاسم ئولور درک ائله الان عمو

اعداء باخور گل قانیم آخور گل

گل گؤروم آخرده جمالون گیدیم
 تازه لنه بیرده وصالون گیدیم
 باری گؤروم حُسنِ کمالون گیدیم
 حشره اولای عالی بیر عنوان عمو

باشی بلالی ای کربلالی

آلدی سسون شاه شهیدان گلوب
 گوردی اولوب قاینه غلطان گلوب
 معرکیه فارس میدان گلوب
 باخدی یانوب منشأ ایمان عمو

گوز یاشی آخدی آخدوقجا باخدی

وار یثری فرمایش ائده یاتما دور
 خون دله گوز یاشمی قاتما دور
 بیکس عمون آغلوری آغلاتما دور
 آه چکور قلبی اولان قان عمو

گلدیم یارالی اکبر مثالی

گوتدی غرض یرده قالان قاسمی
 سینه سینه باسدی جوان قاسمی
 (ناطقی) جان قانی روان قاسمی

خیملره گندی پریشان عمو

غوغا یاراندی آرام آلاندی

*

قطعه

یاندیروب یاخدی امامی هر نگاهِی قاسمون
 مَسْلَخِ عَشَّاقده وار دور گواهی قاسمون
 دست خطِّ مجتبانِی الدّه عنوانِی ایلدی
 قالدی بوش اذن آلدی جنگه حجله گاهی قاسمون

رُبَاعِیات

عرض ائتدی عمو لطف ائله گل داده یوبانما
 قاسم یارالی جان وئورور اُفتاده یوبانما
 قان گوزلریمی دولدوروب ای خسرو خوبان
 سلب اولدی توان قالمادی اعضاده یوبانما

اوخ نیزه قلج طاقتیمی الدن آلودی
 دیداروه مُشتاق گوْزوم یولدا قالوبدی
 زهرا آنامون خاطرینه سالما نظردن
 سینمده سُتوران ایاقی نقشه سالوبدی

قاسم چاغرور داده سنی غملی چاقیندا
 گر اولسان عمو جان بو یتیمون سوراقیندا
 دین عشقنه آماله یتیشدیم ولی بیر سوز
 نعشیم داغلار درک ائله آتلار ایاقیندا

وئرموللر امان دورماقا سینم ازیلوبدور
 باش کاسه سینون قانی ئوزومدن سوزولوبدور
 قان گوزلریمه پرده چکوب شاه شهیدان
 واضح بُلوسن گل الیم الدن ئوزولوبدور

یاندیرما یانان قلبیمی پاداشوه خاطر
 سالما داخی گوزدن عمو گوز یاشوه خاطر
 عمروم قوتارور معرکه ده دادیمه تز گل
 قارداش بالاسین درک ائله قارداشوه خاطر

رحم ائتمه دی بو کوفه لیلر قاسمه تز گل
 احسان ائله قورتاردی ایشیم یاسمه تز گل
 بیر نوعله گل بلمیه عمم غمی چوخدی
 جان اوستیم اعلان ائله عباسمه تز گل

قطعه

وصال یاره چاتان قاسمه سلام اولسون
 جهانی گوزدن آتان قاسمه سلام اولسون
 وجود اطهرینی بذل ائدوبدی قرآنه
 او چولده قانه باتان قاسمه سلام اولسون

اوخشاما

آغلور گؤزوم او قانه قاسم کیمی جوانه
 کرب و بلاده یاران قانی اولوب روانه

احوال حضرت عباس بن علی علیه السلام

«سینه زنی و زنجیر زنی»

اذن وئر ای شاه شهیدان حسین
جانمی ایلوم سنه قربان حسین
سینم گلوبدور تنگه بو چولده
عباسی گوندر جنگه بو چولده

شاد ائله بو قلب پریشانیمی
تا یئتروم مقصده پیمانیمی
ثابت ائدوم دشمنه ایمانیمی
بذل ایلوم دینه اولان قانیمی
رهبر دین منشأ ایمان حسین

ای شمس عزت روحین غذاسی
قربانون اولام زهرا بالاسی

سینه سوزانوه قربان اولوم
دلده کی ایمانوه قربان اولوم

دیدۀ گریانوه قربان اولوم
جوشه گلن قانوه قربان اولوم
ائله علمداروه احسان حسین

سالما کمنده بو خسته جانی
گوندر جهاده طاها نشانی

قوش نَفراته آقا غمخواروی
ایلمه شرمنده علمداروی
شاد ائلسون غمزده قزلاروی
نهره وورا پرچم احراروی
قلبی محنت ایلیوب قان حسین

روحیم دوشوبدور مولا فشاره
زهرایه خاطر ائت درده چاره

آفت اسوب گلشن گلزاروه
صدمه یئتوب رونق پَرگاروه
ایله نظر سیدی دسیاروه
منتظرم لُطفوه گفتاروه

رُخصتِ اولا نوکره آلان حسین

هَل مین مبارز سسلور جماعت
ایله مرخص ای کان غیرت

پنج تن آل عبا سال یولا
پادشه کرب و بلا سال یولا
روحه غذا درده دوا سال یولا
نوکر وی ایله دعا سال یولا
گوزلوری یول فرقه عُدوان حسین

گهواره سینده سو گوزلور اصغر
قانه باتوبدور شهزاده اکبر

وعده سو وثرمشم عطشانلارا
جان دئمشم حالی پریشانلارا
قوش منی بو عرصه ده فیتیانلارا
مُلحق اولوم فارس میدانلارا
گوزلیوری جمله شهیدان حسین

مولا خلاص ائت عباسی گیتسون
عُشّاقلر تک مقصوده یتسون

قاندا سنون جاندا سنون قوی گئدیم
دینینه قرباندا سنون قوی گئدیم
رُتبه رُجحاندا سنون قوی گئدیم
روضه رضواندا سنون قوی گئدیم
گرچه بوگون سختدی هجران حسین

آیری بهانه یوخ الده مولا
مایوس ائتمه ای جان زهرا

ای خَلَفِ شیر خدا قیل نظر
شیعه لری ایله دعا قیل نظر
مایه اُمید عطا قیل نظر
ایستیروخ کرب و بلا قیل نظر
(ناطقیه) اولگلا بُرهان حسین

جان ئوسته مولا سال یاده تز گل
وار انتظار امداده تز گل

حالات بسته شدن راه فرات

«سینه زنی و زنجیر زنی و شور»

باغلانوب سو یولاری کرب و بلاده شیعه‌لر
صحبّت سو وار بوگون خیمه‌سراده شیعه‌لر
خُرداقزلار وای دئیور اصغره لای لای دئیور

ایلیوب غملر احاطه عترت پیغمبری
تشنه‌لوخ دلدن سالوبدور شیره‌خواره اصغری
عابد بیماری محزون ایلیوب غم بستری
آیری اوضاع گورسنور زین العباده شیعه‌لر
درد و غم مأنوس اولوب شدّت تبّدن سولوب

دمبدم محنت سالور واضح فشاره زینبی
موجلّی دریا کیمی آلمش کناره زینبی
ایستیور غرق ایلسون اول بخت قاره زینبی
قُدرتیندن ایلوب اعداء استفاده شیعه‌لر
حق کچیلمز باطله گر دوشه هر مُشکله

کوفه تیراندازی دورت مین نه‌ریده چکمش حصار
 منجنیق غم سخوب اولاد زهرا بیقرار
 غیرتیندن تتریور اخیامیده شاهین شکار
 آل اطهارین گۆزی صاحب لواده شیعه‌لر
 محرم اسرار دور حقه پرچمدار دور
 صاحب اولموشدی ابوالفضل پرچم حُرّیته
 اولمادی راضی یئته ذره خلل امنیته
 محضر سلطانه گلدی باوفا بو نیته
 خدمتی اسلامه الحق فوق‌العاده شیعه‌لر
 باشله جان‌دان گئچوب سو یئرینه قان ایچوب
 عرض ائدوب وئراذن میدان شاه‌محشر سال یولا
 ایلمه شرمنده عبّاسون سنه قربان اولا
 باغلارام وئرسون اجازه سعد و شمیری قول قولا
 اذن آلودور گیتمه‌گه ائتدی اراده شیعه‌لر
 گیدی عزّت جامه‌سین باغلادی عمّامه‌سین

اولدی آماده سپهسالار لشگر خیمده
تشنه‌لیقدان آغلیور شش ماهه اصغر خیمده
جنگه اقدام ایله‌دی فرزند حیدر خیمده
همّت مردانه‌لوخ وار باوفاده شیعه‌لر
مرد دور مردانه دور خدمتی قرآنه دور
یولانوب سمت منایه صاحب عزّ و شرف
یول مشخص گون کیمی البتّه واضحدور هدف
اهل عرفان ایلمز بیجا یثره عمرون تلف
اولمیوب اولماز خطا اهل ولاده شیعه‌لر
خطّ مشی مُنجلی یا علیّ و یا علی
سَدّ اسکندر کیمی دوردی مقابل لشگره
حیدر کرّار تک سالدی نظر بیر صفرله
صاحب پرچم او چولده جنگی ائتدی یکسره
مرد و مرکب تُپراقا اولدی فتاده شیعه‌لر
جنگ ائدور صاحب علم قولّاری اولموب قلم

رشته آمال کفری زاده حیدر قیروب
 مرجبا بیر حمله سینده مقصده پرچم ویروب
 شهریار مُلک غیرت مشکین اوّل دولدوروب
 شُکر معبوده سزا دل ربّاده شیعه لر
 دولدوروب اوجون غرض ایلوب رأین عوض
 نفسینی عقلیله بس عبّاس معیار ایلدی
 معنویّت جامینی واقعه سرشار ایلدی
 هم جهاد اکبر ائتدی نفسینی خوار ایلدی
 آفرین و حبّذا بیله جهاده شیعه لر
 مرکبندن دوشمدی بیرجه قطره ایچمدی
 نهردن خارج اولوبدور اول امیر با وفا
 ئوز قویوب سمت خیامه البلاء لِلّٰه
 دورت طرفدن شیر میدانه کمند آچدی بلا
 ذرّه جه ابرو خم ائتموپ ابتلاده شیعه لر
 تیغ آتشباره باخ مُرشد پیکاره باخ

حمله گندی اشقیا شدّت لنوب جنگ جدل
 وار خبرده خیمه گاهه سو یئتوردی ماحصل
 (ناطقا) بیر آیری یئرده وئرمدی مهلت اجل
 شیردل مایوس اولوب سعی و صفاده شیعه لر
 قولاری اولدی قلم تُپراقا دوشدی علم

**

این قطعه از برادرم حاج مجید محمدی است

سزادی نوکر اولاخ شهریاره هر ایکیمیز
 سلام ائداخ او شه تاجداره هر ایکیمیز
 آنامدی حضرت زهرا کنیزی خوش حالینه
 فدا اولاخ ائله خدمت گذاره هر ایکیمیز

اشاره به امان نامه
«سینه زنی و زنجیر زنی و شور»

گتدی شمر امان نامه با وفا ابوالفضله
ایسته دی امان وئرسون مه لقا ابوالفضله

ای عمو جان ای عمو جان

تلّیده دوروب گویا سسلنوب جفا کردار
منظره غم افزا دور سس اوجالدی ناهنجار
وئردی روحاً عبّاسه شمر بیحیا آزار
ایستیور اولا ظالم آشنا ابوالفضله

طالب اولسا هر ظالم مُلک مال دنیایه
دهریده اولار دشمن یادگار زهرايه
علّتی او دور گتدی شمر نامه سقّایه
اولدی کم عیاريله التجاء ابوالفضله

هاردا دور دئیون گلسون شیرزاده شیر عباس
ایستورم بو مأواده وار بُلّه خطیر عباس
کوفیه گئدک اولسون ملّته امیر عباس

مرد و زن دئسون به به مرحبا ابوالفضله

روبرو اولوب مولا مرد نابکاريله
تاپدی فیصله مطلب اوردا اختصاريله
نامه نی او سرداره وئردی چوخ زهاريله

لرزه دوتدی اندامی باخدی تا ابوالفضله

آلدی نامه نی پاره ایله دی وفا کانی
بی تهوّر حاليله قودی پیر سُفیانِی
کربلا مناسینده زنده ائتدی قرآنی

قزلاری سؤویندیردی جان فدا ابوالفضله

ائتدی بیله فرمایش ای پلید بی غیرت
کردگاره آند اولسون یوخی سیزده حیثیت
یادگار طاهایه وئرمه دوز بس امنیت

بی حیا اولار بو ایش گور روا ابوالفضله

افتخار اسلامون محضرونده من قالاَم
 کیم حسینه کج باخسا انتقامِنی آلاَم
 رُخصتیم اگر اولسا تیغی بوینووا سالاَم
 مکتبِیندن ال چکسه اَفّ اولا ابوالفضله

اول امیر دریا دل روح وئردی قُرآنه
 باشه وئردی واللّهی خدمتین صمیمانه
 بذل ائدوب گوژل قانین کربلاده جانانه
 غیر از حق وئرن اولماز خون بها ابوالفضله

صرصر خزان اسدی بوستان طاهایه
 عاشقان سلام اولسون دل شکسته زهرايه
 کربلا مناسینده رُتبه وئردی سَقایه
 معنویّت آرتوردی ارتقاء ابوالفضله
 عالمین فدا جانی نیتِ ابوالفضله
 پی آپاردی بس اعدا غیرتِ ابوالفضله
 شه ئوزی صفا ویردی حرمتِ ابوالفضله
 (ناطقا) دئیاخ با هم حبّدا ابوالفضله

زبانحال درباره وداع آخر حضرت ابوالفضل علیه السلام

دوشوبدی مُشکله ایش صاحب علم گئدوری
حقیقت نُسته اولان قولاری قلم گئدوری

چتیندی مسئله بُلَم نه نوعی عرض ایلیوم
وزیرِ نون دالیجا شاه محترم گئدوری
ادب. طریقنی عباس ثولونجه بوشلامادی
دئدی بو درگهی والایه نوکرم گئدوری
عُبار غم بُرویوب اهل بیت اطهار
چکیده سوزه باخ رونق حرم گئدوری
گئدن قیتمیری اخیامه قانلو میداننان
منای حقّه طرف حافظ خیم گئدوری
وئروب سو قوئی سوسوزلارا اول وفا کانی
اُندوبدی یاد گئجه خیمده قسم گئدوری

سفیر عشق باخور اشکبار گوزلرلین
 ئولوم آتین مینوب عباس دمبدم گئدوری
 امیدوار دور اخیامه سو گتورمه گینه
 اگرچه بستر آچوب جبده آلم گئدوری
 آتوبدی هر زادی باشندان وصال یاره گوّره
 غم ئوسته غم یارا دور اول وفا شیم گئدوری
 ئوزونده هاشمی خالی جمالی مرتضوی
 صفوف معرکه نی ائتمگه بهم گئدوری
 بئلینده تیغ شرربار آئینده پرچم دین
 اجازه اولسا ائدر دشمنی عدم گئدوری
 امام گوّن مکان باخدی زُبده ناسه
 سزادی بیله بویورسا وفالی عباسه
 امید آل علی سرو بوستان گئدوسن
 جفا الیله سولار عیش گلستان گئدوسن

بیر آز توقّف ائله حالیمه یانان یوخدور
 ئورکده واردی سؤزوم صبر ائله دایان گئدوسن
 قرار طاقتیمی آلما بیکسم قارداش
 آنام بتوله قسم باغیریم اولدی قان گئدوسن
 دایان اوزون قوللوا باغلاسون باجون قرآن
 عزیز فاطمه‌نی چوللره سالان گئدوسن
 قدم گوتوردوقجان روحیم آیرلور تندن
 نئدیم نچاره ائدیم یار مهربان گئدوسن
 نقدر سن واریدون آمندیدی آلُ الله
 حریم عصمته زیننده پاسبان گئدوسن
 سن اولماسان گتورّر حمله خیمه‌گاهه قشون
 خیامی غارت ائدر قوم کوفیان گئدوسن
 منای عشق چکوپ وعده‌گاهه عَشّاقی
 ولی سن ایلوسن صبریمی تالان گئدوسن

حیاتیتم آینه سین داشه چالما بیر قولاخ آس
 یانور یانان ئوره گیم قالموری توان گئدوسن
 سؤزوم بودور گل اولاخ قولبویون سورا آیریل
 آیاخلاریم یثریمور یوخ داخی امان گئدوسن
 ساللا قولاروی کوفیان امان وئرمز
 گؤزومه جلوہ نور غملی داستان گئدوسن
 یخالا تُپراقا قولسوز یارالی پیکروی
 آراده حاکم اولار تیغ جانستان گئدوسن
 عمودیلہ داغلان باشوه ئوزوم قربان
 مصیبتون ائده جاخ قدیمی کمان گئدوسن
 بُلوردی (ناطقی) علم امامتیلہ نولار
 اودور بویوردی بیر آز صبر ائله دایان گئدوسن

*

زبانحال حضرت امام حسین علیه السلام

«سینه زنی ، زنجیر زنی و شور»

گیتمه دایان سؤزوم وار ای مه لقا ابوالفضل

محبوب حی داور صاحب لوا ابوالفضل

سرلشگریم امیدیم لشگر گندوب آلیمدن

آل عبا پناهی دوشمور آدون دلیمدن

بیر کیمسه نین خبر یوخ قلبیمده نیسگیلیمدن

مجروح اولوبدی سینم هاردان هارا ابوالفضل

آراممی آلیمدن آلما آماندی قارداش

گوز یاشمه نظر قیل سو تک رواندی قارداش

بیکس قالور حسینون چوخ ناگراندی قارداش

سالدی منی آیاخدان درد و بلا ابوالفضل

قزلار باخور دالونجا سو جامی اللرینده

تنها سنون آدوندور اطفال دللرینده

نِسْگِللی ماجرالر وار چوخلی سوزلرینده
اولاد بی پناهیم ایلور دعا ابوالفضل

اللّٰه سنی حسینه چوخ گورمه سون برادر
بُلْم وجود پاکون عالم لره برابر
گرچه باتوپدی قارداش قانه بو چولده اکبر
اما گندور سنیله کُلّا قوا ابوالفضل

روحیم چخور قفسدن هر بیر قدم آتورسان
امیدی قطع ائدورسن پیچ و خمه سالورسان
بو گیتمه گونله قارداش تاب و توان آلورسان
دور قول بویون اولاخ گیت ای با وفا ابوالفضل

امداد ائدن تاپولماز اولاد بو تُرابه
اصغر و ثرور خجالت دلتنگ اولان رُبابه
گیتدی توان طاقت قویدی قدم رکابه
بیچاره لر اُمیدی مشکل گشا ابوالفضل

روحیم گئدور سَنیله ای محترم یاواش گیت
 مجذوب ائدوب شهادت ثابت قدم یاواش گیت
 سسلور سنی حسینون بس دمبدم یاواش گیت
 دور ایستورم سالوم بیر قول بوینووا ابوالفضل

قارداش سسین ایشیدجک سمت خیامه باخدی
 آندی یئره آت اوستن فوراً امامه باخدی
 کُرنش ائدوب او سَرور دوردی قیامه باخدی
 مولاسینی گؤرنده درده دوا ابوالفضل

وئردی سلام امامه عرض ارادت ائتدی
 امر امامی واجب بُلدی اطاعت ائتدی
 هر نوعی مشکلاتی بیر بیر اجابت ائتدی
 چون قول بویون اولوبلار دوشدی یولا ابوالفضل

فرزند بو تُرابه رُتبه وئرن عملدی
 میر حرم قیتدی سمت خیامه گلدی

مثلین زمانه گورمز عبّاس بی‌بدلدی
اولدی غرض یول ئوسته شهدن جدا ابوالفضل

عبّاس ئوزون یتوردی میدان کارزاره
واقعه بس توکل ائتمشدی کردگاره
ساق پنجه‌سین آپاردی شمشیر آبداره
ووردی ئوزون سپاهه برق بلا ابوالفضل

شمشیر آنده‌گیدن چون ایلدیریم شاخوردی
باشلار تُرابین ئوسته دوشدقجا قان آخوردی
سلطان بی‌پناهان قارداشینه باخوردی
قولاروه دئیوردی جانلار فدا ابوالفضل

هر دم وئوردی لنگر صمصام خونفشانه
فریاد و شور غوغا قالخوردی آسمانه
بیر بیله شیر هیجا گورمز داخی زمانه
ائتدی نظام جنگی یکسر فنا ابوالفضل
اهل دله کفایت ایلر بو بیر اشاره

یازسام دوشر بو مطالب انصافدن کناره
ای (ناطقی) نه اولدی آخر او کم بهاره
اظهار ائتمه عرض ائت صد مرحبا ابوالفضل

قطعه

قانه ممزوج اولان گوز یاشوه قربان حسین
جانب حقدن گلن پاداشوه قربان حسین
عنقریباً دعوت ائله کربلاده عرض ائداخ
دینه خاطر دوغرانان قارداشوه قربان حسین

ایضاً

آرامش جان متن ولایتدور ابوالفضل
باشدان ایاقا شمع سعادتدور ابوالفضل
قولسوز بدنیله یخلوب مَسْلَخ عشقه
زهرايه قسم زیب امامتدور ابوالفضل

شجاعت حضرت عباس علیہ السلام

«سینه زنی ، زنجیر زنی ، شور و رجز»

کوفه لیلر آگه اولون مطلبه
 آل عبا اوغلی ابوالفضل منم
 تیغ شرر باریم آچار منظره
 شیر خدا اوغلی ابوالفضل منم
 استاد جنگم ، بیر فوج هنگم

وئرمشم امضا بویانام قانیمه
 روح وئرم دینیمه قرآنیمه
 جان دئشم سوگلی جانانیمه
 تا یتیشم عهدیمه پیمانیمه
 نام نشان ایستمیرم دهریده
 صاحب عطا اوغلی ابوالفضل منم
 دینه فدایم ، درد آشنایم

من آقامون یار و مددکاریم
 نوکریم مَحْرَم اسراریم
 اذن و ثروب قافله سالاریم
 لشکریم یالقوز علمداریم

سینه سیناده تجلای حق
 نور ضیاء اوغلی ابوالفضل منم

امر بَرَم خالقیمه بندیم
 خدمت ائدم تا نقدر زیندیم
 رهبر اسلامه نمایندیم
 حشرجه دنیا بوی پایندیم

کیمده جسارت گله وار جنگمه
 برق بلا اوغلی ابوالفضل منم

یالقوز حسینون یل هیجاسیم
 وار نقدر جانیم اونون پاسیم
 قافه چخان سهمگین عنقاسیم

معرکہ نون باہنر عباسیم
وارث شجعانم آیا کوفیان
نَصَّ شجا اوغلی ابوالفضل منم

صاعقه تیغیمدن آل ائتسم شاخار
ما خلقین روحنی رُعبیم سخار
دشمنی ذلّله تُرابه یخار
جنگ ایلین منله ئوزوندن چخار
مُرشد پیکارم اولون باخبر
شیر خدا اوغلی ابوالفضل منم

مرشد پیکاریم علیدور علی
واقعی معیاریم علیدور علی
حشرہ جہ آثاریم علیدور علی
رونق بازاریم علیدور علی
نایب سلطان رسالتدی بس
کُلّ قوا اوغلی ابوالفضل منم

حَقِّ دانوب ناحق اوچون بنده سیز
 واضح مطلب بودی شرمنده سیز
 هر ایکی دنیا ده سرافکنده سیز
 آنلامسوز ناحقه گوینده سیز
 دعوت حق ایلورم آگاه اولون
 میر هُدا اوغلی ابوالفضل منم
 صبریده ایوبی سالیب حیرته
 باخگلان اخلاصلی عبدیتّه
 دینه طرفدار اولان نیتّه
 عزّت و حیثیت و شخصیتّه
 ال آپاروب تیغ شرربارینه
 مکه منا اوغلی ابوالفضل منم
 (ناطقی) ایمانی چکوب عزّته
 آفرین عبّاسیده کی همّته
 حامی اولوب پرچم حرّیتّه
 قولارینی ساتدی آغیر قیمته
 صاحب پرچم بویوروب لشگره
 درده دوا اوغلی ابوالفضل منم

اظہار ارادت بہ پرچمدار کربلا

« سینه زنی ، زنجیر زنی »

فارس	میدان	ابوالفضل
حامی	قرآن	ابوالفضل
دعوت	ایله	کربلا

جان سنہ قربان ابوالفضل
خوشدی اوردا وای دیاخ
اصغرہ لای لای دیاخ

سرو	بوستان	امامت
مرکز	صدق و	صداقت
زینت	مُلک	ولایت

ای گل رضوان ابوالفضل
سالما گوزدن شیعه‌نی محو اولادین دشمنی

صاحب عزّ و شرف سن
خوش آدیلان مُتّصف سن
زاده شاه نجف سن

شافع عصیان ابوالفضل

عهدمیزده باقیوخ قبروین مشتاقیوخ

خوشلوروخ کرب و بلانی

بیر گوراخ قانلو منانی

شیعلر وردی زبانی

صاحب احسان ابوالفضل

پیشگاهون با صفا قیل نظر بابُ الرّجاء

آغلا دور درد فراقون

سویملی صحن رواقون

وار حضورونده قوناقون

ائتموسن مهمان ابوالفضل

بیزده مشتاقوخ گلاخ قبروین عطرین آلاخ

سن حبیبی لَمْ یَزَلْ سن
یوخ مثالون بی بدل سن
هر گوژللردن گوژل سن

جان ابوالفضل جان ابوالفضل

قانون اللہ قانیدی سن سیز عالم فاندی
ایستہ مولا کربلایہ
ئوز قویاخ خیمہ سراہ
آگلہ شاخ اوردا عزایہ

صاحب وجدان ابوالفضل

منبع جود کرم قولاری تندن قلم
صبریلر یغمایہ گیتدی
عُمردن سرمایہ گیتدی
قویمادوخ اجرایہ گیتدی

اولموری جبران ابوالفضل

سن بیزہ سرمایہ سن دوسلارا پیرایہ سن

احمد مختاره خاطر

حیدر کرّاره خاطر

جعفر طیّاره خاطر

ایله تز احسان ابوالفضل

عاشقوخ دیداروه قوشگلان زوّاروه

درتله ایله معالج

حل اولاً مولا نتایج

قیل نظر باب الحوائج

درتله درمان ابوالفضل

مطلبه آگاه سن زیب قربانگاه سن

عالمی گوزدن آتوبسان

محضر حقّه چاتوبسان

قبریده باش سیز یاتوبسان

مایه رضوان ابوالفضل

صبروه قربان اولاخ قبروه قربان اولاخ

ظلم اولوبدور کم بهاره
 (ناطقا) بس دور اشاره
 جسمینه دگمیشدی یاره
 قالدی سرگردان ابوالفضل
 باتدی یکسر قانیه جان فدا ایمانه

زُباعیات

ای کرب و بلانون یل هیجاسی ابوالفضل
 آلوده اولان قانیه سیماسی ابوالفضل
 قالدی آناوین گوزلری یولاردا ثولونجه
 دین ثوسته سوسوز دوغراناں اعضاسی ابوالفضل

هر کیم قاپووا گلسه آلا ر عالی نتایج
 امراض مُحَبَّانه ثوزون ایله مُعالج
 عمروم قوتارور قویما قالاخ قبروه حسرت
 قُوش بیزلری زُواروه یا باب الحوائج

سلطان وفا قدرت نقاشوه قربان
 ظلمیله عمود آتدا سِنان باشوه قربان
 باش قول یاراسینداندان چتین اولدی شمات
 امداده چاغیردون گله قارداشوه قربان

دنیا بوی دنیاده کی آثاروه قربان
 قارداش آدی زبینه دی گفتاروه قربان
 قولسوز بدنون لنگر ائدن وقته آت ئوسته
 زهرا دئی گُل سینمه قولاروه قربان

آل یوخ سیله سن معرکه ده قانی ئوزوندن
 یاندی بویانان قلبیم اوغول اودلی سوزوندن
 زینب گله جاخ باشوی دسمالیله باغلار
 اما نگرانم بالا من اوخلی گؤزوندن

احوال حضرت عباس علیه السلام

حسینون ئوستونه یاران غم ئوسته غم توکولوب
رَسا قدی آقامون درد و غُصّه دن بوکولوب

او ساعتی که ابوالفضل ئولوب عَلم یاتدی
امام حسینی او غم شدّیله آغلاتدی
خیامه قارداشون گل آخا سَسی چاتدی
آلوبدی کوفه نون اهلی ارایه قارداش گل
سالوبلا قولاریمی گل هرایه قارداش گل

بو سُون نفَسده منی درک ائله یارام چوخدی
ازلده صبریمی تالان ائدن بو بیر اوخدی
نئدیم نه چاره اوخی چکمه گه آلیم یوخدی
قَبانی یکسره قاندان بُرونموشم تز گل
دوشنده مرکبین اوستن سورونموشم تز گل

دینمَرَم خدَماتیم حسینیم اَکملدی
 اولان اولوب سوووشوب مجلسیم مُجللدی
 یوبانما خیمده گل فاطمه آنام گلدی
 شریک اولانماشام ساقلقیندا غملرینه
 یارالی باشیمی قویدوم گلن قدملرینه

قولون سینان باشمین آتدا بالش ائتدی آنام
 سیلوب دوداقلاریمی چوخ نوازش ائتدی آنام
 بئله بویوردی منه بیر سفارش ائتدی آنام
 اوتانما سینمه گل قویگلان سینان باشوی
 چاغیر هرایوه گلسون وفالی قارداشوی

او دور که من دئیورم یانه یانه قارداش گل
 یارالاریمدان اولوب قان روانه قارداش گل
 هدف وجودیم اولوب کوفیانه قارداش گل
 گلنمدیم خیمه گل ئوزون الیم بوشدی
 خجالتم آتام اوغلی ئولوم منه خوشدی

آلوبدی خیمده قارداش سسین ولیّ اُمم
 چتیندی مسئله قولار دوشوب یاتوپ پرچم
 نه حالتیله بلنم قویوب رکابه قدم
 کسیلدی چاره یولی چاره سیزلر آغلادیلار
 یانان ثورکلری عباس آدیلار داغلادیلار

سوار مرکب اولوب سبط احمد مختار
 باخوردی حسرتلن انتظار اولان بالالار
 دئیوردیلر کمک اول یا رحیم و یا غفار
 گئدوب گمکلری الدن بو یالقوزا یار اول
 پناه عالمیان بی پناهه دسیار اول

یتوبدی مرکز میدانہ باخدی اعدایه
 الینده تیغ دو دم آل اوجاندی دعوائیه
 ویروب یخوب داغدوب اشقیانی صحرایه
 ائدوبدی حمله دمام سینجلی بالاسی
 تلاش ائدوبدی تاپا قارداشین علی بالاسی

بویوردی قاجمیون ای کوفیان بی غیرت
 حقیقتی دانسوز یوخی سیزده حیثیت
 امام مُفَرِّض الطَّاعِیَه یوخ امنیت
 حیاء یوخوز گُورونور دل شماتته آچسوز
 واریزدی عُرْضه دورون جنگ ائدک هارا قاجسوز

سالوبدی نهره طرف شاه کربلا یولونی
 باخوردی نیزه لره آختاروردی ساق صولونی
 گُوروبدی تُپراقین ئوستونده قارداشین قولونی
 بیرری بیریندن عزیزان آرالی دوشموشدی
 نئجه دئیوب اوجا قامت یارالی دوشموشدی

ازلده اللرین ئوپدی توكوبدی گوزدن یاش
 خلاصه چاتدی نه حاليله قارداشا قارداش
 او قدر ویرمیشدی یاره فرقه اوباش
 دوگوندى قلبی گُورن وقته گوز یاشی آخدی
 خمیده قامتلن قارداشا دوروب باخدی

سفیر احمد مُختارین آھی قوژاندی
 فؤاد حیدر کرارین آھی قوژاندی
 باخندا حُجّت دادرین آھی قوژاندی
 نہ حالِدہ یخلوب گوردی قولسوز اعضاسی
 اگیلدی قامتی غمدن گورندہ عبّاسی

شرار غملرہ یاندی آلشدی ئوز ئوزونہ
 اوتوردی قویدی ئوزون قارداشون سولان ئوزونہ
 دَگوبدی آلینا اوخ قان دولوب ایکی گؤزونہ
 تمام اوخلاری تندن چکوب یثرہ آندی
 حسینی شدّتلن گوزده کی اوخ آغلاندی

بویوردی ویرمارام آل آند اولای علی جاننا
 ائلہ بئلہ گئدہ سن فاطمہ آنام یاننا
 وفالی قارداشمون امتیازی وار تاننا
 باشیندا تاج شرافت بدنہ چوخ یاراسی
 آلور قراریمی الدن گؤزونده اوخ یاراسی

تُرَایین ئوسته دوشن وقته پیکرون قارداش
 او حالده یوخوموش تنده اللرون قارداش
 آچلموری باخاسان قانلو گوزلرون قارداش
 بئلیم بوکولدی داخی صبر کاسه سی جالانوب
 ئوزون ندن آتام اوغلی بو نوعی پارچالانوب

جواب وئر منه ای صاحب علم یانورام
 حقیقت ئوسته اولان قولاری قلم یانورام
 بو قدر اولما رضا شیونه گلم یانورام
 آدام سیزام بُلوسن تُپراق ئوسته دور یاتما
 کسِیلِمِش الله قربان حسینی آغلاتما

کیمه پناه آپاریم یوخ داخی هواداریم
 کیمه وئریم علمون تا اولما علمداریم
 گوزتلیور یولووی خیمه گهده قزلاریم
 تکوبله حسرتلن گوز تمامیسی یولووا
 رُقِیّه بلموری آفت یئتوب ساق و صولووا

نَجَّه من آغلامیوم تُپراق ئوسته اللریوه
 نَجَّه من آغلامیوم بو یارالی پیکروه
 نَجَّه من آغلامیوم ظلمیله سنان سریوه
 عمود ضربه سی آراموی آلیب قارداش
 حیاتین آئینه سین داشلارا چالیب قارداش

نَجَّه من آغلامیوم صبری زینبون تالانیب
 نَجَّه من آغلامیوم ئولمه گون قراریم آلیب
 نَجَّه من آغلامیوم اللریم بئلیمده قالیب
 نَجَّه من آغلامیوم بو مکانه غموه
 نَجَّه من آغلامیوم یئرده قانلو پرچموه

آتوبدی (ناطقی) آل دامن ولایتوه
 سنی قسم وئیرروخ مطلقا امامتوه
 بو جمعی دعوت ائله یا حسین زیارتوه
 ائدندون یارالیدی معالج عباسه
 بیزی قوناق ائله باب الحوائج عباسه

زُباعیات
زبانحال امام حسین علیه السلام

دوئن بهاری خزانه یارالی قارداش وای
دوشن قبیله دن ائلدن آرالی قارداش وای
بو نِسگل اولدی حسینون ئولونجه قلیبنده
دانشموسان گئدورم کربلالی قارداش وای

نئجه من آغلامیوم سالدیلار سنی دامه
نئجه من آغلامیوم توش اولوبسان آلامه
نئجه من آغلامیوم ای عزیز جان قارداش
نئجه من آغلامیوم زینبیم گئدر شامه

نئجه من آغلامیوم قان ائدوبله گوز یاشمی
سن اولماسان بلورم کوفیان کسر باشمی
کسیلدی چاره یولی دورماقا توانیم یوخ
نئجه من آغلامیوم ئولدوروبله قارداشمی

نَجّه من آغلامیوم قان دولوبدی گوزلریوه
 نَجّه من آغلامیوم تُپراق ئوسته پیکریوه
 نَجّه من آغلامیوم عضودن چخوب اعضاء
 نَجّه من آغلامیوم بو کسلیمیش اللریوه

نَجّه من آغلامیوم باتموسان قزل قانه
 یخلمسان یارالی قان ایچینده میدانه
 نَجّه من آغلامیوم پرچمون قالیب یترده
 آلolanور ثوره گیم باشی نار هجرانه

منای عشقده مقصوده چاتموسان قارداش
 نظردن عترت طاهانی آتموسان قارداش
 امید آل علی دورماقا توانیم یوخ
 حسینی دشمن ایچینده قوجاتموسان قارداش

اوخشاما

قارداش منی یانديرما یانديروب اوتانديرما

دورانمورام	ایاقا	آدام سیزام	سیندیرما
کسوبله ساق صولووی		گوزلین وار	یولووی
خیملرده	بلموللر	سالوبدولار	قولووی
آغلور سنه قارداشون		قانه دونوب گوز یاشون	
عمودیلن وای منه		پارچالانوبدور	باشون
هارا گتدیم هارام وار		غملمر منله وارام وار	
دوغریوبلا	اکبری	ئورگیمده	یارام وار
پرچم کفر	اوجالدی	غمدن حسین	قوجالدی
آچ گوزوی	ابوالفصل	ایم	بئلمده
		قالدی	

قطعه

حضرت عبّاسه خاطر یا حسین
 اوردا کی اجلاسه خاطر یا حسین
 دعوت ائله کربلا ده آغلیاخ
 دایر اولموش یاسه خاطر یا حسین

عشق مجازی و عشق معنوی
(نامحرم اولاً، کعبه مقصوده گلنمز)

شمعین دولانور دورینه پروانه سیزیلدیر
پَرلر توخانور شعله سوزانه سیزیلدیر

پَروا ائله میر یاندیراجاخ اوت پَر و بالین
ایستور چاتا مقصوده صمیمانه سیزیلدیر
جانانه طواف ایلور معشوقه یتیش سین
اشکین آلیور شمعه شمدانه سیزیلدیر
اسرار اولی بس طالب مُطلوب آراسیندا
بُلْمَز نَدی منظورینی بیگانه سیزیلدیر
نامحرم اولان کعبه مقصوده گلنمز
یول باغلیدی محرابده فرزانه سیزیلدیر
افسرده اولان بُلْبُلون احوالنه باخسان
گُلدن چخوب آل غمِلیدی هجرانه سیزیلدیر
هر کیمسه گلیب میثم تمّار اولاً بُلْمَز
مولاسینه وابسته دی دوردانه سیزیلدیر

باش گیتسه ده دین ئوسته نه لازمدی دایانماخ
 یوخ واهمه دار ئوسته دلیرانه سیزیلدیر
 معشوقین اگر زُلفی غُبار غمه باتسا
 زُلفون داریاندا نه دئیور شانه سیزیلدیر
 واقعه مجازی اولان اعمال فنا دور
 یوخ فایده سی رد اولی دورانه سیزیلدیر
 اعمال اولایِللّهی تاپار راه سعادت
 زیننده دور اخلاصی بس اذعانه سیزیلدیر
 لبّیک دئیوب روحی خداوند کریمه
 تنها قویوب ئوز درگه مٔانه سیزیلدیر
 برعکس اولار عبدیت اگر خوار اولار انسان
 بی حُبّ ولاء نعمت الوانه سیزیلدیر
 آمال فنا دهر ایلوب مست عزیزیم
 قبر آغزین آچوب اوتماقا هر آنه سیزیلدیر
 ظلماندی یوخ فرش و چراغی قوری یئردور
 آماده اولاخ منزل ویرانه سیزیلدیر

گلزار طبیعتده نه احساس ایلورسن
 از بس سارالیب گل نَم بارانه سیزیلدیر
 آخرده سولار گلشن و گلزار وجودون
 کوچ ائتمه لیوخ مدّتی طولانه سیزیلدیر
 بسدور بورا جان بُلدی بُلَن یا اولوالابصار
 نوک قلمیم آیری بیر عنوانه سیزیلدیر
 مدّتی گزور کرب و بلانون سوراقینده
 یول آختاروری غملو بیابانه سیزیلدیر
 قسمت اولا پژمرده گلستانه سالاخ یول
 گُلر سارالیب یوخدی سو گُلخانه سیزیلدیر
 سو یولاری باغلاندی او گون کرب و بلاده
 دستوردی منع اولدی گلستانه سیزیلدیر
 با این همه باش اگمدی سلطان شهیدان
 بیگانلره همّتی مردانه سیزیلدیر
 اعوانلن انصارینی دین ئوسته مُسَلّم
 اهداء ائلدی مکتب قرآنه سیزیلدیر

خلاّقه قسم بیر بئله ایثارگر اولماز
 زهرانون عزیز اوغلی کریمانه سیزیلدير
 مجذوب ایلوب عشق خداوند حسینی
 باخموبدی قالان عترتی بُحرانه سیزیلدير
 قلبینده اوغول یارهسی اطرافده اعداء
 غملىر یتشوب اوجه صبورانه سیزیلدير
 اصغر قالور امضاء ائده طومار آستی
 تکمیل اولا گهوارهده پیمانه سیزیلدير
 یعنی بابا گل سن منی قرآنه فدا ائت
 بذل ایله که لا حق اولا فیتانه سیزیلدير
 القصّه مدال شرفی آلدی قوجاقه
 ئوز قویدی گئدوب جانب میدانه سیزیلدير
 تنها دایانوب لشگریله اولدی مقابل
 فرمایش ائدوب سو وئرون عطشانه سیزیلدير
 ئوچ گوندی کسپ سیز سو یولون کرب و بلاده
 لب تشنه جگر داغلیدور الانه سیزیلدير

جدّیم بویوروب حُرمتی واجبدی قوناقون
 فرض ایلمه سوز اوغلونی بیگانه سیزیلدیر
 انصاف ایلون من ئوزومه ایستمیرم سو
 بیر جُرعه وئرون حال پریشانه سیزیلدیر
 سعد اوغلی گوُروب آز قالور اوضاع بهم اولسون
 ئوز حرملیه دوتدی عجلوانه سیزیلدیر
 گل قویما حسین ابن علینی دله گلسون
 اوخلا بالاسین وئر ایشی پایانه سیزیلدیر
 بیر اوخ گوُتوروب ظالم و خونخوار و ستمگر
 باخدوقجا گوُروب ناوکی پیکانه سیزیلدیر
 باجادی دئسه حرملیه خانه سی ویران
 یاندرما او مظلومی غریبانه سیزیلدیر
 شل اولسون آلون یوخ کُمگی دشمنی چوخدور
 رحم ایله گلن شاه شهیدانه سیزیلدیر
 بس عالم معناده دَّسه وار یئری زهرا
 یا رب کمک اول اوغلوما درمانه سیزیلدیر

عباس دوشوب نهر کنارینده تُرابه
 مولاسی دوروب لشگر عُدوانه سیزیلدیر
 ویردی دیزینی تُپراقا شَداد زمانه
 باخموبدی دنی حجت یزدانه سیزیلدیر
 اوخ چخدی شقاوتلی کماندارین الیندن
 یوخ چارهسی یول باشلادی فرمانه سیزیلدیر
 کج ائتمه‌دی بیر ذره یولون ناوک پیکان
 رحم ایلمدی اول قوزی قربانه سیزیلدیر
 رمزیله دئیوب گوزلروی یومّا آج اصغر
 خوش گلدین ائدیم سن کیمی مهمانه سیزیلدیر
 نوش آبه‌سی قان اولدی ئوپن وقته بوغازین
 رد اولدی بیچوب پَرلری بُرّانه سیزیلدیر
 دیسگیندی گلوم سوندی گؤزل گوزلرین آچدی
 آندیردی سوزون حامی قرّانه سیزیلدیر
 معناسی بودور آغلاما یانما ائوین آباد
 سو آلدون عجب طفلکی پُستانه سیزیلدیر

قالدی آنامون گوزلری یولآردا ئولونجه
 حسرتله باخار دشت و بیابانه سیزیلدير
 چالدى آل اياخ یومدی او دَم گوزلرون اصغر
 سیندی باشی گُل مثلی دالی یانه سیزیلدير
 مظلوم آتا بیر حسرتلن باخدی بالایه
 گوزلردن آخان یاش قاریشوب قانه سیزیلدير
 دولدوردی او قاندان بیر اوویچ آتدی سمایه
 اظهار ارادتدی بو شکرانه سیزیلدير
 گلزار ولایتده اولان غنچه نی حاصل
 تقدیم ائلدی محضر جانانه سیزیلدير
 سیلکوب آتگین مُجری احکام الهی
 وئردی حرکت عالمی امکانه سیزیلدير
 عرض ائتدی خدایا قوْزی قربانی قبول ائت
 بیر من قالورام ایش یئته پایانه سیزیلدير
 تنها قوْزی قربانون حسین قیلدی نمازین
 تُپراقلارا تاپشوردی یانه یانه سیزیلدير

آلسان خبر آل علّتی اهل قلمدن
 قیلدی او نمازیکه نه بُرّهانه سیزیلدیر
 مایوس پشیمان قیدیب خیمه سرایه
 صراف حقیقت گلور افغانه سیزیلدیر
 فرمایش ائدوب گل باجی زینب بالام ئولدی
 اوخلاندی حسینون بویانوب قانه سیزیلدیر
 سرخط باجیم اوغلی وئروب اوّلده بو شعره
 (الیاس ملک پوریدور) عرفانه سیزیلدیر
 اصغر قاننا خاطر الهی نظر ایله
 بس (ناطقی) مجریمدی ذیلانه سیزیلدیر
 روحیم قوشی پروازه گلن وقته خدایا
 احسان ائدهسن روضه رضوانه سیزیلدیر

**

*

زبانحال امام حسین علیه السلام

«سینه زنی ، زنجیر زنی و شور»

اصغریں	نعشی	آلیمده
اکبریں	آدی	دلیمده
قارداشیم	عبّاس	ئولنده
آلریم	قالدی	بئلیمده

یاندیم الله ، یاندیم الله
 اود دوتوپ اودلانندیم الله

تیر	غم	قلبیم	بؤلوبدور
اصغریم	مظلوم	ئولوبدور	
بو	منای	کربلاده	
غم	غم	اوستوندن	گلوبدور

یاندیم الله ، یاندیم الله
 اود دوتوپ اودلانندیم الله

بیر کسیم یوخدور الهی
 دشمنیم چوخدور الهی
 شاهد اول بو قلب زاری
 اینجدن اوخدور الهی

یاندیم الله ، یاندیم الله
 اود دوتوپ اودلانندیم الله

غملریم گلمز شماره
 قانه باتدی شیرخواره
 اوخ دگوب سالدی آیاقدان
 گوزلرین آچماز دوباره

یاندیم الله ، یاندیم الله
 اود دوتوپ اودلانندیم الله

بو قوؤزی قربان سنون دور
 حافظ اول فتیان سنون دور
 من کیمم ای حی منّان

قان سنوندور جان سنون

یانندیم الله ، یانندیم الله

اود دوتوپ اودلانندیم الله

اکبریم قانه باتوبدور

عالمی گوزدن آتوبدور

پرچمیم تُپراقلار ئوسته

قارداشیم قولسوز یاتوبدور

یانندیم الله ، یانندیم الله

اود دوتوپ اودلانندیم الله

قالمشام تنها بو چولده

قالمیوب یارا بو چولده

گوزلیور یول خیملرده

زینب کبریٰ بو چولده

یانندیم الله ، یانندیم الله

اود دوتوپ اودلانندیم الله

غم منی دلدن سالیبدور
 طاقتی آلدن آلیبدور
 بو قوؤزی قربان خدایا
 آللریم ئوسته قالیبدور

یانندیم الله ، یانندیم الله
 اود دوتوپ اودلانندیم الله

کف چالور دورمده اعداء
 غملریم دریا خدایا
 بو غریبه بیر یانان یوخ
 بار الها ، بار الها

یانندیم الله ، یانندیم الله
 اود دوتوپ اودلانندیم الله

زینبی سالما نظردن
 حفظ ائله هر بیر خطرден
 دشمنان ایلر شمات

رد اولاندا رهگذردن
 یانندیم الله ، یانندیم الله
 اود دوتوپ اودلانندیم الله

بار الها یوخدی چاره
 ویردیلار اوخ کم بهاره
 اصغری ایله تقبل
 یاره لی قویدوم مزاره

یانندیم الله ، یانندیم الله
 اود دوتوپ اودلانندیم الله

کاش اولیدی شیعانییم
 اوج ائدور آه و فغانیم
 اصغریم قانه بویاندی
 دوغرانبوب اکبر جوانیم

یانندیم الله ، یانندیم الله
 اود دوتوپ اودلانندیم الله

سَلَب اولوبدور تاب و طاقت
 قالمیوبدور استقامت
 یالقوزام امداد ائدن یوخ
 سن ئوزون ایله حمایت

یاندیم الله ، یاندیم الله
 اود دوتوپ اودلان دیم الله

راضیم یا رب بلایه
 ائتمرم هرگز گلایه
 اصغری قویدوم تُرابه
 زینت اولسون کربلایه

یاندیم الله ، یاندیم الله
 اود دوتوپ اودلان دیم الله

(ناطقا) عالی مرامون
 شاه دینه وار سلامون
 آیری بیر اوضاع یاراتدی

مجلسه شیرین کلامون

یاندیم الله ، یاندیم الله
اود دوتوپ اودلاندیم الله

قالمشام آواره یا رب
سن ئوزون قیل چاره یا رب
اصغرون قانین الیمله
یاخمشام رُخساره یا رب

یاندیم الله ، یاندیم الله
اود دوتوپ اودلاندیم الله

قطعه

ای امام کَوْن و امکان خواجه رضوان حسین
منبع جود و کرم مولای درویشان حسین
اصغر شش ماهیه خاطر برات کربلا
وثر حضوری عرض ائداخ ای صاحب احسان حسین
عمرمیز قورتولمامیش احسان ائله زوآر اولا
جانمیز اولسون یارالی جانوه قربان حسین
شهریار مُلک ایمان رهروان معرفت
حافظ سرّ الهی مرشد عرفان حسین
آند وئروخ کربلا زهراسینون گوز یاشینه
لااقلاً دعوت ایله بیر گئجه مهمان حسین

**

زبانحال امام حسین علیه السلام
 «سینه زنی ، زنجیر زنی و شور»

اوخلاندی بالام یوخ گن امداده ابوالفضل
 احسان ائله قارداشوی سال یاده ابوالفضل
 آلدن آلانیم یوخ یاده سالانیم یوخ
 قارداش بالامین نعهدور الآنه الیمده
 دوشمور آتام اوغلی آدون هر لحظه دلیمده
 گورسیدون او ساعت که الیم قالدی بلیمده
 قارداش غمی واللّهی دگل ساده ابوالفضل
 گوزدن منی آتدون آمالوه چاتدون
 قارداش باخورام ساق صولا هیجاده غریب
 اعداء دور اولان قتلیمه آماده غریب
 سندن سورا بس اولموشام افتاده غریب
 افسرده لیک آثاریدی سیماده ابوالفضل
 ایلولله شماتت بی رحم جماعت

صحرای خطرناکده طوفانلو یل اسدی
 آند اولسون آنام فاطمیه صبریمی کسدی
 قارداشون حسین معرکه ده تنگ نفسدی
 سلب اولدی توان قالمادی اعضاده ابوالفضل
 سس وئر منه زاره یوخ دردیمه چاره
 یانددردی یانان قلبیمی شداد زمانه
 نامرد اوخونا اصغرمی ائدی نشانه
 اوخ شاهرگین قیردی قانی اولدی روانه
 دیسگیندی گوژون آچدی بو سؤداده ابوالفضل
 باخدیم بس اوتاندیم قولدان یارالاندیم
 آچدی یومولان گوزلرین بیر منه باخدی
 کسدی بوغازین ضربه باشی دال یانا آخدی
 هر کیمسیه ظلم اولسا مروّندن اوزاخدی
 خالق ئوزی کیفر وئر بیداده ابوالفضل
 ظالم یخلاندی مظلوم قالاندی

ایکاش اولیدون سن ئوزون غملی چاقیمدا
 یوخدور کُمگیم نعشی قالوبدور قوجاقیمدا
 قاتل دایانوب مسخره ایلور قاباقیمدا
 غملر غم آئینده گلور ایجاده ابوالفضل
 گل اصغریم ئولدی اعداء منه گولدی
 ای کرب و بلا گُلشن و گلزاروه قربان
 شش ماهه علی اصغر شیرخواروه قربان
 شرمنده یاتان قولسوز علمداروه قربان
 باس باغرووا سن محضر مولاده ابوالفضل
 صاحب علمون وار زیبا حرمون وار
 قسمت اولای کاش گلاخ غملو دیاره
 زائر اولاجاخ چوخلی همین توزلی مزاره
 بس (ناطقی) ائتدی بو مُصیباته اشاره
 آغلوب سنه سجاد بیر ایماده ابوالفضل
 اوخلی گؤزه قربان قانلو ئوزه قربان

رُباعیات

ای اولان اسلامه پشتیبان ابوالفضل هارداسان
 قالمشام حیران سرگردان ابوالفضل هارداسان
 اللریم ئوستونده اصغر قاینه الوان اولوب
 گوزلریم اولسون سنه قربان ابوالفضل هارداسان

**

*

جواب

گلماقا یوخ قدرتیم شاه شهیدان قارداشیم
 قلبمی درده گتوردون آخدی روحاً گوز یاشیم
 اللریم ئپراقلار ئوسته تکیه گاهیم یوخ دورام
 چاره می دشمن کسوبدور پیکریمده یوخ باشیم

جواب

ای علمدار سپاهیم چاره‌سيزلر چاره‌سی
 تازه‌لندی خیمه‌گهده زینبون باش قاره‌سی
 اولماسان سویقون‌چولار وئرمز امان اولادیمه
 غارته حتماً گئدر بیچاره‌لر گوشواره‌سی

**

*

جواب

دینه خاطر یوخ گلایم محنتیم چوخ‌دور حسین
 باغرمی قان ایلین اوچ شُعبه‌لی اوخ‌دور حسین
 قوش کیمی چرپیندی اصغر اوخ دگنده حلقنه
 دورماقیم وئرمز نتیجه‌ال‌لریم یوخ‌دور حسین

جواب

خدمتون زبینه دور حقن سنه پاداش گلر
 بی کسون آهی اوجالسا نالیه داغ داش گلر
 نیلیوم بس ای حسینون باوفا سرلشگری
 قارداشون امدادینه دعوا گونی قارداش گلر

**

*

جواب

روحمی قیترسون ایسته کردگار لَمْ یَزَلْ
 آل آچوم صمصام آتشاریله ایلوم جدل
 وئرموسن امضاء حسین جان قارداشون قولسوز قالا
 اوخلانا شش ماهه اوغلون هر گوژللردن گوژل

ایضاً سؤال و جواب

اوغلوم ئولوبدی فارس میدان هایانداسان
 اوخ ووردیلار آلیمده لب عطشان هایانداسان
 نازیک بوغازی اولدی هدف تیر دشمنه
 جانیم یارالی جانوه قربان هایانداسان

**

*

جواب

ای شهریار مُلک سلیمان گذشت ائله
 روحون غذاسی درتله درمان گذشت ائله
 قان رختخواب آچوبدی وجودیم یارالیدور
 زهرا عزیزی منبع احسان گذشت ائله

زبانحال حضرت زینب علیها السلام
در وداع آخر با امام حسین علیه السلام

حسین من گندوسن کارزاره صبر ایله
گتورمه قزلارووی آه و زاره صبر ایله

علی اصغری هاردا تُرابه تاپشردون
نه گلدی غُنچه دهن شیرخواره صبر ایله
رُبابین اللری قوینوندا بوینی چکنینده
توکور سرشک گؤزوندن عذاره صبر ایله
آپاردون اصغره سو آلماقا سن اعدادن
نه اولدی بس او گُلی کم بهاره صبر ایله
نیه گیترمدین اخیامه اوخلی قربانی
هایاندا قویدون او طفلی مزاره صبر ایله
تلسمه گیتمگه یاندرما زینبین قلبین
سنی قسم وئریرم کردگاره صبر ایله

کیمه پناه آپاریم ای پناه عالمیان
 گوز آچمیدی باجون روزگاره صبر ایله
 قالور قیامته دیدارمیز آنام جانی
 بلالی زینبی آل بیر کناره صبر ایله
 ایاقلاریم یریمیر روحیم آیرلور تندن
 توجّه ائت بو دل بیقراره صبر ایله
 بیر آز دایان آنام اوغلی دئیوم ئورک سوزومی
 غریب ئولکده سالما فشاره صبر ایله
 آلیوی قوی ئوره گیم باشنه یانور قلبیم
 چکیر فراق اودی دلدن شراره صبر ایله
 اجازه وئر آنام اوغلی اولوم علمدارون
 وار احتیاجون حسین دستیاره صبر ایله
 دینمدیم سؤزومی خیمه گاهده قارداش
 بویور گؤروم گله جاخسان دوباره صبر ایله
 یخوبلا نهر کنارینده قولسوز عبّاسی
 سن اولماسان دولانار صبح تاره صبر ایله

آلolanور ثوره گیم آند اولا ابوالفضله
 گوژون فداسی ئولوم ائت نظاره صبر ایله
 آنام وصیت ائدوب آخرین وداعینده
 ئوپوم بوغازوی من بخت قاره صبر ایله
 بلور بو مسئلهنی (ناطقا) ولاء اهلی
 بویوردی زینب محنت شعاره صبر ایله

**

*

قطعه

ای امام گوئن و امکان یا حسین بن علی
 شهریار مُلک ایمان یا حسین بن علی
 دعوت ایله کربلا ده عرض ائداخ مولای دین
 زینت اسلام و قربان یا حسین بن علی

زبانحال حضرت زینب علیها السلام

«سینه زنی و زنجیر زنی و شور»

یوخ زینبون بو چولده سن سیز پناهی قارداش
ترک ایلمه اماندور بو خیمه گاهی قارداش

زینب ائدوب حسین جان بو مطلبی بهانه
گوز یاشلارا نظر قیل اولموش ئوزه روانه
اطفال بی پناهی تاپشیرما کوفیانه
رحم ایلمز کسودور اعداء رفاهی قارداش

سَنکه بئله گئدورسن آغلور گؤزوم حسین جان
بو خُردا قزلاروندا اولماز دؤزوم حسین جان
یالقوز قالان وجوده قربان ئوزوم حسین جان
دشمن دئیور حسینون یوخدور سپاهی قارداش

وئرسن اجازه اولسون زینب سَنه علمدار
اطرافِده دایانسون لشگر یئرینده قیزلار

بُلسونله وار سپاهون بو اشقیای خونخوار
میدانده بو خدمت اولسون شفاهی قارداش

اولسون قسم عزیزیم عباس نامداره
زینب اگر آپارسا آل تیغ آبداره
اولسا اجازه سندن ئوز قویسا کارزاره
دارُ البواره یولار قوم تباهی قارداش

ای معدن کرامت یوخدور دوتان آلیمدن
گر ئولمسم ئولونجه دوشمَز آدون دلیمدن
گُلمَز ئوزوم جهاندا چیخدی الیم ائلیمدن
زینب داخی گُورنمز بس عزّ و جاهی قارداش

بو رسمدور گئدنده شاهلار حسین شکاره
اطرافنی مُسلم یکسر آلا ر سواره
افسوس تک گئدورسن قارداش بو کارزاره
باجون چکور دمام آه اوستن آهی قارداش

درد و غمی چو خاتدی هر لحظه کشف رازون
 مجذوب ائدوب شهادت یو خودور داخی نیازون
 لیکن آنام وصیت ایلوب ئوپم بوغازون
 فرصدی محضرونده یو خودور مناهی قارداش
 اولماز که لشگر ایچره دونانه یالواریم من
 بیر آز آگیل اشاقه قول بوینووا سالیم من
 سندن آنام نشانی عقیبایه فیض آلیم من
 پاک ایلوم دوتوبدور قان سجده گاهی قارداش
 بو چولده یوخ امیدیم غیر از بو گوز یاشیمدان
 سندن سورا ویرالار قمچی منیم باشیمدان
 علّت بودور خبر یوخ سرکرده قارداشیمدان
 سندن سورا تالالا بو پایگاهی قارداش
 آیریلدی زینبندن شه وعده گاهه چاتدی
 آمالنه یتشدی دین پرچمین اوجاتدی
 ای (ناطقی) مصیبت زهرا قزین قوجاتدی
 ایلوب دئدی احاطه قان قتلگاهی قارداش

وداع آخر امام حسین علیه السلام

بویوردی ای آنامون یادگاری صبر ایله
 حسین حرملرینون بُردباری صبر ایله
 شهادتیم یتشوب عمروم آز قالور زینب
 پناهسیز قالانون افتخاری صبر ایله

**

بو قدر گلمه باجی آه و زاره گیتملیم
 علاج یوخ گوؤروسن کارزاره گیتملیم
 یانور یانان ئوره گیم فاطمه نشانی باجی
 ائدوبلر اکبریمی پاره پاره گیتملیم
 نماز شیده چخاتما حسینوی یاددان
 یارانمشام باجی جان بو دیاره گیتملیم

سنون اُمیدوه باش سیزلاریم قالور زینب
 توکل ایله فقط کردگار گیتملیم
 یوباتما وقت سوویشور گوزلیور ابوالفضلیم
 ویروبلا یاره او شاهین شکاره گیتملیم
 بهاریم عیشی دؤنوب ظلمیله خزانه باجی
 آلانمادیم سو سوسوز شیرخواره گیتملیم
 آلیمه اصغیریم اوخلاندی قانلو میداندا
 تاپانمادیم بالاما راه چاره گیتملیم
 سه شعبه اوخ بوغازین بیچدی آلریم ئوسته
 گوز آچمادی داخی بو روزگار گیتملیم
 سزادی (ناطقی) بیله بویورسا زینینه
 بالام سینمده بو چولده مزاره گیتملیم

**

*

السَّلامُ عَلَیْكَ يَا اَبَا عَبْدِاللهِ عَلَيْهِ السَّلَامُ

«سینه زنی و زنجیر زنی و شور»

گلشن گلزاروه قربان حسین

رونق بازاروه قربان حسین

ای شرف آئینه سی

محزن حق سینه سی

ایسته گلن مفخر طاها بیزی

قوٰماگلان زاده زهرا بیزی

دعوت ائله قبروه مولا بیزی

سالما نظردن ایکی دنیا بیزی

یئرده آخان ثاروه قربان حسین

سن آقاسان بندیوخ

عاصی و شرمنده یوخ

تایید ائدوب حق سنی زبندہ سن
 رہبر اسلامہ نمایندہ سن
 زُمُرَةُ عُسَّاقِدِه پایندہ سن
 سَیِّدِی قرآن بویورور زندہ سن
 قدرت داداروہ قربان حسین

مَحْرَم اسرار سن
 حَق دِیْنِه یار سن

ای وثرن اسلامہ فدا جانی
 مکتبہ بذل ایلین قانی
 حفظ ایلین دیننی قرآنی
 باشہ وثرن صدقلہ ایمانی
 نیت افکاروہ قربان حسین

شاہ شہیدانِ سن
 ملّتہ بُرہانِ سن

شیعه‌لر ایلور سِنله افتخار
اکبر و اصغرله اولان همجوار
قوش بیزی زوآروه ای شهریار
سن کیمی اولماز آقا والاتبار
هم دَرِ درباروه قربان حسین

اوردا گَلیب وای دیاخ
اصغره لای لای دیاخ

کرب و بلا صحنه‌سی طوفانلدی
غملر آچوب منظره بُحرانلدی
قتلگهون تُپراقی چوخ قانلدی
قوملاری یاقوتدی رُجحانلدی
گُنبد زَر دارُوه قربان حسین

صحن و رواقون گؤزل
قانلو اطاقون گؤزل

بس وثریروخ بیز قسم آلهوه
 دهریده ارزنده اولان جاهوه
 سوز دلیله اوجالان آهوه
 غارت اولان خیمه و خرگاهوه
 سرّوه اسراروه قربان حسین

لطف ائله زوّار اولاخ
 اوردا عزادار اولاخ

شمع شبستانوه قربان سنون
 تشنه چیخان جانوه قربان سنون
 یئرده آخان قانوه قربان سنون
 صبرّوه ایمانوه قربان سنون
 قولسوز علمداروه قربان حسین

ایسته گلاخ یاسّوه
 آغلیاخ عبّاسّوه

اوردا گلاخ قتلگهوندن دیاخ
 مقتل آرا هر نگهوندن دیاخ
 غارت اولان خیمگهوندن دیاخ
 قانه باتان رازگهوندن دیاخ
 دیده خونباروه قربان حسین

قان یارالاردان آخوب
 دوردن اعداء باخوب

ذبح اولونان حنجره جانلار فدا
 مشکل آچان آلله جانلار فدا
 پَرپر اولان گُللره جانلار فدا
 اکبر و هم اصغره جانلار فدا
 صورت گُلناروه قربان حسین

قانه باتوب صورتون
 جلوه‌لنوب نهضتون

نُطقوه گفتاروه قربان اولوم
جمله هواداروه قربان اولوم
نیت و افکاروه قربان اولوم
پرچم احراروه قربان اولوم
رونق پَرگاروه قربان حسین

(ناطقینی) شاد ائله

قبرده گل یاد ائله

قطعه

قوتولدی عمر او قانلی منانی گورمه میشم
صفای مرقدِ صاحبِ لوانی گورمه میشم
آچیلدی یولاری هر گون گلوبِ گدن چوخدی
هزار حیف که من کربلانی گورمه میشم

زُبَاعِیَات

ای حسین ای زینت منبر سلام اولسون سنه
 یادگار ختم پیغمبر سلام اولسون سنه
 کعبه آمالده دوشدون یارالی تُپراقا
 آچمسان قاندان یثره بستر سلام اولسون سنه

شهریار مُلک ایمان وارث خیر الوری
 حجت خلاق عالم یادگار مرتصی
 صاحب جود و کرم محبوب حیّ لَامکان
 ایستروخ مولا عنایت قیل برات کربلا

یا حسین احسان ائله قربان اولاخ گوز یاشوه
 تیکمشوخ گوز هر ایکی دنیا سنون پاداشوه
 دعوت ائله کربلاده مجلس ماتم قوراخ
 آند وئروخ بیز سنی قولسوز قالان قارداشوه

شور عاشورا

حسینون کربلا ده یا محمد ﷺ

قالیب یالقوز آرا ده یا محمد ﷺ

کفن گوندرگن عریان دی نعشی

کسیک باشی جداده یا محمد

آچوبدور منظره قان قتلگه ده

اولوب غملر زیاده یا محمد

باشین قاتل کسب عطشان قفادن

نه حالتده فتاده یا محمد

قیتدی ذوالجناح خیمه سرایه

چکور صیحه صداده یا محمد

گلون ئولدوردیلر سلطان دینی

بو قانلو نینواده یا محمد

گلور زینب خیمن قتلگاهه
 ایکی آلر دعاده یا محمد
 ائله بیر حالده قزلار داليجا
 قاچولار پا پیاده یا محمد
 تسلی گه وئورور خرد و کباره
 قالوب سعی و صفاده یا محمد
 دوتوب کرب و بلا دشتین جماعت
 غبار غم هواده یا محمد
 قشون حمله آپاردی خیمه گاهه
 اولوب آیری اراده یا محمد
 قیام اولدی قیامت کربلا ده
 مصیبت فوق العاده یا محمد
 ابوالفضلین دوشوب قولاری تندن
 دگل مطلب که ساده یا محمد
 بو گون بیر گوندور اکبر دوغرانبودور
 گلیب نعشی عباده یا محمد

خیامه اود ویروب قوم ستمگر
 حرملر ابتلاده یا محمد
 احاطه ایلوب اود خیمه گاهی
 چکیر شعله فضاده یا محمد
 دوشوب قربانلارون باش سیز یارالی
 یثره کوی وفاده یا محمد
 قالوب آتلار آیاقینده حسینون
 وجودی هم فتاده یا محمد
 سویوب سویقون چیلار زهرا عزیزین
 نه حکمت وار قضاده یا محمد
 دئیور بس (ناطق) یوخدور ابوالفضل
 ائدوبلر استفاده یا محمد

**

*

آرزوی زیارت کربلا

و

اشاره به راز و نیاز
امام حسین علیه السلام در قتلگاه

بار الها بیزی عفو ایله گلن طاهایه
باشی محرابده مُنشق اولونان مولایه
ظلم آلیله سینه سی یاره لنن زهرایه

دوتماسان کیم دوتار آلدن سنی زهرای بتول
عبد نالایقین عرضین سن ئوزون ایله قبول

وثریروخ بیرده قسم قانه بویانمش بدنه
ئوچ گونوز ئوچ گنجه صحراده قالان بی کفنه
باش یارا سینه یارا ظلمله مظلوم ئولنه

بیورورسان چاغرون روشن ائدیم مسئله نی
سیدی رد ایلمه سن قاپووا هر گلنی

لطفوی شامل ائله روحه غذادن دانیشاخ
 انتخاب ایله دیگون کرب و بلادن دانیشاخ
 او چوخور یئرده دوشن دینه فدادن دانیشاخ
 کربلا آدی گلن وقته ئورکلر آلیشور
 آقامون قبرینی گورماخلقا روحیم چالیشور

قسمت ائت گورمه میشوخ مرقد شش گوشه سینی
 اخذ ائدک اذنویلن آخرتین توشه سینی
 اجلین تیغی کسور عمرلرین خوشه سینی
 ائتمه مایوس پشیمان شه دین خاطرینه
 کربلانی ائله احسان بس حسین خاطرینه

دلره شور سالیب کرب و بلاسی آقامون
 ایستروخ قسمت اوله خاک شفاسی آقامون
 دولدوروب قتلگهی ذکر دُعاسی آقامون
 چشمه چشمه آچلوب یاره لری قان وئروری
 باش یارا سینه یارا قلبی یارا جان وئروری

حالنی یوخ سوروشان یاره لیوب اوخ ئورگین
 دشمنین ظلم اوخی ایلوبدی مُشَبَّک کوره گین
 نفسین تنگه سالیب قطع ایلوب شاهرگین
 خامس آل عبا باغلامیوب باش یاراسین
 گتیروب قتلگهه حالی پریشان آناسین

غم اندوه بلا تنگه سالیب حوصلنی
 مرکب ئوستن یخلوب مصرع عشقه علنی
 باشینون ئوستونه افسوس اولایوخدور گلنی
 آل چالیب کوفلیلر تُپراقا قانه بُرونوب
 زینبین آلدی سسین سمت خیامه سورونوب

سعی ائدوب دورماقا نیم خیز اولوب امکان یوخودی
 سینه سینده پَر آچان قوش کیمی سانسیز اوخودی
 مخزن معرفتین یاره سی حدّن چوخودی
 کسیلوب چاره یولی طاقتی آلدن آلنوب
 لشگر اهلی سئوینوب طبل بشارت چالنوب

سجده حالینده دوشوب حقہ نشانگر گُورونور
عشق معبودی آچوب منظرہ اظہر گُورونور
اوخلار آلتیندا قالیب یارہلی پیکر گُورونور
معنویت چکوب آغوشنہ مدہوش ایلیوب
بستر نازی ، تُرابیلہ ہم آغوش ایلیوب

آیری عالمدی دوشوب سینہ سینانی گُورور
رمز توحیدی ، باخور نور تجلانی گُورور
وَلَّہ عشقہ چاتوب محضر جانانی گُورور
خط سیرین قوتاروب کعبہ آمالیددی
زینبہ باخموری بس حقہ چاتان حالیددی

سجده مسجودہ برازنده قویوبدور ئوزونی
قان احاطہ ایلیوب تُپراقلان ئوز گُوزونی
باخگلان طالب و مطلوبہ دئیور دل سؤزونی
نیزہلر آتدا آخان قاندا سنون جاندا سنون
تُپراق ئوستہ یخلان یارہلی مہمازدا سنون

سنون عشقونده دگن سجده گه داشدا سنون
 توکولن سینه مجروحہ قانی باشدا سنون
 هامی ذیروح سنون حشریده پاداشدا سنون
 شیعانی قوتار اوتدان آتامون خاطرینه
 بس عزاداریمی عفو ائت آنامون خاطرینه

گلشن باغ ولایتده آجان گلده سنون
 گلرون ئوسته گلن چه چه بلبلده سنون
 اوخ دکوب معرکه ده یاره لئن دلدہ سنون
 من کیمم خیملریم سوزیلہ آهیمده سنون
 رازگاهیمده سنون قانلو نگاهیمده سنون

تُپراق ئوسته یخلان پرچم احرار سنون
 اگلشن آلنا اوخ قولسوز علمدار سنون
 من قوتولدوم گلورم هر نه اولان وار سنون
 خیملرده دئومورم عترت اطہار باخور
 دئیورم قتلگه عاشق اولان یار باخور

بو بیابانده تُپراقه آخان ثار سنون
 گل سنون بوته سنون غنچه و گلزار سنون
 خالقا شکر سنه رونق بازار سنون
 باش نه لازیمدی دَم خنجره حنجرده سنون
 بیر زادیم یوخدی وئرم یاره‌لی پیکرده سنون

روحه روح آرتوروری مقتل ارا رازگهی
 آیری اوضاع یارادور منظره قتلگهی
 رمز اخلاصی وئور قانلو گوزون هر نگهی
 ولی شمر آله دوتوب خنجری بُرانی گلور
 رحمی یوخ ئولدورجاخ شاه شهیدانی گلور

باش آچوب ختم رُسل عالمی معناده گلوب
 مرتضائیله حسن آدم و حواده گلوب
 گوزلرون باغلاماقا حضرت زهراده گلوب
 یثری واردور بویورا قلبی اولان قان یارالی
 آنان اولسون یارالی جانوه قربان یارالی

گوزلرون یوماڭلان اوغلی ئولنلر باخوری
 یانورام اوتلانورام پیکروه گون شاخوری
 سو کیمی تُپراقا قلیبندن اوغول قان آخوری
 اولسا امکانی اگر وار قوناقون یاتماڭلان
 آلی قوینوندا باجون زینبی آغلاتماڭلان

دُشمنون ظلمی قاتوب خون دله گوز یاشووی
 ئولدوروب کوفلیلر اوغلووی هم قارداشووی
 قویما تُپراقه حسین قوی دیزیم ئوسته باشووی
 آناوام گوزلرون آچ قَدی کمان فاطمیم
 بُلوسن غملر آلینده قوجالان فاطمیم

تُپراق ئوسته تۆکولن قانوه قربانم اوغول
 عهد پیمانوه ایمانوه قربانم اوغول
 قوملار ئوستونده چخان جانوه قربانم اوغول
 نفس آلدوقجان حسینیم یارالار قان وئرووی
 بیر نفر یوخدی دیه رحم ایلون جان وئرووی

(ناطقی) طبعوی قویما دولانا ئوز باشنا
دوزدی زهرا آناسی مشتریدور گوز یاشنا
تکمشوخ گوز قسم الله حسین پاداشنا
ایسته‌سون ایستیروخ زائر و زواری اولاخ
ئوز حضورینده قوراخ مجلس عزاداری اولاخ

« سینه زنی و زنجیر زنی و شور »

شاه شهیدان حسین	خواجۀ رضوان حسین
مسلخ عشاقده	دیننه قربان حسین
خامس آل عبا	وارث خیر الوری
تاجر کرب و بلا	چاره‌سیزوخ چاره قیل

درتله‌ره درمان حسین

درده دوا ایستروخ روحی غذا ایستروخ
کرب و بلا ایستروخ سن بل آنان فاطمه
ائمه پشیمان حسین

کان سخا سن آقا صاحب عطا سن آقا
 ذکر دعا سن آقا دَمده مسیحا نفس
 مایهٔ عنوان حسین

ایسته گلاخ یاسوه عاشقوخ اجلاسوه
 آغلیاخ عبّاسوه باشله جاندا گئچوب
 فارس میدان حسین

ای شرف آئینه‌سی مخزن حق سینه‌سی
 فاطمه ذُرّیه‌سی مُجری قانون دین
 شمع شبستان حسین

کیم گله دیداروه گوز تیکر آثاروه
 آغلار علمداروه آتدی فنا مُلکنی
 صاحب وجدان حسین

عالمی گوزدن آتوب قانوه قانین قاتوب
 قبریده قولسوز یاتوب غملو نگهبان حسین

دوره سینی آلدیلار قولارینی سالدیلار
 طبل فرح چالدیلار یخدیلار آتدان یثره
 قلبین اولوب قان حسین

دشت غم اولدوزلارون قالدی سوسوز قزلارون
 یاندی اوغولسوزلارون باخدیلا حسرت یولا
 جمله یتیمان حسین

أُسوة تقویٰ حسین وارث طاهّا حسین
 زاده زهرا حسین (ناطقی) حسرت قالب

قبروه چو خدان حسین
 ایسته بو جمعی گله اوردا وئره آل آله
 لعنت ائداخ بجدله بارماقوی قطع ائدوب
 سوز دگل آسان حسین

اوردا گلاخ وای دیاخ اصغره لای لای دیاخ
 غملروی سای دیاخ چاره سیزوخ چاره قیل
 شافع عصیان حسین

شور حسینی علیہ السلام

سرور ما حسین حسین ، ذکر دعا ، حسین حسین
 بحر سخا حسین حسین ، صاحب عزا ، حسین حسین
 متن ثنا حسین حسین ، روحی غذا ، حسین حسین
 آل عبا حسین حسین ، راهنما ، حسین حسین
 عطر صبا حسین حسین ، عالی بنا ، حسین حسین
 صاحب عطا حسین حسین ، رمز ولاء ، حسین حسین
 جان جهان حسین حسین ، روح روان ، حسین حسین
 رنگی سولان حسین حسین ، قدّ کمان ، حسین حسین
 طاقت آلان حسین حسین ، تز قوجالان ، حسین حسین
 قانه باتان حسین حسین ، حقّه چاتان ، حسین حسین
 یثرده قالان حسین حسین ، تشنه یاتان ، حسین حسین

صاحب قان حسین حسین ، عارف اولان ، حسین حسین
گون تک عیان حسین حسین ، شاه شَهان ، حسین حسین
حامی دین حسین حسین ، رُکن رَکین ، حسین حسین
دُرّ ثَمین حسین حسین ، عالی امین ، حسین حسین
ماءُ مَعین حسین حسین ، زُهره جَبین ، حسین حسین
حَقّه متین حسین حسین ، اهل یقین ، حسین حسین
یار و مُعین حسین حسین ، دلده غمین ، حسین حسین
راه مُبین حسین حسین ، قائد دین ، حسین حسین

**

*

شور حسینی ﷺ

وارث طاها حسین ، زاده زهرا حسین
چاره سیزه چاره قیل ، دمدہ مسیحا حسین
کرب و بلا ایستروخ ، حسین حسین یا حسین

سبط پیمبر حسین زینت منبر حسین
رُتبه ده برتر حسین وارث حیدر حسین
صاحب عزّ و شرف عالمه مولا حسین
کرب و بلا ایستروخ حسین حسین یا حسین

شاه شهیدان حسین حافظ قرآن حسین
منشأ ایمان حسین حجّت مّنان حسین
مّحرم اسرار دین والی والا حسین
کرب و بلا ایستروخ حسین حسین یا حسین

خُسرو خوبان حسین واقعی میزان حسین
 مُرشد عرفان حسین درتله درمان حسین
 سینۀ سیناده کی نور تجلّی حسین
 کرب و بلا ایستروخ حسین حسین یا حسین

باب کرامت حسین زیب ولایت حسین
 تاج شرافت حسین راه هدایت حسین
 شافع روز جزا حلّ معما حسین
 کرب و بلا ایستروخ حسین حسین یا حسین

پادشه کربلا وارث خیر الوری
 خامس آل عبا منبع جود و سخا
 رونق اسلامیان مطلبه دارا حسین
 کرب و بلا ایستروخ حسین حسین یا حسین

زینبی گوزدن آتان قانلارا قانین قاتان
 وصل نگاره چاتان قبریده باش سیز یاتان

مَسْلَخِ عُشَّاقْدِهْ أَشْبِهْ یَحییِ حَسین
کرب و بلا ایستروخ حسین حسین یا حسین

دوغرادیلار اکبرون اوخلادیلار اصغرون
ذبح اولونوب حنجرون یئرده قالیب پیکرون
شمر کسوب باشوی دوغرانوب اعضاء حسین
کرب و بلا ایستروخ حسین حسین یا حسین

صاحب گردون خدم حَقَّده ثابت قدم
جانوه اولسون قسم سِیلیروخ دمبدم
سالما نظردن ییزی شمس تولّا حسین
کرب و بلا ایستروخ حسین حسین یا حسین

ای گُل و گلزار دین ، زینت عرش بَرین
(ناطقیه) قیل رهین ایلوری داد و آنین
هیئتِلن دعوت ائت سایه طوبا حسین
کرب و بلا ایستروخ حسین حسین یا حسین

درباره غارت خیام

هارداسان ای شاه شهیدان حسین
 زینبون اولسون سنه قربان حسین
 چاره‌سوزه چاره گل زینبه دیداره گل
 وئرمیر امان کوفیان قالمشام آواره گل

دولدی قشون خیمه و خرگاهوه
 آل آپاروب سلطنتی جاهوه
 تاپشور ئوزون زینبی آلهوه
 محشر اولوب بیزلره آلان حسین
 قمچی دیگر باشمه آند اولا قارداشیمه
 رحم ائلمیر بیر نفر گوزده کی گوز یاشیمه

ویردی‌لار اود رونق اجلاسمه
 ئوز دوتورام اکبریه قاسیمه

چاتمور آلیم شیر دل عبّاسمه
 هاردا قالیب فارس میدان حسین
 صاحب عزّ و شرف زاده شاه نجف
 گوزدن آتوب زینبی غیرتِلن مُتّصف

چاره سیزم یوخدور آلیمدن دوتان
 معرکه ده پیکری باش سیز قالان
 اولدی پراکنده حسین سازمان
 وئرمیر امان فرقه عدوان حسین
 خیملرون یاندی گل قلبیم آلولاندی گل
 اهل و عیالون قاچور چوللره ویلاندی گل

غارت اولور آل سیز ایاخ سیزلارون
 ساق صولا حسرتله باخور قیزلارون
 بُهت زده آغلور اوغولسوزلارون
 شاهد ئوزی خالق منّان حسین

ای چاتان آمالنه باخ باجیوین حالنه
صدمه یتوب یا حسین خیمده اجلانه

کاسه صبریم جالانوب قارداشیم
غم غمون ئوسته قالانوب قارداشیم
گل ئوره گیم پارچالانوب قارداشیم
اولمیا جاک دردیمه درمان حسین

یوخدی بیزی یاد ائدن قزلاروی شاد ائدن
قمچی ویرو زینبه ظلمیده بیداد ائدن

بوردا اولانلار داغلوب چوللره
باد خزان صدمه ویروب گللره
ئولمه گون الانه دوشوب دللره
خیملری ائتدیله تالان حسین

دادمیزه یوخ گلن ظلمله مظلوم ئولن
معرکه ده ئوچ پر اوخ قلب شریفین بولن

اود آلوب آغوشنه بیماروی
 یوردولا گل زینب غمخواروی
 کوفلیلر سویدولا قزلاروی
 غصه لنور حالی پریشان حسین

قانه باتان قارداشیم حقّه چاتان قارداشیم
 زینب مظلومه نی گوزدن آتان قارداشیم

روحه غذا درده دوا یا حسین
 پنج تن آل عبا یا حسین
 ایستیروخ کرب و بلا یا حسین
 (ناطقی) ایلور سوزی عنوان یا حسین

اوردا گلاخ وای دیاخ غملروی سای دیاخ
 مسلخ عُشّاقده اصغره لای لای دیاخ

**

رُبَاعِیَات
درباره غارت خیام

او گون که کرب و بلا دشتی قانلن دولدی
جفا آلیله گلستان احمدی سولدی
آیردی شمر حسینون باشین جدایه ویروب
قشون خیامه طرف ئوز قویوب روان اولدی

تؤکولدی خیمه لره لشگر شقاوت او گون
دئسم سزادی قوپوب زینبه قیامت او گون
دئیور که راوی ئوزوم ماجرایه ناظر دیم
خیامه ویردیلار اود بی حیا جماعت او گون

همان دقیقه چادرلار یانوب آلاشدی
مُخَدَّرَات حرم ضجّه چکدی آغلاشدی
امام عصریدن اذن آلدی زینب کبری
کبوتران حرم خیمدن چخوب قاشدی

دگوبدی بیر بیره آتلو پیاده طوفاندی
 غم ئوسته غم یارادور قورخولی بیاباندی
 گزوردی خیمه‌نون اطرافنی خانم زینب
 دئیوردی رحم ائله الله نئدیم بالام یاندی

وظیفم آرتدی خدایا چوخالدی احساسیم
 عنایت ایله ئوزون یوخدی اکبر و قاسیم
 ئولنلر ئولدی قالانلار اسیر دشمن اولور
 نَقَدَر سَسلیورم داده گلیمیر عبّاسیم

حُسینمون کسیلوب ظلم آیله اوداجی
 اولوبدی قارداشمون نوک نیزه معراجی
 تمام یار و هوادارمیز گئدوب آلدن
 بو حالده یادا کیملر سالاندی محتاجی

علاجی قطع اولونان هی باخار ساق و صولونا
 سؤزی اورکده قالار هر غریبه ظلم اولونا
 آلین ویرار آینه بیر امیدله چاغرار
 گؤزون تکر باجیلار قارداشین گلن یولونا

نئجیکه زینب کبری توکوبدی گوز یاشنی
 سالوبدی دشمن قرآن بلالره باشنی
 آلیندن اولمادی بیر کیمسه زینبین یاپوشا
 الی باشیندا چاغردی هرایه قارداشنی

خیامه دولدی قشون یا حسین امان گونودی
 بلالی قزلاروین چاره سیز قالان گونودی
 هارا گئدیم کیمی امداده سسلیوم گلسون
 ئورک دولوب غمیه گرچه امتحان گونودی

بیری دئیوردی بی بی یار اوّلینی چاغور
 ولیّ قادر مَنّان مُنجلینی چاغور
 ئولوبدی پرچم حُریتون علمداری
 نجف چولونده یاتان مرتضا علینی چاغور

بیری دئیوردی عمو راه چاره قالمادی گل
 قولاخلاریمدا اولان گوشواره قالمادی گل
 سزادی (ناطقی) نازلی رُقیه بیله دئسون
 گئدوبدی غارته بوش گاهواره قالمادی گل

*

شام غریبان امام حسین علیه السلام

«سینه زنی ، زنجیر زنی و شور»

گلِ آنا یا فاطمه خیمه‌لریم یاندی گل
کرب و بلاده بو گون شام غریباندی گل

یوخ سوروشان حالِمی غملی بیابانده
گلدی نلر باشمه ورطه طوفانده
گلّره آفت یتیب سولدی گلستانده
بُلبل شیدالرون غملی غزلخواندی گل

کوفه‌لیر ظلمله دوغرادیلار اکبری
ئوچ پَر اوخیلا آنا اوخلادیلار اصغری
قلبمی قان ایلدی ذبح اولونان حنجری
وئرمدیلر سو سوسوز ظلمله اوخلاندی گل

خون دله گوز یاشین زینب نالان قاتوب

اهل و عیالون حسین یکسره گوزدن آتوب
کعبه آمالده یاره‌لی یورقون یاتوب
باشی گئدوب کوفیه خولیه مهماندی گل

گل آنا وئر تسلیت غم زده قزلاریوه
تُبراقین ئوسته یاتان عابد بیماریه
منتظرم آی ننه دیدوه دیداریوه
نصفی یانان خیمده قزلار هراساندی گل

کسدیلر امداده گل زینبوین چاره‌سین
قزلاروین آلدیلار سویدولا گوشواره‌سین
شمر آپاروب اصغرین غارته گهواره‌سین
غملی رُبایین آنا حالی پریشاندی گل

گل آنا باش چکمگه سینه‌سی سوزانلارا
سس وئر اوغولسوزلارا دیده‌سی گریانلارا
دقّیلن قیل نظر قلبی اولان قانلارا
السیز ایاق‌سیزلارا گلگون احساندی گل

کوفه لیلر ئولدوروب اکبریلن قاسمی
یخدیلار آتدان یثره شیر دل عباسیمی
دعوت ائدنلر بو گون پوزدلار اجلاسمی
اوغلون حسینون آنا پیکری شانساندی گل

باخمادیلار غملیم گوزده که گوز یاشمه
شدتیلن ویردیلار قمچیلری باشمه
چاتمادی نیلیم الیم یاره لی قارداشمه
مَسْلَخ عَشَّاقده قَانِه غلطاندی گل

شمع شبستانوه یتدی خطر آی ننه
واقف الاسرار سن غملری گل سای ننه
قوی آلووی قلبمه من دئیوم آخ وای ننه
چاره سیزم چاره قیل قارداشیم غُریاندی گل

زینبون آغلار قالوب احمد مُختاره ده
بو جریانات بس مَحْرَم اسراره ده

گل نجفه مطلبی حیدر کرّاره ده
زینبون عرض ایلوری شام غریباندی گل

(ناطقی) آغلور گوژون قلبی یانان زینبه
غملمر آئینده او گون تز قوجالان زینبه
شمر امان وئرمدی زیب جنان زینبه
سسلدی گل یا حسین عمرمه پایاندی گل

قطعه

بلا گلیب دوستان خدایه
سرمایه دور مصائبی بقایه
خالق سوّر او انسانی مُسلم
تسلیم اولای عُمری بوی قضایه

زبانحال حضرت زینب علیها السلام

«سینه زنی ، زنجیرزنی و شور»

دور شامه گندور عترتون الآن آنام اوغلی
 زینب باجون اولسون سینه قربان آنام اوغلی
 حسین جان سینه قربان ، حسین جان سینه قربان

بی رحم جماعت سیزی بو حاله سالوبدور
 باش سیز بَدَنون قوملارون ئوستونده قالوبدور
 بو یاتماقون آراملری آلدن آلوبدور
 آغلور سینه اولاد پریشان آنام اوغلی

سن کعبه عَشَّاقده مقصوده چاتوبسان
 اولادینی هم فاطمه نون گوزدن آتوبسان
 خون دله گوز یاشوی بو چولده قاتوبسان
 دشمنلر ائدوب جسموی شان شان آنام اوغلی

ظلمیله سولوب گلشن دین قانلو دَمنده

ایوای منه باشون گۆرورم یوخدی بدنده
دیزلرده توان قالمادی بو حالی گۆرنده
باش سیز بَدَنون یئرده دور عریان آنام اوغلی

لب تشنه جگر داغلی حسین مقصده چاتدون
دنیا بُوی دین پرچمین عالمده اوجاتدون
زینب باجیوی لیک بو صحراده قوجاتدون
تاپدون ولی سن رُتبه رُجحان آنام اوغلی

سندن سورا اود ووردیلار اخیامه حسینیم
دوندی گونوزوم لحظه لری شامه حسینیم
دوزدوم ائله که محنت ایّامه حسینیم
بیر ذرّه منه اولمادی امکان آنام اوغلی

تاراج اولونان گلشن و گلزاروه قربان
تُپراقلارین ئوسته توکولن ثاروه قربان
حُریتوه قولسوز علمداروه قربان
سن سیز گئدورم حالی پریشان آنام اوغلی

یاندر ما منی داش یاراسین تاج ائدن عاشق
 دین عشقنه اولادینی محتاج ائدن عاشق
 بستر یئرینه تُپراقی دیباج ائدن عاشق
 البتده اولار سخت بو هجران آنام اوغلی
 قارداش دئمیرم زُلفی پریشانلاری دیندیر
 یا که باجووی عزّیلن ناویه میندیر
 احسان ائله بو خُردا قزی باری سؤیندیر
 واضح گؤره جاخ ظلم فراوان آنام اوغلی
 شاماته طرف اولموشام عازیم گئدورم من
 زهرا بالاسی مَحرم رازیم گئدورم من
 یولاردا سنه واردی نیازیم گئدورم من
 واقف سن ئوزون حُجّت مَنان آنام اوغلی
 زهرا قزی باش سیز بدنون حنجرین ئوپدی
 تُپراقلارین ئوسته کسیلن آللرین ئوپدی
 گُل تک داغلان (ناطقی) اعضاءلرین ئوپدی
 عرض ائتدی باجون نعلیه قربان آنام اوغلی

کوچ از قتلگاه کربلا
زبانحال حضرت زینب علیها السلام

اولسون سلام کرب و بلانون صفاسینه

اولسون سلام اهل ولانون وفاسینه

اولسون سلام قانه بویانمش بدنلره

اولسون سلام جنگیده مظلوم ئولنلره

اولسون سلام معرکه ده بی کفنلره

اولسون سلام قافله سالار زینبه

اولسون سلام محرم اسرار زینبه

اولسون سلام عالمی گوزدن آتانلارا

اولسون سلام وصل نگاره چاتانلارا

اولسون سلام قبریده باش سیز یاتانلارا

اولسون سلام زینبه مأنوس اولانلارا

اولسون سلام گُللری غمله سولانلارا

ئولدوردولر حسینی ره چاره قالمادی
 غارت اولوندی خیمده گهواره قالمادی
 یغمایه گیتدی خال خال و گوشواره قالمادی
 اطفال بی‌پناهی او گون چولده یوردولار
 آلرده قمچی باشلارینا ضربه ویردولار

ظلمیله گلشنی پوزلان آغلار آغلاماز
 غملر آئینده بس یورولا آغلار آغلاماز
 آیا بو باره‌ده ویرولان آغلار آغلاماز
 آلامه توش اولوبلار آدام‌سیزلار آغلادی
 محنت غبارینه برونن قزلار آغلادی

گون باتدی قاره گیدی بیابان کربلا
 نصفی یانان چاڈردا قالب آل مصطفی
 اولاد مرتضایه عجب رخت آچوب بلا
 اولسون سلام مجلس ماتم قورانلارا
 اولسون سلام شام غریبان دوتانلارا

فریاد وا حسین اوجالیب خیمه گاهدن
 افلاکیان عزایه باتوبسوز آهدن
 آقسه چکدیلر اولاری قتلگاهدن
 بلمم نه نوعی گوردله قانه باتانلاری
 باشسیز قُم ئوسته یاره لی عطشان یاتانلاری

مُلک ولانی حقی دانانلار آیاخلادی
 غملر عزیز فاطمه قلبین داراخلادی
 گورجک یر ئوسته قارداشی جان تک قوجاخلادی
 دوندردی نعشی بس مُتلاشی دؤزمدی
 آغلار گؤزیله سسلدی جدی محمدی

تُپراقلار ئوسته قانه غلطانندی قارداشیم
 گونلر ائوینده پیکری عُریانندی قارداشیم
 باشین کسوبله دیننه قربانندی قارداشیم
 اولاد بی پناهین اسیر اولدی دشمنه
 ئولدوردیلر حسینی یوخ امداد ائدن منه

ئولمک گۆزلدی شیشهٔ عمروم داش آختارور
 اوخلار قلیجلار آتدا قالان قارداش آختارور
 شمرین آلیله ذبح اولونان بیر باش آختارور
 روحیم سخیلدی حنجرینه دوشدی گوزلریم
 قلبیم آلشدی آلرینه دوشدی گوزلریم

من زینیم بلایه گرفتار اولوب باشیم
 رُخساریمه آخور بابا حسرتله گوز یاشیم
 یوخ دفن ائدن یارالیدی صحراده قارداشیم
 قویمولاّ دفن ائدک بابا جان دفن ائدن گتور
 عرضیم بودور گلنده آلوده کفن گتور

کرب و بلاده باتدی بابا بختیم اولدوزی
 آتلار ایاقی آتدا قالیب مسلمون قزی
 قلبیم یانور گورنده ئوزوم هر اوغولسوزی
 بوندان سورا نکر اولاجاخ بلمورم بابا
 هانسی قالار و یا ئوله جاخ بلمورم بابا

اَلْقَصَّه قویدی قارداشی زینب برابره
 باشسبز جنازه یثرده ئوزون دوتدی گوگلره
 اخلاص ئوزیله عرض ائلدی حی داوره
 درگاه باجلالتوه ائتمیرم گِله
 زهرا بالاسی دینه فدادور قبول ائله

ای خالق زمین و زمان جان سنونکدور
 یتمش ایکی فدای لب عطشان سنونکدور
 گودال قتلگهده آخان قان سنونکدور
 تیر جفا حسین ئوره گین بُلدی شاهد اول
 هر تک تکی بو چولده سوسوز ئولدی شاهد اول

اما حسینه باخدیقوجان داشدی غملری
 دعوت ائدوبدی صبر حیالی حرملری
 قولباغلی گندی قالدی قُم ئوسته ئولنلری
 غم کاروانی دوشدی یولا سینه داغلادی
 بس (ناطقی) حسینه حسینیلر آغلادی

زبانحال

ای دوشن مَسْلَخ عُشَّاقده عطشان گُندورم
 دفن ائدم قویمادیلار پیکرون آلان گُندورم
 ئوز آلیمله سنی ایکاش بوکیدیم کفنه
 زینبه قارداش حسین اولمادی امکان گُندورم
 کسیلن آلره خاطر باجووی دور یولا سال
 جانیم اولسون یارالی جانوه قربان گُندورم

قطعه

سیر ائدن سرنیزه ئوسته باشوه قربان حسین
 قائلن مَمزوج اولان گوز یاشوه قربان حسین
 مَسْلَخ عُشَّاقده عُشَّاقلردن باش گلن
 پیکری قولسوز قالان قارداشوه قربان حسین

زبانحال حضرت امام سجّاد علیه السلام

«سینه زنی ، زنجیر زنی و غیره»

گلدیم سنی دفن ائتمگه الآن بابام ایوای
«جانیم یارالی جاتوه قربان بابام ایوای»
مظلوم بابام ایوای ، مغموم بابام ایوای

باشون بدنونده گؤرورم یوخد یارالی
پیکر متلاشی یاراسی چوخد یارالی
آتدان سنی تپراقه سالان اوخد یارالی
آگدی قذوی ناوک پیکان بابام ایوای

اعضاء داغلوب گل کیمی خندان دی بو چولده
شهزاده بالان ظلمله دوغراندی بو چولده
شش ماهه علی اصغرون اوخلاندی بو چولده
قربانون اولوم جان وئرن عطشان بابام ایوای

مذبوح اولونان ظلمله بو حنجره قربان
 گل مثلی داغیلمیش یارالی پیکره قربان
 ایوای منه وای قطع اولونوب آلله قربان
 کیم گورسه اولار حالی پریشان بابام ایوای

دین ئوسته بو مأواده بابا قانه باتوبسان
 قربان داغلان پیکره مقصوده چاتوبسان
 ئوچ گوندی بابا قُمَلارین ئوستونده یاتوبسان
 باشسیز بدهنون یارهلی عریان بابام ایوای

محنت گؤزومی پردهلیوب اوخشادیب ابره
 غم موجلیدور یوخدی توان دلده کی صبره
 بُلَمَم نَجْه اعضانی قویوم یارهلی قبره
 قالموبدی گئدوب جسمده میزان بابام ایوای

واضح بابا جان قلب شریفون سخلوبدور
 قارداشون او لحظه یئره آتدان یخلوبدور

بُلْبُلده توان اولمادی گُل گلدی سوراقه
 شایسته دُگل منزل ویرانه قوناقه
 جان بذل ایلیوم عشقه بو قانلی دوداقه
 حالیم پوزولوب حالی پریشان بابا گلدون

آج گوزلروی زُلفی پریشانلارا خاطر
 عشقونده آخان معرکه ده قانلارا خاطر
 اسلامه کمک سوگلی فتیانلارا خاطر
 احسان ائلدون صاحب احسان بابا گلدون

ای عشق فداسی بابا او داجوه قربان
 دللن دلوه باشد اولان تاجوه قربان
 شاماته گلن نیزه ده معراجوه قربان
 تار اولدی بیزه عالم امکان بابا گلدون

مَدّدی بابا بیزلری یادان چخادوبسان
 اولاد علینی نیه بس گوزدن آتوبسان

خون دله گوز یاشوی واضحدی قاتوبسان
یاندیردی یانان قلبی هجران بابا گلدون

باشون کسیلوب تشنه قفادن بابام ایوای
قلبی بؤلونن تیر جفادن بابام ایوای
بُلَمَم بس ئوپوم هانسی یارادن بابام ایوای
قانیله اولوب لبلرون الوان بابا گلدون

ای مَحرم اسراره طرفدار اولان عاشق
ظاهرده گلستانی جفادن سولان عاشق
آج گوزلروی گوزلری قاندان دولان عاشق
قربانون اولوم دردیله درمان بابا گلدون

غربتده قالب عترتون عدوان آراسیندا
گوردوم بابا جان غرقدون القان آراسیندا
باشسیز بدهنون قالدی بیابان آراسیندا
بُلَمَم نئجه ای دردی فراوان بابا گلدون

سن سیز بابا دنیاده گلستان نیه لازم
 سن سیز اوخونان میته قرآن نیه لازم
 سن سیز قورولا شام غریبان نیه لازم
 وئردی اجلیم عمرمه پایان بابا گلدون

ای (ناطقی) فکر ائتمه محن سانه گلندی
 قانه قاریشوب گوز یاشی رُخساره آندی
 آلوده اولان تُپراقلان تلر آندی
 باش سینه ده یومدی گؤزونی جان بابا گلدون

*

زبانحال حضرت رقیه علیها السلام
زبایات

عزیز فاطمه ویران سرایه خوش گلدون
حرملرون آلوب الآن ارایه خوش گلدون
بویون بلاسین آلوم کربلا غریبی بابا
تسلّی وئرمگه بختِ قرایه خوش گلدون

منیمدی نوبه قویام گل یوزه دوداقلاریمی
چکم جمالوه سیلی دگن یایاقلاریمی
ئورکده چوخدی سؤزوم ابتدای مطلبده
بو کهنه دامنله گیزلدیم یایاقلاریمی

گئجه گونوز واردیم لحظه لر سوراقونده
یانوردیم آتش غمده بابا فراقونده
ایشیدمِشَم باشووی شمر ذبح ائدوب دالدان
بیر آیری منظره وار خوشک اولان دوداقونده

سن ئولمیش من ئولیدیم عزیز جان بابا وای
 محاسنونده نندن واردی تازه قان بابا وای
 گوژوم بابا کور اولیدی بو حالی گورمیدیم
 بُولوب دوداقلارووی ضرب خیزران بابا وای

نه عِلّته بیزی یادان چخاتموسان یارالی
 اسیر اولانلارووی گوزدن آتموسان یارالی
 دئسم ئوزونده کُل آثاری وار خلاف اولماز
 بویور گوْراخ او گجه هاردا یاتموسان یارالی

پناه عالمیان قبله گاه محبوبان
 امید اهل ولاء دستیار مظلومان
 بُلن بُلور ثقلینون امامی سن بابا جان
 جدا باشیندا گلن قانلو باشوه قربان

دانش بابا منله آه و زاریدن دانشاخ
 نلر گلوب باشیما روزگاردن دانشاخ
 ایاقلاریم قبار اولدی پیاده قاچماقدان
 توجّه ایله گِلن نیش خاردن دانشاخ

خرابه منزله گلدون دئیوم ئورک سؤزومی
 آلودور اکبر شهزاده قلبیدن دوزومی
 وصال یاره یتشماخ سعادت ایستیوری
 بو یئرده چاره ندور منتظر قویوب گوزومی

حرملرونده منه قُرعه چخوب بذلون
 قبول ایلمشم جاودانه دور فضلون
 اولان اولوب بابا جان بیر دانا سؤالیم وار
 نَدَن سنیله بورا گلمیوب ابوالفضلون

باخاندا غم گیترو ر محضرونده یو خدی بابا
 او نی خجالت ائدن سجده گهده او خدی بابا
 وجودی قولسوزوموش باشنه دگوب یاره
 او علته گله بلموب یاراسی چو خدی بابا

خرابه منزل اولوب اهلبیت طاهایه
 گوز آچمارام داخی سن سیز بو فانی دنیایه
 اواخر عمرومه خاطر بو قانلو گوزلرون آچ
 سنی قسم وئرورم دل شکسته زه رایه

گتیردی زینبی درده رُقیه زمزمه سی
 بیر آیری منظره آچدی پیمبرون نوه سی
 وصال یاره چاتوب روحی آیریلوب تندن
 گؤروب دی زینب کبری کسیلدی عمه سه سی

بیری آلین آپاروبدور طبقده سرپوشه
 بیری یارالی باشی گوتدی باسدی آغوشه
 بیری دئدی بالام ئولدی حسین ندور چاره
 بیری دئدی آیلار دینمیون گئدوب هوشه

خبرده ثبت اولونوب روزگاره آچمادی گوز
 کسیلدی چاره یولی بخت قاره آچمادی گوز

وصال شمعه پَر ویردی یاندی پروانه
 آلشدی پَرلری چکدی شراره آچمادی گوز
 یانان ئورکلری درده گیتردی ناله سَسی
 نقدر آغلادیلار کم بهاره آچمادی گوز
 بیری دئدی یارالی نازنین بالام ئولدی
 دوشوب آز عُمرده بیحد فشاره آچمادی گوز
 بیری دئدی یومولان گوزلره بی بون قربان
 چکوبدی آلرینی زُلف تاره آچمادی گوز

بیرى دئدى سارالان رنگوه ئوزوم قربان
 توجّه ایلمدى آه و زاره آچمادى گوز
 بیرى دئدى ییزی غربت مکاندا آغلتما
 ئوزون گؤزون بَلَنوبدور غباره آچمادى گوز
 بیرى دئدى ئوزومه باخگلان گؤزوندن ئوپوم
 ئوزیوی چکمه آناندان کناره آچمادى گوز
 بیرى دئدى سن علی اکبری چوخ ایستردون
 سنه قزیم گتورّر گوشواره آچمادى گوز
 سیلوبدى ئوز گؤزونی زینب ملک سیما
 یئتوردی لبلری چشم خماره آچمادى گوز
 ویروبدى مُهر سکوتی اجل دوداقلارینا
 قوشولدى واضحی آیری قطاره آچمادى گوز
 سؤزون ادامه‌سی وار (ناطقی) کفایتدور
 مُطوّل اولسا چکر اینزجاره آچمادى گوز

رُبَاعِیَات

چوخ دتله اولوبدی معالج رُقِیّه دن
 بیگانه لر آلوبدی نتایج رُقِیّه دن
 اخلاص ئوزیله سسله ساخ امداده وار یثری
 آلولخ نتیجه بابُ الحوائج رُقِیّه دن

غمغر آئینده غمغرله توش اولدی دهرده
 گیتدی جلالی خانه بدوش اولدی دهرده
 آلدی نتیجه آخر عمرونده شامده
 چاتدی وصال شمعه خموش اولدی دهرده

کرب و بلاده چاره سیزه چاره قالمادی
 غارت اولوب قولاقداکی گوشواره قالمادی
 دشمن که یخدی شاه شهیدانی عرصه ده
 یغمایه گیتدی خیمده گهواره قالمادی

السَّلامُ عَلَیْكَ يَا زَيْنَبُ کُبْرٰی علیها السلام
 اَدْرکْنَا وَلَا تُهْلَکْنَا

زینب ای محبوبه یکتا سلام اولسون سنه
 یادگار حضرت زهرا سلام اولسون سنه

زینت فخر الائمه عمّه صاحب زمان
 رونق دین مرکز تقوی سلام اولسون سنه
 روح بخش عارفان و سالکان ما خَلَقْ
 رهروان عاشقان طوبا سلام اولسون سنه
 زیب محراب و منابر دختر خیر الوری
 افتخار حضرت طاها سلام اولسون سنه
 شمع ایوان ولایت مجری قانون دین
 ایلدون دین مُلکنی احیاء سلام اولسون سنه
 عالمه گلمز مثالون ای عزیز فاطمه
 دختر جان بر کف مولا سلام اولسون سنه

محنت ایّامه دوزدون دین اسلام عشقنه
 جان زهرا صبریده دریا سلام اولسون سنه
 جانشین ائتدی سنی سلطان عاشورا او گون
 امر و نهی ایلدون اجر اسلام اولسون سنه
 عاجزانه وار دور عرضیم ای عزیز فاطمه
 ایسته حق لطفون ائده اعطا سلام اولسون سنه
 عیدیانه ایستروخ سلطان مافیها قزی
 قیل عنایت صاحب ایفاء سلام اولسون سنه
 آل بیزیم دامن سنون ای زینت مولا علی
 چوخ گوژن آز عمرده ایذا سلام اولسون سنه
 (ناطقی) پنجم کتابون افتخار دوستان
 دلنشین اولسون اولوب سودا سلام اولسون سنه

**

*

زبانحال حضرت زینب علیها السلام

«سینه زنی ، زنجیر زنی و غیره»

اربعمیوه حسینیم دشت کربلایه گلدیم
بو بلالی چولده قارداش اگلشم عزایه گلدیم

قبرون ئوستونه عزیزیم غملی کاروان گتیردیم
فرقتونده اشک آلی سیل تک روان گتیردیم
گلستان عاشقانه نئچه نوحه خوان گتیردیم
بُلْبُلان غم یانیمدا غملی غمغزایه گلدیم

بیز گئندده کربلادن پیکرون قُم ئوسته قالدی
اولمادی آلیمه امکان طاقت توانیم آلدی
نعشوی گوژرنده قارداش صبر قالمادی آزالدی
چاره تاپمادیم حسین جان نی کمین نوایه گلدیم

چخمیاندی غم یادیمدان گون یارالارا شاخوردی

اهل عیالوین بو یئرده گوز یاشی ئوزه آخوردی
مُغرضانه دشمنانوں آغلیانلارا باخوردی
حالمی سوروش دئیوم من جان بئله فدایه گلدیم

باشوی جدایه ویردی قوم کوفیان آپاردی
آند اولا آنام بتوله باغیریم اولدی قان آپاردی
بیزلره او قوم کافر وئرمدی امان آپاردی
ائتمیرم گلایه دوشدوم دمبدم بلایه گلدیم

باشوین دالیجا دوشدوم سایه سینده دالالاندیم
کربلا چولونده گرچه ظلم آلیله بس تالاندیم
دزّه جه وقاریم آلدن وئرمدیم حسین دایاندیم
وئرمشم عدو مرامین قارداشیم فنایه گلدیم

فتح پرچمین مُسَلَّم شامه ویرمشام حسین جان
رشته امید کُفری بسکه قیرمشام حسین جان

سن گئدن مرامین ئوسته منده دورمشام حسین جان
خط سیروی یئتیردیم واضح انتهایه گلدیم

مامضی گئچوب او گونلر غملی ماجرا واریمدی
قارداشیم وطنده سنسیز بس گئدیم هارا واریمدی
داغدار ئورکده قارداش آیری بیر یارا واریمدی
قالدی شامیده رقیّم ائلمه گلایه گلدیم

قانلو باشوی گؤرنده حسرتیله دوردی باخدی
آه چکدی آهین ئوسته گوز یاشی عذاره آخدی
حیف اولا گؤزل مزاری زاد بویمدن اوزاخدی
با خبر ائدیم بُلورسن غملی ماجرایه گلدیم

نِسگلی بیانه گلمز ای حبیبِ کردگاریم
قانلو لبلروندن ئوپدی گیتدی طاقت قراریم

یومدی گوزلرین رقیّم اوجلندی آه و زاریم
تاپمادیم کفن عزیزیم غملی دلربایه گلیم

قؤل وئرمشم رقیّه ئولمسم دوباره گلّم
قبروی خرابه یئرده آلماقا کناره گلّم
ساخلاسان مجاور اولام باتماقا غباره گلّم
ئولمدیم گرک ئولیدیم مسلخ منایه گلیم

شمر باشوی کسنده آلدی آلدن اختیاریم
بیر گونون برابرینده سولدی عزّت بهاریم
آرتدی غملی ماجرادن دلدّه سوزش شراریم
(ناطقی) دئیور نظردن سالما التجایه گلیم

**

*

رُبَاعِيَات دربارۀ اربعین
زبانحال حضرت زینب علیها السلام

من زینب صفالی گلستانه گلشم
آلر ئورکده درگهی سلطانه گلشم
بوشدور آیم خجالتم ای میر کاروان
زهرای عزیز می در دیمه درمانه گلشم

من زینب صفالی گلستان سنونکدور
یتمش ایکی فدای لب عطشان سنونکدور
غملم یوروبدی زینبی دیندیر گلن حسین
احسان ئوزیله ، غمزده مهمان سنونکدور

من زینب زمانده دسیاروم سنون
روحیم غذاسی غملی عزاداروم سنون
قیرخوندی گلمشوخ یارالی قبرون ئوستونه
بو قیزلاریلا غمزده زواروم سنون

من زینبم بلایه گرفتار اولوب باشیم
 صحرای کربلاده دؤنوب قانه گوز یاشیم
 زلفوم آغاردی غملر آئینده قوجالمشام
 ئولدوردیلر بو چولده قالیب یدّی قارداشیم

من زینبم حسین غم هجرانه یانمشام
 باشون دالیجا کوفه و شامی دولانمشام
 گرچه دگوبدی قولاریمایا قمچی ضربه سی
 فخریم بودور که کوینگون اللردن آلمشام

من زینبم قراریمی غم آلدی شامیده
 مرآت آرزومی داشا چالدی شامیده
 واضحدی مسئله سنه ای جان فاطمه
 نازلی رُقیم ئولدی حسین قالدی شامیده

من زینبم رُقِیَّه غمینده چوخ آغلادیم
 سینمده صبحه تک گئجلر یاندی ساخلادیم
 جان وئردی حسرتیله منی ائتدی ناامید
 تُپراقلار ئوسته نعشنی جان تک قوجاغلادیم

وئرسون اجازه بوردا حسین قالام آغلارام
 ئوز محضرونده سینئه مجروحی داغلارام
 بو کعبه وصالده قیلام نمازیمی
 بعد از نماز گوز یاشی رُخساره باغلارام

زبانحال حضرت اُمّ البنین علیہا السلام

دولانوب چوللری سیر ائتدی قطار اُسرا
 یثر به گلدی چاتوب دایر اولوب بزم عزا
 هر نفر ئوز ئوزونه راڤی اولوب باشدا قرا
 یئری وار بیله دئسون جعفریله فضل آناسی
 اوجا بوی آنی کورک ارشد ابوالفضل آناسی
 سالموسان یاده ندن غملره همدم آنای
 آیری بیر حاله سالوبدور گؤزلیم غم آنای
 بُریوب درد آلم صاحب پرچم ، آنای
 سارالوب رنگی فراقون اوغول آرامین آلیب
 اگلیب قامتی غمدن گوزی یولاردا قالیب
 ای دوشن کعبه آمالده ائلدن آرالی
 گله گر صدمه یئته آفت غمدن سارالی
 آنایین اوغولوم اولوب قلب ائوی غمدن یارالی
 گئجه گوندوز باخورام یولار اوغولوم گله سن
 ئولمیش بیرده باخام قولار اوغولوم گله سن

نیلسون گوزلری یولاردا قالان اُمّ بنین
 فرقتونده قالیب آغلار قوجالان اُمّ بنین
 بو فنا دهریده اوصافی یالان ، اُمّ بنین
 اشتهاریم واردی صاحب اولدوز نیم
 ایمی دی بُلیم داخی یثریده اوغولسوز نیم

سنه قربان من اولوم سالما گؤزوندن آناوام
 دویمادیم وای منه زیبنده سؤزوندن آناوام
 ایستورم گورسم ئویم بیرده ئوزوندن آناوام
 گوزلریم یولدا قولاخ سسده سوراقونده واران
 راضی اولما ئوره گیم دردینی قبری آپارام

چاره می قطع ایلین دشمن آلیب ساق صولووی
 نهریدن خارج اولان وقته کسوبلر یولووی
 کیم جسارتله سالیب ظلمله تندن قولووی
 قولاروندان تۆکولن قانوه قربان یارالی
 روحوه جسموه ایمانوه قربان یارالی

نَّجْه من آغلامیوم قلب شریفون سخلوب
 نَّجْه من آغلامیوم عضودن اعضاء چخلوب
 نَّجْه من آغلامیوم پیکرون آلسیز یخلوب
 اوجا قامت اوجا یثردن دوشوب آلر یوخوموش
 آلان آرامووی آنوندا که ئوچ پَر اوخوموش

نَّجْه من آغلامیوم حالوه یانام گنجلر
 اشک حسرت ئوزه آخدوقجا بویانام گنجلر
 یوخی گلسه گؤزومه فوراً اویانام گنجلر
 زائر کرب و بلا طاقتیمی الدن آلیب
 آند اولاقامت رعنایه آنان چوخ قوجالیب

نوفلین ظلمی قاتوب خون دله گوز یاشووی
 سیندیروب آهن عموديله او کافر باشووی
 تک قویوب دشمن ایچینده یارالی قارداشووی
 یار و انصاری ئولوب ئوستونه غملر توکولوب
 آغلورام اوغلوم حسینه بئلی غمدن بؤکولوب

نَّجْه من آغلامیوم شاه شهیدان بالاما
 نَّجْه من آغلامیوم حامی قرآن بالاما
 نَّجْه من آغلامیوم قلبی اولان قان بالاما
 نَّجْه من آغلامیوم گلشنی تاراج اولانا
 نَّجْه من آغلامیوم باش یاراسی تاج اولانا

نَّجْه من آغلامیوم زینبی گوزدن آتانا
 نَّجْه من آغلامیوم پیکری قانه باتانا
 نَّجْه من آغلامیوم قبریده باش سیز یاتانا
 نَّجْه من آغلامیوم ظلمله مظلوم ئولنه
 نَّجْه من آغلامیوم ضربه دوداقون بؤلنه

نَّجْه من آغلامیوم غملی غُباره بُرونوب
 نَّجْه من آغلامیوم دشمن ایچینده گُورونوب
 نَّجْه من آغلامیوم تُپراقین ئوسته سورونوب
 نَّجْه من آغلامیوم کاسه صبری جالانوب
 اوخ دگوب (ناطقی) قلبی بالامون پارچالانوب

رُبَاعِیَات
زبانحال حضرت اُمّ البنین علیہا السلام

من آغلورام یانورام گُللری سولان بالاما
 قوری یئر ئوسته دوشوب پیکری قالان بالاما
 اونون فراقی خانم زینبی قوجالیدی
 نئجه من آغلامیوم قانه غرق اولان بالاما

اولوب غمونده ئوزه گوز یاشیم روان بالا وای
 قان ایچره معرکه ده بسترین آچان بالا وای
 ئوره گمی گتروب درده غملرون یانورام
 یارالی پیکری یئرده دوشوب قالان بالا وای

نئجه من آغلامیوم دوغریوبلار اکبرینی
 نئجه من آغلامیوم شمر ذبح ائدوب سَرینی
 بُلنمیرم بئله بیر سوز دئیولّه وای منه وای
 گئجه زمانی کسوب ساربانى آلرینی

فنا جهانده هر بیر غمی علن بالا وای
 توره گینون باشنی ئوچ پَر اوخ بُلن بالا وای
 سزادی عرض اولونا یانه یانه هر یئرده
 ایکی سووین آراسیندا سوسوز ئولن بالا وای

اگرچه درمه مشم گل صفالی گلشندن
 حسینه آغلاسام عباس اولار رضا مندن
 مبارک آلنا داش قلینه ویروبلا ر اوخ
 گورودی ظلم بالام کربلاده دشمندن

نتجه من آغلامیوم قطع اولوبدور اوداجی
 نتجه من آغلامیوم داش یاراسیدور تاجی
 قالیدی ئوچ گتجه گوندوز یئر ئوسته گل بدنی
 یارالی باشین اولوب نوک نیزه معراجی

نتجه من آغلامیوم توش اولوبدور آلامه
 نتجه من آغلامیوم زینبی گئدوب شامه
 نتجه من آغلامیوم اوخلیوبلا اصغرینی
 قالاندی حشرجه بس (ناطقی) بو برنامه

رُباعی

آنان اولسون او گوژل گوزلره قربان گل اوغول
 فرقتونده بُلوسن باغریم اولوب قان گل اوغول
 یخلاندا یارالی گورممشم قتلگه
 گوزلریم یولدا قولاخ سسدهدی هر آن گل اوغول

**

قطعه

سلام اولا آقا جان پاره پاره پیکروه
 سلام اولا آقا جان قطع اولان بِلکروه
 اوغول غمی هامی غمدن چتیندی عالمده
 سلام اولا آقا جان شاهزاده اکبروه

السَّلامُ عَلَیْكَ يَا مُعِینَ الضُّعْفَا

امام رضا آقا جان بارگاهوه قربان
توجه ایله گِلن هر نگاهوه قربان

جهانیان بُلوری مرتضا سن ای مولا
گۆز لرین گۆزلی ارتضا سن ای مولا
آدون علیدی مُلقب رضا سن ای مولا
وطندن آیری دوشن زادگاهوه قربان
توجه ایله گِلن هر نگاهوه قربان

قوناقلارون دولانور باشوه چو پروانه
دئیور ثورک سؤزونی قلیدن یانا یانه
اولار که دامنوه آل آتوب صمیمانه
وطندن آیری دوشن زادگاهوه قربان
توجه ایله گِلن هر نگاهوه قربان

گلنر اهل ولاء دور سوراقه مولا جان
 مُحَبَّتانه باخالار قوناقه مولا جان
 نیازمیز وار او قانلو دوداقه مولا جان
 جلالی باعظمت رازگاهوه قربان
 توجّه ایله گلن هر نگاهوه قربان

فتواد احمد مختار سن امام رضا
 گلاب حیدر کرّار سن امام رضا
 تمام ملّته دسیار سن امام رضا
 نظرده ساخلاگلان پایگاهوه قربان
 توجّه ایله گلن هر نگاهوه قربان

خدایه شکر اولای بس گلمشوخ زیارتوه
 نتیجه آماقا گوز تیکمشوخ عنایتوه
 وار احتیاجی میز هر آن سنون شفاعتوه
 شفیع روز جزا شاهراهوه قربان
 توجّه ایله گلن هر نگاهوه قربان

آنان بتوله قسم افتخار هستیم سن
 یانان جگرلره قربان امام هشتیم سن
 تمام شیعلره قبله گاه هفتیم سن
 حریم کعبه حق قبله گاهوه قربان
 توجّه ایله گلن هر نگاهوه قربان

غریب و بیکسین احوالنی سوروشمازلار
 ئولنده آلتنا بیر رختخواب سالمازلار
 وئرنده جان قوری یئرده یانیندا قالمازلار
 غریب سن دگسن عزّ و جاهوه قربان
 توجّه ایله گلن هر نگاهوه قربان

ئولن زمانده سن باغلیوبدلار گوژیوی
 جوان اوغول یتشوب درک ائدوب ئورک سوزیوی
 وئرنده جان چویروب قبله سمتنه ئوزیوی
 بدن یارالی دگلدی رفاهوه قربان
 توجّه ایله گلن هر نگاهوه قربان

غریب او کیمسنه دی قُمَلار ئوسته جان وئردی
 یارالاروندا آخوب چشمه چشمه قان وئردی
 یانان ئورک باشنی اوخلارا نشان وئردی
 دئیوبدور عَمَن حسین سوز آهوه قربان
 توجّه ایله گِلن هر نگاهوه قربان

او یئرده کی یخلوب کربلا سلیمانی
 بدن یارالی آخوب تُپراقا ئورک قانی
 بهشتیدن گتیروب کربلایه زهرانی
 بویورسا واردی یئری إستگاهوه قربان
 گوز آچ باخوم یارالی هر نگاهوه قربان

ئوره گوین قریلوب بندی اوخ بُلوب یارالی
 رسا قدون بُکولوب قارداشون ئولوب یارالی
 سن آغلیاندا اونا کوفیان گؤلوب یارالی
 ایکی قولی کسیلن سر سپاهوه قربان
 جواب وئر آناوام قتلگاهوه قربان

قاتوبلا خون دله ظلم آلیله گوز یاشوی
کنار نه‌ریده قولسوز یخوبلا قارداشوه
اودور که شمر عداوتله ذبح ائدور باشوی
صودم حلالین اوغول وعده‌گاهوه قربان
گوژیوی باغلامامیش باخ نگاهوه قربان

نصیب اولا آقا جان کربلایه یول سالوخ
او آلتی گوشه‌لی قبرین کنارینی آللوخ
گئجه صباحه کیمی یاتماروخ اویاخ قاللوخ
او یئرده عرض ائدروخ صبحگاهوه قربان
یانان چادیرلارووا خیمه‌گاهوه قربان

امام ثامن و ضامن سفیری مئانی
رئوف آل علی درده ایله درمانی
آلینده (ناطقون) یوخدور حشره عنوانی
قوناخلاروندان آیرما گواهوه قربان
امام رضا آقا جان سال و ماهوه قربان

سلام بر ثامن الائمه علیه السلام
 «سینه زنی ، زنجیر زنی و شور»

ای ضامن آهو رضا بیزدن سلام اولسون سنه
 وی یادگار مرتضا بیزدن سلام اولسون سنه

شُکر سزادور خالق یکتایه سالم گلمشوخ
 عرض ارادت ائتماقا زهرایه سالم گلمشوخ
 عُقبایه بوردان اخذ ائداخ سرماییه سالم گلمشوخ
 مایوس اولاخ گورمه روا ، بیزدن سلام اولسون سنه

سن مَحرم اسرار سن محبوب حیّ لَمْ یَزَلْ
 مِثْلون جهانیه گلمیوب گلمز وجودون بی بدل
 سنله بیر آیری کیمسه نی ممکن دُگل ویرماخ مَثَل
 بیگانه لر گلمز بورا ، بیزدن سلام اولسون سنه

دعوت ائدوب سن گلمشوخ ای سیّدی والاتبّار
 احسان ئوزیله قیل نظر مولا علیدن یادگار

باخسان مُسَلِّم سَیِّدِ اوْلُوخ همانا کامکار
احسان ائله خیرُ الوَرِیْ ، بیزدن سلام اولسون سنه

بُلْبُل گلنده گلشنه ذوق و صفادن دَم ویرار
وصل نگاره تاپیاسا یول آشنادن دَم ویرار
طالب گؤره مطلوبنی هر آن ولادن دَم ویرار
مشتاقووخ صبح و مسا ، بیزدن سلام اولسون سنه

ای قبله گاه شیعیان سعی و صفا ایستور گؤگول
آب و فُرات و زمزم و خیف و منا ایستور گؤگول
آگاه سن هر مطلبه کرب و بلا ایستور گؤگول
ایسته نصیب ائتسون خدا، بیزدن سلام اولسون سنه

وئروخ قسم مولا سنی حالی پریشان عمّه وه
کرب و بلاده غُصّه دن قلبی اولان قان عمّه وه
بو ملّتی تاپشیرگلان هر درده درمان عمّه وه
لطفون مریضانه شفا ، بیزدن سلام اولسون سنه

بو پیشگاه اقدسین پابوسینه حورا گلر
 هر پنجشنبه قبروه اوغلی ثولن زهرا گلر
 محراب طاعتده باشی مُنشق اولان مولا گلر
 ای زینت اهل ولا ، بیزدن سلام اولسون سنه

هر کیم گله درگاهوه مولا مُسلم شاد اولار
 اولسون قسم اجلالوه دارین ائوی آباد اولار
 باخسان عنایتله اگر هر قیددن آزاد اولار
 ای صاحب بابُ الرّجا ، بیزدن سلام اولسون سنه

قوشلار پناهنده اولوب بو گُنبد زرداروه
 جانلار فدا اولسون آقا آثاروه ایثاروه
 قوش (ناطقنی) مولای من ایللر بوی زوّاروه
 ایستور برات کربلا ، بیزدن سلام اولسون سنه

درباره سالگرد امام خمینی «ره»
«سینه زنی ، زنجیر زنی و غیره»

سالگردیوه خمینی صدقله گلنلر آغلور
بو فنا جهاندا مولا دردوی بَلنلر آغلور

گلمیوب جهانہ گلمز مِثلون ای عزیز زهرا
حیف اولا آرالی دوشدون بیزدن ای زعیم دانا
مسکن ایلدون به امر حق تُرّابین آتدا مأوا
قاره تُپراق اولدی لیکن گُل وجوده بستر آغلور

روحِدون امام عصره روحوه فدا خمینی
افتخار دین و قرآن دُرّ پُر بها خمینی
ائتمیوب ائده سنون تک بیر نفر بنا خمینی
صادقانه خدمت ائتدون ملّته سراسر آغلور

گرچه آغلادور طبیباً ارتحال جانگدازون
لیک گون کیمی تجلّی ایلدوقجا کشف رازون

دوستان ائدور مُسَلِّم فخر دور که امتیازون
فرقتونده اشک ریزان گرچه حق دینلر آغلور

مَنْجَنیق غم سخوبدور پیروان مرتضانی
کاش سنله بیز گؤریدوخ قتلگاه کربلانی
مجلس اهلی اوردا مولا دایر ایلله عزانی
اوردا چون حسینه دائم پاسبان مَلکَلر آغلور

دعوت ایلسون دیاخ بس فاطمه بالاسی گلدوخ
ئوپمگه مزار پاکون غملر آشناسی گلدوخ
هر گونی هر آی هر ایللر باشلانان عزاسی گلدوخ
شیعه لر سَپیر مزارون ئوسته مُشک عنبر آغلور

محضرونده عرض ائداخ ای قانه غرق اولان حسین وای
ظلم آلله کربلاده گُللری سولان حسین وای
گوزلری فشار غمدن ابر تک دولان حسین وای
گُلشنون خزانه دوندی پَر پَر اولدی ایللر آغلور
زینب ئوپدی قتلگهده قان آخان بلکلریندن

بهره‌مند اولانمیوبدور قطع اولونموش آلریندن
چکدی اوخلاری کناره آتدی قانلو پیکریندن
باغرینا باسوب حسینی دوره‌ده حرملر آغلور

وار یثری دیسون حسین جان قانلو دستمازه قربان
باش یارا بدن یارالی قیلدیقون نمازه قربان
وعده‌گاه کربلاده ذبح اولان بوغازه قربان
زینبون گئدور وجودون تُپراق ئوسته بی‌سر آغلور

نیلیوم نچاره ایلوم یوخ باشون بدنده قارداش
گیتدی طاقتیم الیمدن نعشوی گؤرنده قارداش
نعشوه طرف سوروندوم ناقَدَن آننده قارداش
آدوی باجون دلینده ایلیوبدور ازیر آغلور

یا حسین که دویماق اولماز آدوین حلاوتوندن
ایلمه بیزی پشیمان قبروین زیارتوندن
سالما دوسلاری کناره حشریده عنایتوندن
(ناطق) دئیور او ساعت وار اسغلی محشر آغلور

قطعه

کرب و بلا ده چوله قانه باتان حسین وای
 اولادینی گوزوندن واضح آتان حسین وای
 زهرا ئوزی باغشلار عرض ایلسم بو نوعی
 سان سیز یارا بدنده باش سیز یاتان حسین وای

**

ایضاً قطعه

یازلیب پرچم ماتمه حسینون آدی وار
 مُطلقا روحه صفا بخشیده آیری دادی وار
 ویرگلان دامننه چنگ توئل سوزه باخ
 آتگین کیم دوتا صدقیله اونون هرزادی وار

میلاذ با سعادت حضرت مهدی عج:

گلشن باغ و چمنه چمنه مرحبا

پور امام حسنه حسنه مرحبا

نیمه شعبان گلیب

درتله درمان گلیب

باد صبا شوقله گیت سوزی زهرايه ده

خلق اولونوب روحه غذا گل طاهایه ده

مسئله نی قوی گلا سن بئله اجرایه ده

شوقله دیدار ائدنه ائدنه مرحبا

شمع فروزان گلیب

دهره گل افشان گلیب

دمده مسیحا یارانوب یارانوب شاد اولون

زاده زهرا یارانوب یارانوب شاد اولون

وارث طاها یارانوب یارانوب شاد اولون

مجلس جشنه گلنه گلنه مرحبا
 بلری خندان گلیب
 یار مُحَبَّان گلیب

عالم امکان گوژرونور بزه‌نوب نورله
 گلشن آرا گُللر آچوب نظر ائت سورله
 چهچه بُلُبل دل آچوب عجا سورله
 خوش باخشا خوش گلنه گلنه مرحبا
 وارلقا امکان گلیب
 آیت منّان گلیب

صاحب عزّ و شرفون شرف آئینه‌سی
 دهریده صالح خَلفون شعف آئینه‌سی
 وارث شاه نجفون آصف آئینه‌سی
 جدّ حسین و حسنه حسنه مرحبا
 یار ضعیفان گلیب
 باب یتیمان گلیب

آیری مُصفاً یارانوب آچلان گُللره
 مژده موعود گلیب بو گونی ائللره
 جان دئیوله خوش دانیشان یئری وار دللره
 متن صفای سخنه سخنه مرجبا
 ملته مهمان گلیب
 صاحب احسان گلیب

**

قطعه

اخلاص ثوزیله درگه سلطانه گلمشوخ
 عالی نتیجه آلماقا عنوانه گلمشوخ
 شکر سپاس خالق متانه دمبدم
 احسان ائدوبدی نیمه شعبانه گلمشوخ

میلاَد با سعادت حضرت مهدی «عج»

بوگون بیر گوندی دنیایه سفیر لامکان گلدی
وصی خاتم مُرسل امام انس و جان گلدی

شکسته قلیلر تاپدی صفا مهر و محبتدن
خدای لَمْ یَزَلْ وعده وئروب صاحب زمان گلدی
بهار ایّامی گلشنده آچار گُللر تماشالی
گؤررسن شوقه گلزار و گلستانه باخان گلدی
بزندی معنویتلن سراسر عالم امکان
اولان ذی روحه بیر آیری مُجَلَّل تازه جان گلدی
گُل نسرين و سوسن ، یاسمن پژمرده لَنَمِشْدی
سولان گُللر حیات آلدی حقیقی باغبان گلدی
قد زیتون نرجسده آچوب بیر گُل تماشالی
مثالین گورمیوب گورمز زمانه جاویدان گلدی
اولوبدور نیمه شعبان جهاندا عید عظمادور
اثوین آباد اولا زهرا زعیم عارفان گلدی

فیوضاتین تمام ائدی کریم و قادر و متّان
 گؤزلرر گلستانینده گل محبوبیان گلدی
 که یعنی قائم آل محمد ﷺ گلدی دنیایه
 فنا مُلکی اِشقلاندی غیاب ایچره قالان گلدی
 سزادور حمد لَ اُ تُحصیٰ خداوند توانایه
 عدالت پرچمین میز عدالته ویران گلدی
 سماوات اهلی ناظر دور به امر صُنع بی‌همتا
 سُرادیق امامته اولانلار شادمان گلدی
 ید بیضاسی واقعه قویار حیرته موسانی
 تجلّیگاه وحدتن اولوب گون تک عیان گلدی
 آنوبلر سرّ مَنْ رایه هوادن آق قناد قوشلار
 گورنلر نقل ائدوب بی‌حد سمان همگنان گلدی
 زیارتدن اولان فارغ عروج ایلوب سماواته
 شمیم عطر جنّت پخش اولوب مسروریان گلدی
 سین وحی ربّانی آپاردی عرشه قُنداقین
 دئساخ باجادی پیشوازه گؤروب قُدوسیان گلدی

مُعزُّ الاولیاء الحق اولوبدور عرشه پیرایه
 حضور باهر النوره بهشتی حوریان گلدی
 خداوندا بو مولودین ظهورین عنقریب ایله
 دئیلسون گوزلروز روشن اولا مهدی جوان گلدی
 اجازه وئر بولوت آتدان کنار اولسون او مه سیما
 وئراخ مزده احبّایه حسین قانین آلان گلدی
 الهی بیزلری اعوان انصاری او مولادن
 بحق چهارده معصوم حساب ائت هر زمان گلدی
 بوراخما (ناطقی) آل دامن اولاد زهرادن
 اولار بیر گون دیلر مُصلح کُلّ جهان گلدی

قطعه

اخلاص ئوزیله درگه سلطانه گلمشوخ
 عالی نتیجه آلماقا عنوانه گلمشوخ
 شکر سپاس خالق منّانه دمبدم
 احسان ائدوبدی نیمه شعبانه گلمشوخ

سلام بر هیئات عزاداری.

ای شیعیان مرتضیٰ بیزدن سلام اولسون سنه
سلطان دین صاحب عزا بیزدن سلام اولسون سنه

جواب

یار اولسون الله سیزلره جمعاً علیکم السلام
وار اجر آغلار گوزلره جمعاً علیکم السلام

جواب دیگر

ای عاشقان ای عاشقان بیزدن سلام اولسون سیزه
وئرسون جزا جان جهان بیزدن سلام اولسون سیزه

سلام بر اهل مجلس

ای حسین حسین دینلر گلمشوخ سیزه سلامه
کربلانی ایستینلر گلمشوخ سیزه سلامه

جواب

ای حسینه آغلیانلار بو مکانه خوش گلیب سیز
جان فدا اولاه حسینه صادقانه خوش گلیب سیز

و سلام دیگر

السلام ای سینه و زنجیر ویرانلار السلام
کربلا سلطانیه ماتم قورانلار السلام

خدا حافظ

اذن ایستروخ اهل عزا یاران خدا حافظ
خالق ثوزی وئرسون جزا یاران خدا حافظ

جواب

ای عاشقان کربلا آلهه تاپشیروخ سیزی
دوشسون اوزاخ سیزدن بلا آلهه تاپشیروخ سیزی

ایضاً سلام

ای پرچم حرّیته یاور اولانلار السّلام
قاره لباسیله گؤزل سینه ویرانلار السّلام

جواب

اخلاص ئوزیلن مجلس ماتم قورانلار السّلام
مظلوم حسین عشقینده ای زنجیر ویرانلار السّلام

دعای قربان

خالق منّان قبول ائتسون گؤزل قربانوزی
ایلسون تأیید دنیاده اولان احسانوزی

ایضاً دعا

ایله ئوزون تقبّل قربانی بارالها
راضی ائله بولاردان زهرانی بارالها

ایضاً دعا

بار الٰہا صاحب احسانہ احسان ائتگلن
 هر سؤالات اولا محشرده آسان ائتگلن
 اهل ایمانه خدایا وئرگلن توفیق ئوزون
 دشمنان حضرت زهرانی ویران ائتگلن

**

*

قطعه

یا حسین لطف ائت حسینی لر گرفتار اولماسون
 دشمنی خوار ایلہ شاہا شیعہ لر خوار اولماسون
 یا ئولنده نوکرین جان سینہده یوز قبلہده
 یانینه مؤلا ئوزون گل دردی دُشوار اولماسون

هو الواقف

الهی سالما نظردن پیمبره خاطر
 محمّدی ﷺ عربیی شاه محشره خاطر

بو هیئت اهلنی یا ربّی ائتمه شرمنده
 امام مُفترض الطّاعه حیدره خاطر
 قاپنی باغلیانون حاجتون روا ایله
 سینان قابورقاسی زهرای اطهره خاطر
 مریض یا مرضه وار ئوزون شفاسین وئر
 قالان مدینه‌ده صغرای مُضطره خاطر
 ئورکده اولسا اگر آرزوی اولادی
 عنایت ائت بوغازی اوخلی اصغره خاطر
 نه مطلبی وار الهی بحق آل الله
 یئتور مرامنه مولای قنبره خاطر
 بو ائیل بونیلا بیزی کربلایه زوّار ائت
 قبول اولار اوخی صلوات اکبره خاطر

یا غفّار الذّنوب

الهی رخت شهادت گینلر حرمتنه
حقیقت ئوسته ئولوب حق دینلر حرمتنه

الهی پرچم اسلامی پایدار ایله
منای عشقده باش سیز بدنلر حرمتنه
الهی بیزلری معتاد ایله عبادتوه
بلالی چولده قالان بی کفنلر حرمتنه
الهی وئرگله مرضای مسلمینه شفا
حسین فراقنه گوز یاش تؤکنلر حرمتنه
الهی بوشلولارین بورجونى ادا ایله
دیار شامه جداده گئدنلر حرمتنه
الهی بیزلری کرب و بلایه زوّار ائت
قوری یئر ئوسته سوسوز جان وئرئلر حرمتنه
الهی ویرمه بلا دوستانِ مولایه
عزیز فاطمه دن آل ئوزنلر حرمتنه
الهی (ناطقنى) راغب ائت عبادتوه
مقام بنده گنی درک ائدنلر حرمتنه

فهرست

موضوع	صفحه
هو الواقف.....	۵
إِيَّاكَ نَعْبُدُ وَإِيَّاكَ نَسْتَعِينُ.....	۶
یا غفّار الذُّنُوب.....	۷
اظهار ارادت به چهارده گُل.....	۹
السَّلام علیک یا مولای یا ابا عبدالله.....	۱۱
رباعیات.....	۱۳
شاه شهیدان دادی وار.....	۱۵
کشنون ادبی قزلدان باشدور	
من کلام حضرت امام علی <small>علیه السلام</small>	۱۷
رباعیات.....	۱۹
عبرتنامه.....	۲۴
قطعه.....	۲۵
عبرتنامه	
و اشاره به شهادت مولا علی <small>علیه السلام</small>	۲۶

موضوع	صفحه
زبانحال حضرت زینب <small>علیہا السلام</small>	۳۰ - ۳۴
عبرتنامہ و اشارہ بہ فرمایشات امام <small>علیہ السلام</small>	۳۶
زبانحال امام حسین <small>علیہ السلام</small>	۴۱
قبول اولار اوخونا ربّنا اوروجلوقدا	۴۳
اوروجلوق بایراموز مبارک اولسون	۵۰
مقام شامخ مادر	۵۲ - ۶۰
رونق و صفا آتادی	۶۱
موعظہ و نصیحت و اشارہ بہ امان نامہ	۶۳
مقالہ پند آمیز	۸۴
عید مبعث	۹۲
زبانحال امام حسین <small>علیہ السلام</small>	۹۸
استمداد از حضرت فاطمہ زہرا <small>علیہا السلام</small>	۹۹ - ۱۰۵
زبانحال حضرت علی <small>علیہ السلام</small>	
در سر مزار حضرت زہرا <small>علیہا السلام</small>	۱۰۶ - ۱۱۲
یا مولاتی یا فاطمة اغیثنی	۱۱۳
زبانحال حضرت زینب <small>علیہا السلام</small> در سوگ مادرش	۱۱۵

موضوع	صفحه
زبانحال حضرت زینب <small>علیها السلام</small>	۱۱۸
رباعیات	۱۲۰
السلام علیک یا اباالحسن	۱۲۲
مدح در اوصاف حضرت امیرالمؤمنین <small>علیه السلام</small> ...	۱۲۶
سرود همخوانی در توصیف حضرت علی <small>علیه السلام</small> .	۱۳۱
در نعت مولود کعبه	۱۳۴
زبانحال حضرت امام زین العابدین <small>علیه السلام</small>	۱۳۸
اشاره به شهادت امیر المؤمنین <small>علیه السلام</small>	۱۳۹
زبانحال یکی از دختران امام <small>علیه السلام</small>	۱۴۵
زبانحال حضرت زینب <small>علیها السلام</small>	۱۴۶ - ۱۵۲
در نعت مولا امیرالمؤمنین <small>علیه السلام</small>	۱۵۳
میلاد با سعادت حضرت امام حسن <small>علیه السلام</small>	۱۵۵
زبانحال حضرت امام حسن <small>علیه السلام</small>	۱۶۳
زبانحال حضرت زینب <small>علیها السلام</small>	۱۶۷
سلام بر مولا امام حسن <small>علیه السلام</small>	۱۷۱
در مصیبت حضرت امام حسن <small>علیه السلام</small>	۱۷۲
زبانحال درباره کوچ از مدینه	۱۷۵ - ۱۸۴


موضوع	صفحه
زبانحال حضرت صفرا <small>علیه السلام</small>	۱۸۵ - ۱۸۹
اول ماه محرم الحرام	۱۹۰
اعلان عزا و اظهار ارادت	
به حضرت امام حسین <small>علیه السلام</small>	۱۹۴
سلام بر اهل مسجد و منبر	۱۹۹
ورود به کربلا	۲۰۲ - ۲۱۴
زبانحال حضرت مسلم <small>علیه السلام</small>	۲۱۵ - ۲۱۸
استمداد از امام حسین <small>علیه السلام</small>	۲۱۹
احوالات حضرت مسلم بن عقیل <small>علیه السلام</small> .	۲۲۳ - ۲۳۲
زبانحال دو طفلان حضرت مسلم <small>علیه السلام</small>	۲۳۳
زبانحال حضرت امام حسین <small>علیه السلام</small>	۲۳۸
سلام بر امام حسین <small>علیه السلام</small>	۲۴۱
احوالات حضرت حبیب بن مظاهر <small>علیه السلام</small> .	۲۴۳ - ۲۴۶
رباعیات	۲۴۷
زبانحال حضرت حرّ ابن ریاحی <small>علیه السلام</small>	۲۴۹
پوزش طلبی حضرت حرّ ابن ریاحی <small>علیه السلام</small>	۲۵۸

موضوع	صفحه
اشاره به شهادت حضرت خُرّ رضی الله عنه	۲۶۲
احوالات حضرت علی اکبر	
زبانحال امام حسین علیهما السلام	۲۶۴
زبانحال حضرت لیلا علیها السلام	۲۶۸ - ۲۷۳
استمداد حضرت علی اکبر علیهما السلام	۲۷۴ - ۲۷۸
زبانحال امام حسین علیهما السلام	۲۷۹
رباعیات - قطعات	۲۸۰ - ۲۸۱
احوالات حضرت قاسم علیهما السلام	۲۸۲ - ۲۹۴
قطعه - رباعیات - اوخشاما	۲۹۵ - ۲۹۷
احوالات حضرت عباس بن علی علیهما السلام	۲۹۸
حالات بسته شدن راه فرات	۳۰۲
اشاره به امان نامه	۳۰۷
وداع آخر حضرت ابوالفضل علیهما السلام	۳۱۰
زبانحال حضرت امام حسین علیهما السلام	۳۱۴
شجاعت حضرت عباس علیهما السلام	۳۱۹
اظهار ارادت به پرچمدار کربلا	۳۲۳
احوالات حضرت عباس علیهما السلام	۳۲۹

موضوع	صفحه
زبانحال امام حسین <small>علیه السلام</small>	۳۳۶
عشق مجازی و عشق معنوی	۳۳۹
زبانحال امام حسین <small>علیه السلام</small>	۳۴۷ - ۳۵۷
رباعیات - سؤال و جواب	۳۵۸ - ۳۶۱
زبانحال حضرت زینب <small>علیها السلام</small>	۳۶۲
وداع آخر امام حسین <small>علیه السلام</small>	۳۶۸
السلام عليك يا ابا عبدالله <small>علیه السلام</small>	۳۷۰
قطعه - رباعیات	۳۷۵ - ۳۷۶
شور عاشورا	۳۷۷
آرزوی زیارت کربلا	۳۸۰
شور حسینی <small>علیه السلام</small>	۳۹۰ - ۳۹۴
درباره غارت خيام	۳۹۵
رباعیات - درباره غارت خيام	۳۹۹
شام غریبان امام حسین <small>علیه السلام</small>	۴۰۳
زبانحال حضرت زینب <small>علیها السلام</small>	۴۰۷
کوچ از قتلگاه کربلا	۴۱۰

موضوع	صفحه
زبانحال حضرت امام سجّاد <small>علیه السلام</small>	۴۱۶
زبانحال حضرت رقیّه <small>علیه السلام</small>	۴۱۹ - ۴۲۸
رباعیات	۴۲۹
السّلام علیک یا زینب کبریٰ <small>علیه السلام</small>	۴۳۰
زبانحال حضرت زینب <small>علیه السلام</small>	۴۳۲
رباعیات دربارهٔ اربعین	
زبانحال حضرت زینب <small>علیه السلام</small>	۴۳۶
زبانحال حضرت اُمّ البنین <small>علیه السلام</small>	۴۳۹ - ۴۴۴
رباعی	۴۴۵
قطعه	۴۴۵
السّلام علیک یا معین الضّعفا	۴۴۶
سلام بر ثامن الائمه <small>علیه السلام</small>	۴۵۱
درباره سالگرد امام خمینی «ره»	۴۵۴
قطعه	۴۵۷
میلاد حضرت مهدی «عج»	۴۵۸ - ۴۶۳
قطعه	۴۶۳
سلام بر هیئات عزاداری	۴۶۴

موضوع	صفحه
سلام بر اهل مجلس	۴۶۵
خدا حافظ	۴۶۶
جواب	۴۶۶
ایضاً سلام	۴۶۶
جواب	۴۶۷
دعای قربان	۴۶۷
ایضاً دعا	۴۶۸
هو الواقف	۴۶۹
یا غفار الذنوب	۴۷۰



انتشارات احمدی منتشر کرده است : کتب موجود،

- ۱- سجده گاه عشق
- ۲- چهارده معصوم علیه السلام
- ۳- جلوه گاه عشق
- ۴- یادگار آذری
- ۵- اسرار شهادت
- ۶- وصال عشق
- ۷- اشک روان
- ۸- ارمغان نائب (۱)
- ۹- ارمغان نائب (۲)
- ۱۰- دیوان جوهر المصائب
- ۱۱- یادگار محمدی
- ۱۲- دیوان حجازیان
- ۱۳- حادثه کربلا
- ۱۴- ارمغان نائب (۷)
- ۱۵- ارمغان نائب (۸)
- ۱۶- سیرانسر
- ۱۷- میعادگاه عشق
- ۱۸- پرتو عشق
- ۱۹- جلوه جهاد
- ۲۰- وعده گاه عشق
- ۲۱- اورک زمزمه سی
- ۲۲- پیام میلاد
- ۲۳- زهرای اطهر
- ۲۴- حدیث عشق
- ۲۵- یانقلی اخشامالار
- ۲۶- صحیفه شهادت
- علی مظفری « میانه ای »
- مجید محمدی « هشترودی »
- علی مظفری « میانه ای »
- سیف الله آذری « اردبیلی »
- مجید محمدی « هشترودی »
- بُهلول صحت « مشکینی »
- جعفر فتح اللهی « مشکینی »
- تائب « تبریزی »
- تائب « تبریزی »
- تائب « تبریزی »
- مجید محمدی « هشترودی »
- سید محمد حجازیان « تبریزی »
- مجید محمدی « هشترودی »
- تائب « تبریزی »
- تائب « تبریزی »
- علی اکبر علی اکبری « اُشتبین »
- علی مظفری « میانه ای »
- صالح علی نژاد « تبریزی »
- امین کاظمی « مغان - هومونلو »
- علی مظفری « میانه ای »
- حمزه علی همتی « خلخال »
- مجید محمدی « هشترودی »
- احد عدل جو « تبریزی »
- فریدون مغانلو « میانه ای »
- سیف الله آذری « اردبیلی »
- مجید محمدی « هشترودی »

مراکز فروش

- ۱- تهران ، خیابان ناصرخسرو ، کوچه حاج نایب ، پاساژ مجید، کتابفروشی آقارضا دهقان تلفن ۳۹۲۸۰۵۹
- ۲- اردبیل ، بازار جلائی ، کتابفروشی آقای ناصح تلفن ۳۳۴۵۷۳
- ۳- زنجان ، کتابفروشی ستاره تلفن ۲۴۹۴۹
- ۴- قیدار ، کتابفروشی حافظ تلفن ۳۹۰۷
- ۵- تبریز ، خ ثقه الاسلام ، پاساژ بُرهانی، حاج اصغر عباس زاده تلفن ۵۲۱۱۴۱۳
- ۶- تبریز ، خیابان امین ، انتشارات یاران.
- ۷- تبریز ، چهارراه شهناز سابق ، کتابفروشی آقای رحیمی.
- ۸- مرند ، خیابان طالقانی ، انتشارات قمری تلفن ۲۴۳۷۵
- ۹- خوی ، مرکز کتابفروشی متفرقه
- ۱۰- مراغه ، کتابفروشی آقای کریمی تلفن ۲۲۷۰۹۸
- ۱۱- میانه ، سرچشمه ، کتابفروشی رسالت تلفن ۳۵۰۱۱
- ۱۲- قم ، نیروگاه میدان امام حسین ، سوم خرداد، آقای عزیز سیفی تلفن ۸۸۱۴۷۰۷
- ۱۳- سراب ، خیابان مطهری ، روبروی مسجد جامع ، خانه کتاب ، آقای اسماعیل موسوی ، تلفن ۳۲۳۸
- ۱۴- مشگین شهر ، انتشارات نورمحمدی ، تلفن ۲۷۰۱۵
- ۱۵- هشتروند ، کتابفروشی آقای حاج محسن محمدی
- ۱۶- همدان ، کتابفروشی آقای مهبوتیان ، تلفن ۲۵۲۸۱۴۱
- ۱۷- همدان ، بازار کتاب ، کتابفروشی آقای حاج حسن خوش بین
- ۱۸- اسلامشهر - اول ۲۰ متری خیابان امام خمینی ، نمایشگاه کتاب آقای ایرج حقیقت ، تلفن ۲۳۴۶۱۳۷
- ۱۹- کرج ، حصارک پایین ، خیابان مالک اشتر ، جنب پارک ، داخل پاساژ، کتابفروشی آقای محمدی.

اعشار اٹ احمدی

تہرن : ناصر خسرو کوچہ حاج نایب ، پاساڑ ۱۱۰ ، شمارہ ۷۴

تلفن : ۳۹۳۴۱۱۶ - ۳۹۰۸۹۹۶

قیمت : ۲۰۰۰ تومان